民國護書

第五編

• 68 •



庚子 西狩 叢談

吴 永口述 劉治襄記

版再月二年二十三國民華中

談叢狩西子庚

不許翻印

【元拾貳價實册厚一書全】

筆記者 出版者 述者 吳 苕 蘭 話一德海霞飛 興 溪 劉 吳 七七四 書局 治 漁 隱 襄 川

本書據符溪漁隱1943年版影印

像肖歲八十三生先川漁吳

道備兵欽廉高東廣任時影留年二後子庚



吳漁川先生墨蹟之一斑(五十八歲時所書)

余自乳時學題么数書十份年百凡好 易深造復專智香光書今二十年於日和 不自極四十歲瓜知趙書非雄秀軍成去 雪污好墨該将養強過耐人歌稱一而於 其二知所反乎 去成四月兵永微北京师 指心比被朝管教養養己高自標的者 了年的得因就幸雅山道粮的十年心力

戊

吳漁川先生年譜 也先 生生 於諱 同永 治字漁 年川 殁一 **於民國** 年復 享道 十七十有二人浙之吴 二與

四 年 一十日誕生於四 乙丑 川寧遠府西昌 歳 代及 父病 父 篤 每夜就 殁哀毁幾以 **接以身殉** 中庭焚香葡天號泣

清同

是治

就 十十傅九八七六五縣年 一年讀年年年年等四 月 三 **庚**己戊丁丙 午已辰卯寅

六五四三二歲歲歲歲歲

八七 歳歳

為壬辛

已能

尽

才

詩一文年

十十十十十九 四三二一歲歲歲歲歲歲

清 光 緒 四三二元十十 年年年 年年

戊丁丙乙甲癸 寅丑子玄戌酉

乞以

身

摹刻漢印古茂有改作发再章刻苦自勵涉獵經史之餘工繪隨母徙成都家貧甚無力延師從一五 時增從五事親歲 通友 音假

律書

二十二十二方有致雅俊稱於時六年 一十二章 一十二章

庚 子 西 狩 叢 談 丰 譜

觀察耳其名聘為記室閒從侍耶郭嵩表習旅囊蕭然粥書畫鐫刻以自給那陰郭子辭清廷與法議和遂新甲歸田泛洞庭客長沙十一年 乙酉 二十一歲 古文義法藝益

第 那殺勇侯曾紀澤一見拭目館於台吉廢邸即殺勇侯曾紀澤一見拭目館於台吉廢邸由湘至京師郭嵩燾侍郎為致荐於戶部侍 十二年 丁丙進 玄戌 二十三歲

曾惠鞍公司 十六五年 紀澤以次女妻之 四

庚寅

十十八年年 次 年 惠 2 薨於 英壬辛 已 辰卯 生護喪之長沙二十六歲 二十八歲

先生以家貧親 老援例以 縣試吏直 二十九歲

> 中日啓蒙 甲午之戰

二十二年 丙申 三十二歲文忠公(鴻章)奏派隨辦日本商約 中日和議告成 侯官羅公豐禄荐先生於李 乙未

二十四年 戊戌 二十三年 丁酉 三十三歲歲早司趙爾異伍廷芳及先生等皆列薦剡陰桓接辦商約大臣遵旨保荐賢才首舉安整互接如公奉詔賀英皇加冕禮南海尚書張

嫯 治懷來縣任 兢兢吏職以 勤 廉自矢頗著循 三十四歲

生守土不去接駕有功奉旨辦理隨尾前路京師兩宮微服倉皇出走車駕猝蒞懷來先亂機痛治之境內晏然秋七月八國聯軍犯是年拳亂作紅巾滿城生殺任意先生洞燭上十六年 庚子 三十六歲 糧台以位卑邀重眷恐遭衆忌毅然奏請簡

五月簡授廣東雷瓊遺缺道兩宮自西安啓 處存記賞資優渥寵冠羣僚朝臣盡爲側目 化擢升知府准專摺奏事賞道員交軍機 甘肅 一十七年 潘司 辛丑 三十七歲 甯自居會辨 至

赴廣 **鑾命督辦回鑾前站事宜至開封奉懿旨逕** 十八年 束新任毋庸随恩 壬寅 三十八歲

三十年 一十九年 .州清鄉事宜 乙甲 已辰 癸卯 四十一歲 三十九 歳

補授廣東高廉欽兵備道

兼統潮普等八營

黎局務旋調授惠潮嘉兵備道十月續娶官 調層雷瓊道兼統廣東巡防七營兼督辦撫 保郵傳尚書 三十 盛宣懷之弱妹爲繼室 丙午 歳

四十四歲

蜀奔喪

四十二歲

七六五四三年年年年年

丁未

民國 清宣統元年 元年 三年

黃運兩河事宜語授資、及大夫賞一品項戴 服闋 入都旋授山東充沂曹濟兵備道

兼

己酉 四十五歲

秋武昌起義去官之滬

辛玄

四十七歲

庚戌

四十六歲

四十八歲

旋改任都督府秘書長兼籌備國會省議會 魯都督問自齊召赴濟南委署山東提法使 壬子

選舉事務所所長 二年 癸丑

四十九歲

使

及

僑工事務局長給二等大級嘉禾章官簡任膠東觀察使兼外交部煙台交涉 新改觀察使爲道尹 等大級嘉禾章官制 在任歷十年之久

丙石原卵 甲寅 五十 歳

五十二歲

五五十十 四歲 三歳

戊午日

Ξ

于 西 符 叢 談 年譜

席間 場談 襄先生初時於濟南山東省署之西 東子故實未竟即散 五十六歳

以事件上官送挂冠去從茲自十年 辛酉 王 五十七歲

席賡續前問遂成庚子西符叢談一書凡五復出任國務院秘書與劉治襄先生重共几孫公寶琦潘公復先後結理中樞一再辟抗

卷都七萬餘言

一九年 中九年 東午 二十年 東午 二十年 及 成 長 三十二年 東午 二十年 東午 7 特 開 釋 學 六 十 四 歲 六十七歲

付美國耶魯大學刊行後更有德文日文譯美教士浦愛德將與予西符叢談譯成英文二十四年 乙亥 七十一歲二十三年 甲戌 七十歲二十三年 平成 七十歲

局官一些所餘僅圖書四壁筆**現數**笥而已十月十七日易賽於北京宣南求志巷先生二十五年 丙子 七十二歲 二十五年 丙子本中外推崇視為信史

四

逐 神器般 庚子 逢迎犯炭心擦除夷寒為名将欲撼動 生電塗炭款議在就歲幣等歌車主以 京、 谋 北常之崇利遂致乗邊播選 截拳跳其路由松二三愚妄大臣 頻 選民国 马射 弹百度 原秦紀

序

铜 激 10 為 清 仍爱之来每相缘猪目后嫌放守分裂失造心 則 滅 是 差 頹 悍 か 精 换 唇松 移说 嚮差戏戏 陰 少日 徳宗矢 何 立條人所 自 是以風 八無意及以 将 而 以生孝 迎不 八宫廷雍 俸 施而工州 斯 及 五京 睦 敵

13 如是之速矣 够 锐 桐 使考 喜 種 维 無由犯 吏失 玄 稍 軸得 佐宣言五憲 可為 、取兵さ 是 裥 推 构 狸 关 非 辛丑和 國 柄 質 素 称 任 え意當為事之 終 至 槯 孟 修 進 倉1 其已也 駉 闸 一大下 庶 鉅 貨 政 痛 則 船 騒 深

官長 罹 當 何 基 孫 奏 胎 言 鱼肉 鸡 封 送 刃自 報 呼豈 拳 前 恩 柳 int. 泉 動 强 民 红 非 Ž 毅 余至 子干 初 茂 天 擅 余 打 淌 ζ 阐 不可 痛 余 城 再 7 军懷来之三年 す 縣 治 厲 え境 经 殺 境 葵 任 日 設立 言る 菩 内晏狂客 女口 是 壇. 问 陵 場 者 쾢

僅 導 須 间阐 鉄 護 戶脫 雨 集 道 刻 備 車駕 途 月 事以豆 行宫 有 及 一直餐 粹至百官雲後余 夷兵 平民所不堪者况萬 供 億百司食 些 陷 麥 糗 京 稍夕休 師 两宫 쒅 物 等床 旁邀 れ 榝 凌 宛 胍 漾 勞 榻 慈 出 多 飢

岩 諭 陪 當 聖 宜言不考入告 及 随 熱 貉 特 塞 汉以為 闾 達主 断 陷 趯 嫉 凋 知往 座 九 阐 敝 春 不 に木次 府 情 過一道寧非命 遇 余う觸 未 状 優 闻 落 嘭 召 執以某公責 W. 唇此 寖 對每 瓤 将 為 為送 陳民 大 た 用 巷 頹 间 浸久 苔 余 回 為 韓 非 疾

同 未 實 中 退 記 2 吸 大口 有 骄 推 问 己 枚 Ž, 論 執政者 浩 簡)4<u>+</u> 亦 監 皆 博 察 溪 時 有 羣 御 逐 劉 常 斌 之家 史 略 治 事 エ え 寨 知 號 遭 而 疥 天 先 言 零 下 貶 未 事 生 言 謫 得 大 吾 贬 罪 **Y**Z 陛 計五寅 浙 下了 A 者 梭 陟 盖 友 名 令 有 領 女 士

余 鄉 余 之秋 越八年 光 符 于 钦 生 程 胖 其 共 鸡 滿 11 捜 A. わ 滅 13 南 竟 麻 進 耍 重 會 寧 士 未 た 中 省 獲 有 總 詞 前 他客至 垣 見為 问 有 余 入毡 接 為 恨 欍 鏤 溪 と 即 朝 未 韵

額 唐 李 亂 办 情 子 え 闻 政 赏而已 事 西 扩充 余素 光 末 棺 生 得 業 行 獎 久之 先 失 在 席 7 同 孩 僑 Z 校 則 談 瘾 詳 生出一 狭 己泉 乙或喜 居 猕 過具述當 仕途鬼 博 姓 编示 成棄北孝 兹 郁 余署司 签記 歷 わ

波昂 覺 庶可傳 遺 塵 即此可見 己族爲為忌今得先生 一卷年、 華冀情事宠 秦 练 信 脚 维 先生記 余条老無統日即 飛 横 第 发生質 祠 在日前不禁 来福為事皆 悸 绣 為 橡 海上に 精 華化光 D 頹 滂 絅 产 新 魄 實

五手式 即作岩 連 手後之覧 时 图 戾 信 興 十七年成辰春三月 者 吳水 史读 八母 7 書松 涟 趣水のや禁 務 宣 供 南 事选 闭 浃

庚子西狩叢談序

成數 是時吳公之名聞天下旣而太后 得先生雄快之筆記而傳之洵足備當世史家之要删矣莊生云舊國舊都望 憶及公每入都召對未嘗不移唇也既而兩宮相繼殂謝國祚亦潛移談者偶 林堡懷來縣知縣吳永具衣冠恭迓於道旁於是帝后始得 庚子之役國家以亂民**肇**釁外國疸 略乃與外間所傳廻異同坐劉治襄先生壞奇人也因就公所述草具其事立 臺日夕召見駸駸且大用衆以封圻臺輔目公矣而公伉直自將不肯骩骰 為前古之所未有不獨關有清 !以故樞要多不悅公遂以道員外放然太后終契其賢遇兩司缺出未嘗不 往事始如隔世矣丁卯之秋余與公相遇客邸有以前事詢者公為述其大 世紀載閱如後生小子幾莫有知其詳者吳公身在宮庭親述其所經歷又 萬言先生風雄於文數陳演繹劃切周詳覩者皆悚然色動蓋庚子之禍 邱陵草木之播入之者十九猶之暢然况見見聞聞者邪今海桑娄 一代之與亡抑中外交通之一大變也而事經 嘉其行誼命開缺以 /衡而 入京師兩官微服出狩行二日至 知府隨扈督辦行在 進館粥備供帳

子西狩叢談 序

庚

響猶為未可厚非也二公於此其亦有同慨乎戊辰三月桐城吳闓生謹序心以衞國家特苦其智不足耳縷指二十年來之事變吾未嘗不歎此輩之影 怛而不能已而况吾儕之目擊其事者乎然拳匪雖陋尚知慣外侮之侵迫同 追述其生平聞見之詳有不勝其悽然魂斷者雖異代讀之猶將感愴徹歐側 **愛城郭**猶是人民已非蓋不 厪邱陵草木緡焉而已而二公從鐘**廣遷移之後** The second second second second 庚于西特 叢談 字

籫 將關係此次遺聞軼事就傳說親切與他書所記載者採贖索要拉雜補著 實未能按 懷來迎駕隨扈往返嘗為詳述其身歷目擊之情事而予偶為之屬筆者也 至黄河南岸登舟北渡為止除敍述輦路行程外其間多有政變要聞宮庭 宮駕抵懷來沿途扈從至於太原駐蹕第四卷及第五卷則自西安起程 第二卷則 書近七萬餘言以篇幅太冗釐為五卷第一卷自義和拳發難近於兩宮出 ,可泣可以撫膺扼腕擊案俘白其一切稱謂體式均沿當日口脗從史例 一與當時內外大臣鉅璫貴胄之語言風概旁牽側引波譎雲詭可歎可愕 附錄 漁川曾因公私事項兩離行在歸途復由河南 所載係因前清庚子義和拳之愛兩宮避地西狩吾友 一孫莫問當年之隆準昔之紅羊換劫青犢 兩卷用資印證嗟乎黃短朝士幾人省說開元白髮宮娥何處更談 日銜接然 漁 襄王氣全消白雁霜前秋風已改金輪聖母空留外傳於人 川先在懷來禁遏拳教與後來所受之種種險厄第三卷自 庚子一役蒙國大恥事變後先 興妖六國攸關雙旌 逕赴粤中新任故途中 之迹亦略可親矣暇中 吳君漁川自 囘 ㅁ

故 依誰實為 母於門中忍看 天胡帝牵母牵兒牛車夜走於北邙殼卵晨探於廢屋蜀道青天呼癸庚而 心長安紅 與元 棋輸 單 出名家特)]] 미 憐 捐 以關門之 置 頂 九 未 廬 收却 府 州 漢 之吁其酷矣天爲唐室生李晟上付禁 璇 日指戊己 壑歳歳 柱 糜 錯 韓間 加 十道粗通蠟詔星馳海內識 以 身 謀深吞 樵 置 鑄黃花 敵 承天遂乃擁篲除宮解衣獻 令尹作參乘之中野紫氣未瞻彩符忽降見舜容於牆 頓 填 關 會敢忘館 **悴綈袍** 之 功卒要城 胡氣怯竈 金 以為屯同聽 之崇銜 萬里芒鞋遠 超遙百二河山鷄鳴 明日青史前 寒至 橐 命傅屬 下以輸 以 惟式怒螳不當車江 負詩 隨 此 內苑蝦養六 **光說** 卓 金 朝 前 書太 俱成 盟遂據有 朕 煎 乘輿所在 近 曝 華 熬 過 西 度僥倖 更已 爰自 識 典衾 鮾 眼 腹 旁而 真 低誓踏三峰而捧日 之 軍於馬 半菽 具鰈 左畫 断極 潢 卿 烟 鉤舟鱗萃人 雲孰洗 海 鼾 乃 千子子 能 劉薦供 睡從 澄 無沾是 疆首主和戎之議 燧靈武 目南 波 如 是 沉沙 弟 此 飛 已 收兵 一衆共稱 心以 烏鵲 主憂臣 芻辛苦 狼 燕雲時 之 跋 起驛登封 仙 鐵戟 百官 東 王 遇 匝 歸 何

中華民國十有六年十月上浣鹭園居士自敍於京師宣內寓廬

萬姓呼蒿. 生篚頒 麥秀之遺音作瓜架 王定保之摭言不賢者識 花落相逢便 牙並珠記心頭丹留枕底鴻爪之餘痕彷彿印雪長存蠶絲之積緒纏縣 日 盡等洛觀圖歌鳳舞以從遊賦鹿鳴而賜宴長信宮前千官獻壽望仙 衝埃霜凄月黯來時飛蓋 罷 以 屬於庭階籍笏不離於左右凡一路之行行止止經年之見見聞 及鷄蟲得失之場冰炭炎凉之感覆雨翻雲之世態含沙射影 漁 同書說抵將十曲詞彈昔年歷下亭邊萍因偶合今歲晚晴 同西陸之餘光重續南柯之舊夢且 有役皆隨無班不綴前席數言常呼裴監書屏問狀必引 豆棚之閑話君慕介子推之雅節將隱矣焉用文之我 其小 ·者時 雲會風 從他若御史呈身將軍負腹尚以 一收談 屑聊綴叢麻寫黍 由

庚子拳匪之難入國聯· 軍入京師兩宮西行於時同鄉吳興吳君漁川 **甓園居士華記**

僻邑傫然坐困無端而空中霹靂忽報皇太后駕到皇上駕到王公宰相陸續全是三家村禮數滿村聽唱察中郎此固不足深究然默揣當日吳君以荒城 觀者填隘予亦曾一往寓目陳設布景頗新麗而劇中情節殊弗類科白鄙俚 恩眷優渥京外嘖嘖稱 俱到此真夢想不到之事巷中遇主亦喜亦懼定别有一番情景惜不獲與局 任直隸懷來縣事以倉猝迎蹕不誤供應大為兩宮所激賞由知縣超糧府 把臂晤談一詢真況也 一時佳話上海各戲館至特為編演新劇 以歆 動社

應往往託故辭謝是日聞漁川在座頓觸素懷欣然赴召私念漁川以盛年下 西圍囑予為陪濟南當陸海孔道冠蓋絡繹公私宴會無虚夕予苦不善 驟膺殊眷遭曠代非常之異數意其人必精強機警目聽而眉語才氣發 國八載予佐山東省幕漁川方任膠東道尹以事晉省居停屈公觴之於省

夷

于

敦促 叩以前 然不聞七箸聲 逆恍惚若平生 **驚忽愕忽笑忽怒**頃刻萬態聽者亦 滸傳心摹神會目無旁眴漁川 與慫恿之漁 在對案相 爾中斷以後肴酒雜沓終席迄不得賡續催租敗興予大引為憾事第念 足以傾 省中山河咫尺覿面固非難事計必有一日從容剪燭可以圓此話柄 jii 年彼 同署後 會同 政 局改造濟寧潘公總揆事予與漁 事衆聞語成 事 此 見 喜極 吳君 川 戰 不相聞願其人其言其事輕低徊往復於予胸中未嘗一 重違衆意勉為之開章預說同人 正談 者顧乃溫 事踵起遂不暇重至省會而予亦不久謝事去魯風流雲駛 故舊席間 **| 返 損請** 北江鄭君俊忱 共忻贊漁 至酣蜜處 坐次適 厚敦 申前 說顧 旋亦 忽報某鎮帥至主客悉蜂起雜席一番擾 篇藹然善氣恂恂如老諸生臭味相 川因為 鏡君景伯 相接喜極情急不復能 自忘 漁 不覺 川 從頭敍述合座 隨 川先後被 其疲描述拳匪 新 柯 病 而 愈喘 君 顛 環 燕 倒 坐 舲咸 息尚 辟 入樞 傾聽均斂容屏氣至 促膝如聽柳麻子說 自禁未 始 ŲIJ 欲速聞其事因 不屬殊竣 未殊清 聲益高神 府 同爆 及舉酒即 感一 切動聽忽 西廳 巡 日釋也 未 見 敢 同

庚

說

即

亟

下

린

分解子

念漁

川

所

談

錐

屬

於

人之

遭

洏

其間

已

寓後偶

壻倪

孔

昭兒子

同度述及一二皆忻喜踴躍

如讀

章

囘

前

、生難得之快

事

耶

東始 相 證 與 起立 緒環生娟 環 顧 則 娓 花 稻 滔 磚 日 如長江大河 影早己移 過 七步直 寫千里 不可 上 西西 復遇 櫺 矣

談助反 拳匪 此 時閱六七年以萬分渴望 書殘本忽然足 身未了之緣成 聲懸懸心坎 爾 年以後假當時稍延片刻一 消解欣慰殆不可言喻最 次所談 節及後幅情事均為前說所未及予既溫 不覺 與子 直 如何注意乃無端 前 配 至今日言者聽者乃 日蓄之意中而一旦得之意外便覺得一字一語皆成 完編 所 聞 者互有詳 一之私當十九難償 如蕩海萍 미 氣說 畫成 異者區區 略 復 盡 花旣離復合西窗聽雨 兩 但通體比較總以詳於前者為 無端 亦 橛 神 不過曉 一夕談發端於八年之前 聚集完 山 之願本非絕對 乍近風 此 舊聞復償 此一 引舟 段歷史茶前 椿 開偏 公案地 新 重話巴山此豈 必需之事己 願胸藏 留此 多其 而結委 隔 酒後偶 宿 數 不盡 千 塊 作 關 於 里

復 兼 囘 闗 填 乃引 言之 則 持 係 之箧笥 收 與 井 一首尾 徹 補 可 示 如 於 夜 加 蓄 太 亦 地 漁 而 政 愈長 備 冲 粗 名 聞 更 删 私 不)因 而 時 後 率 具 研 無 潤 為 異 拘 承 國 竣 正並 為 都 旣 就 能 人 付 枕 居然足成 日史家 故 袼 縱橫 盡 燈 知 秘 詮次先 事摺叠稿 與 之此 就 孰 內 下 一紙更 援筆 時 作 之 容 中 左右 與 ·擇要節: 此 後 選 之繁贍叢 逕 一片段 紙己 段 取 局 纑 狼 係 行 知 訂 、籍為 率 好 尺 刊 其 述 遜 之得失為當 與明皇 漏 惟 中具悉 巋 紙 荒 抄 意急就 布 取 然 直 条頭 寄傳 雜 誤 絫 實錄 差 如 次 至 更 十 之篇文 出 暁 翔 其 乃 幸 餘 晚 日報 或 識 牛 過 蜀 舊 更續 鐘 遂 世所 實 事謂 則 於多數之 腰. 之因 將 於是 在 建 藏 因 用 沉 始别 無剪 動 君 文 漁 日 囑 埋 寸草塗抹 不具悉者 湮 尙 意 姑 自 遜 記 倪 Ш 拳匪 沒 國諸 裁 耳 名之 以 未 爲 壻 旣 兩 罄 永 體 目 册 依 新 親 在 記 發難泪 其上 掇拾 序整 其 無 質 見 在 見 紙 日 在子 傅 付 檢 之漁 西 義 闕 Ш 理清 狩 約 攜 飭書 不言恐 文 舊 叢 借 莊 聞 略 歸 出 而 之 亂 數 毋 談 狩 繕 乘 核 為 相 頗 紙 更 使 對 凡 之 親 並 類 稿 承 以 通 列

庚子西行叢談 卷

温室樹 藻照 抑子於 於 雅 重以尊前 負責於矛術 今以視 百折殆非恆 之冒昧 形筆墨 人有揚抑之 顿 願 而 耀 聞 於此 以 海 坊 筆 蟹有筐 此尚當有所剖說蓋 一致傷忠 肆通 越 必錄 舊 内固 車笠半隔 俎 事 盾炊之 正足見 人 初未嘗稍 所能 未免 嫌 非 原 而稍 重 行之淸宮秘 厚故所 不假 下筆措 不能 提 留梗概 徒增長 雲泥 近 漁 下長日在 忍受甫離豺窟又入 以成)]] 於掠美顧 屬 有 存當 增减 筆 之長德予則 夢 詞 心據事 者漁 史諸作信 於後世. 裹 頗 觸况以局中之人記 漁 槐檀 [探珠] 多牵 川自弱冠 緣 時 漁 川之 日 飾 川當 都成 即漁 取悅 直 記 顧 履尾之中雖 事 書 殊 完全居 至對於朝 口 甚簡 觀者雖 開 川當 龍潭幸 自所 泡影已在境遷 漁 更無勞於曲筆此 以詞翰受知於當代諸)]] 河 於局 日 遇之奇之險 略 之言漁 羗 同九 無故 種 親歷之事 幸保於始終實備嘗夫茶 其無心傳 序笑譚宮庭瑣事亦似 不 敢遽言傳後 外與書中 種苦心 死之生突受可驚之 川 實者固 之後不無痛定之 不自 孤詣 在 之艱 世 一段信史 記 爲 可知平居 人物均 要當足以 稍 有鋪張之 難困頓千 鉅公書名 而 予記之 勝一 或 無 篺 何 不 不 也 洂 蘖

若代斲傷手之譏固非予所計矣旣拉敍緣引如此以 大節亦 反因 此 書以表暴 其十一則掠美之事或竟視為成美殆亦未嘗不 下乃述漁川之言

此 意為 予初以先外舅曾惠敏公之级引得識合肥李文忠公頗 充文案委員次歲文忠奉命出使賀英皇加冕兼遊歷各國繼其任者爲 野侍郎蔭桓 熄而近畿各地厥勢猶張予方爲所 十一年文忠奉命充全權大臣辦理日本換約事宜 困居圍城中絲毫未得消息也 漁川日予欲述迎駕始末當先敍及拳匪之事蓋逮兩宮西狩時京師匪患 興地 爾 其皆 巽 縣 治 容不 仍留 在 堪任封疆次候選道伍廷芳梁誠堪任出使大臣次道員潘雲生湯 方紳民感情頗洽相 記堪任監司以予殿末其荐語為堪膺方面旋交部帶領引見奉特 任 二年於地方利弊多所興革尤以除暴安良使民安業為 原省補用 年餘事竣會詔中外大僚荐舉賢能張公密保六人首安 1 酉補懷來縣戊戌九月到任是時予年力壯盛 如家 人骨肉凡所舉辦朝令夕行故雖 厄備歷艱窘即駕至懷來之前一日予 字以直 承器 一隸試用知縣奉 視前清光緒 徽 臬 張

庚子西行造談 生

身入教 則佛 案往往屈 實私相傳習蔓延 無忌官吏亦 字肆行剿刈乃特淑扶清滅洋 資援助也遠聲氣漸廣名迹顯露其中點者亦深慮官方干涉率加以 相 里教士藉 書符治病煽誘愚俗趨者如鶩嗣 先是清代嘉慶宗葉直魯豫各省承白蓮教之後復有所謂 爭相與招搖 邑殊戀戀不忍舍去以此 以抵塞官府 率投 然拍案 入八卦教 以 民 自庇 口 置若 勾煽 保 曰嘻此義民也獎且 而右教教民 護 用 會毓賢任 頗 設壇 以 罔聞然禁令固未弛也迄李秉衡撫魯部屬 以 自别於白蓮天 紅庭 與之相抗因該教 廣 自 立社 耶教傳 為 曹州 **驕縱益甚鄉閭** 这於庚子之難予猶在 招來動輒挺身干預官吏但求省事遇有民 教中聲勢 四 府 門諸教緣此 字口號即懸是為彼教標幟一 入中國 經清廷嚴令禁遏因不敢 不 暇. 中稍有團體組織冀以衆爲勢緩 又安可復禁此 合李意思藉此階 時暴長於是 地方莠民輒掛名教籍倚外勢 良 懦 十九受魚肉 而 懷來也 從者益衆漸 語一 善 進 良殷富 播所在游 因之 公行嘯聚 八卦教者大 則 有 明 以號召 亦 以 銜恨刺骨 目 此請 張膽 不得 民 不 加 教 昌 軌 獚 抵 急 民 示 土 則

聲勢赫 兵器 謂 亂 於坎字者謂 隸乾字者謂之黃團悉用黃 出於其一言之下此職率由地方豪猾充任其威力直建出郡縣長官之 拜奉命即赴湯蹈 領袖皆稱 為多數且有供 壇宇所奉之神任意妄造 該教中每糾合若干人 八卦教本分為八大 之神 以 耀 軍 過 數年幾日 法 可 大 附 如狂醉新 ク 師兄凡有正 體 以頭指而氣使凡隸該團本域住民無論富貴貧賤生死 相部勒練習 祁窩藻 紅 則 火咸 遍於 面 團巾帶皆紅 目改 国 毎 国 入者則以次等頭目教授之令誦 及李秉 爲 山 俯首惕息無敢 一式祈 異輒 殊不 時 東全境美 申 團多者或至 巾 各以一卦為 不衡者·李時尚上 不一律率以出 色上畫 自稱 大 帕首黄帶 禱則神必降集 師 兄 沙 稍抗大師兄躬代神位 僧八戒悟空之 拈香誦咒其人即 逾萬人少,亦以千百 標幟此次舉事者實 黄抹胸黄 大勢既集遂 生存不倫不 於 西游封 其身跳舞升坐 布纏 7神三國· 類狂跳踴躍或 經咒習拳棒謂 昏然 公然 類 足 殊 巾 · 展生死禍福四日 | 日本 仆地俄 發號令餘 無 水 計每 編 上 袛 一皆畫乾 有乾 列隊 滸 可索解各 團各設 諸 項 經 伍 坎 /]> E 說 桂 月而 製 兩 此 膜 團 團

弱詐力 意舉利 播而過 拳匪 於百尺 官中稱之為 風靡遂 慫恿青年婦 多智巧乃草 無敵 升空 一多屬 以其精者 人樓頂 市 相 刃自 不 手持 角 如 市 미 井無賴 '復遏 刺至 拳民或稱義民後 發火 勝 術 駕 女投拜麾下 奉之為 至 而 成 紅 嗣 伏 可 一片彩雲 八立時 泥首 一於刃曲 則失石 पी 以 相 更 因以習拳為 書符 有 女 及 方 俟 匪 巨 被 灰 八燼或 選健 過 直上天際云云輾 沿途 頭目號 一猾别出 育 鋒 作 槍 誘之鄉 折 炮 去方敢起立實 訣 以紅紅 入教正 者為 以 從空中發火種 揮 而膚肉 其行 信迄 稱 不能 心裁從 之部 巾鋪地 黄連 里農民 止不法 选 課 稱之為紅 入 2聖母珠1 天 故 以 敢 領 無少損 則 津 雖 轉 彼 此 稍 瓤 覓 中自 此 傳 衣 真 焚 人立其上念咒數 抵 加 同 冠繡 禦洋 等 播衆共信之為天人所 紅 得 聞者益驚 燬 燈 為 相 照謂 拳團 衣短 稱為 百尺 漸著則普通 事實皆出諸 一土娼 服. 義和拳 義樓萬 、削平 袖 祇 亦復各樹門戶 衣 略 須 窄 以 飾 袴 紅 .儀 有 為 + 稱 神 通 姿 亦 間 匪 從 巾 一衆之 為 色 4 百成 稱 如 於 廣 拳 與 厦 而 妃 可 則

信尤 我國 持造 功偉 是時魯撫 分道 揭竿蜂起 亦 項 城 字紹 切 立 一郭通 甚 業 直 「威者 作種 追 申 諫 畿 界 赫 同遂毅 明 數 阻 時 五 唐中 十年 蘇為 向 行所 種徵 利 不 輔 李 時 害項城閱之頓悟 來 此 大僚 秉 收拾嗣 ·匪勢因 然 牵 竟 之命而北方各省皆得免遭重大慘劫 亂命萬 衡 屬遵旨 驗 全國宗望者實皆由 直督 涉洋人案 以聳 有獎勵各省拳民 變宗旨護洋人 如 足為 以袁項 裕禄. 辦理其時撫署主辦洋務文案為 上 不可從項城 孔出 聽一若此 件均 直臭廷 之一 (城調) 远遣人 氣 衰 內則 經彼手 不聽徐 撫 等義民 雍晉撫毓賢皆心醉 徐 而 焚燬教堂之 而直境各處轉益 剿拳匪 召還 剛毅 王成 山左首申屬 而此 退 真有忠忧 趙舒翹等阿附端 之當時山左人民獲以 面 「向謝 後即 事 因是竟得盛名項 詔令以是 竟 刻 禁犯者殺無赦 過 未 擯 及 而 神力可 以滋擾聞 其術而 檄文 裝出 候補道 言與邦造福誠 寓目聞之 奸 以報 已 民 署留書 王)發 無 載 毓 城 徐 項 安定 大愕 賴所 後 撫 城 各 漪 廷二 仇 雪 告 團 極 日 辰 初 飛 湖 麦 在 á 恥

庚子西狩叢談 卷

時剛 皆是其時 信之於是派端總率團務端益跋扈肆志而順直拳匪同時 直隸拳匪 臣中亦尚 不即决乃派 而 何 徐後 令其子 阿端王旨盛 亦 項 有持 初發生於新城而 城 速 遂 大 正 阿 默 剛毅趙 幕中舊人 異議 默 哥巴立其父戴 大位聞之喜甚 一種拳民忠義有神術趙又阿剛不敢為異同太后遂 無所表見大功不賞可惜尤可歎也 舒 者謂究近邪 、爲子歷歷言之當非臆造顧 翹前赴保定察 盛 行 極 漪 術恐 頗 於淶水旬日之間 口嘉歎諸 估攬權勢正 看剛 不 可倚恃然 親貴 趙皆為軍機 X因 爭竭· 覬 國 天津河間 太后意已為動願 同時竟絕罕知其底蘊者 家 有變 力 大臣甚見信 並起矣 阿附冀 深冀等州 可以擠擠 邀 用覆 猶 新 一意傾 流德宗 持

彼 當然獨力已苦不支而廷臬謂 團衆過 直督裕公本庸儒無意識頗信拳匪為 미 乃需 以觀風色泉司 索 懷 乾 來臭署至為發排單飭 折 累費至 廷雍則壹 數 白 意徇 金惟 予助團 庇所 縣供應煌煌憲檄 藩 司 義民 廷杰 以 承奉之者無所不至拳民由是益 力 街 頗 但尚未敢 明大體深 殊 甚 無法違抗 極端獎 突 以 以 予在 縱 盗 祗 勵輒依違持 懷 有勉 殃 境禁 為題 強 承 抑

庝

測.此報成 本司 甚 覆 水火而廷臬之街予乃益 佳 命恰與事 子 查 所 日在 辦 深 將 悉臬 實相 此 加 必 以 罪是 不令彼 反因 台 方 欲 而 時 似以私意相羅織殊了11中止予晉省謁見び 子正下 安屈 加甚厥後予幾因此中 好官也此語不知 鄉捕盗迭 見廷 不 破 可解 藩始告以 巨案紳民交口 何人 奇禍 君 、傅入泉署 但安心盡 故 而廷藩亦險遭不 台君 稱 兩司 職 在 頌 海須 懐 至以 來治

究詰匪竟 黨 斫斷 行 近 報施之毒 旣 敢 亦 不法 公然 漸 電 犁 線黄 聚而 聚 匪 次 万益 淶水鸡張 闖 如是 入城 介紅 戕 見每三五成 殊非此時所及料矣 肆然無忌憚延至四 之裕聞信 煙也 布彌望皆是都下游民痞棍悉聞風 日甚直督不得已乃 **厚沿途** 膽落自是遂不敢有所主張旣 叫 嚣奔突持 月二十間遂羣起舉事首焚 派 副 刀喊 將楊 福 殺惟 響應 同前 不剿 尙 往查 未 五 亦不 月 見大 人煅津保 辦 初 旬京城 股 撫 聚 聽

五

月十五日日

本書記生杉衫彬突在永定門外遇害都

人聞信 咸慄慄

各使

館外人

、尤大譁憤羣起向總署詰責問我政府究竟有無保

__

庚 子 西 狩 叢 滋 卷

竭誠 能 城 供奉內監 力當 局 日間 之 吾 入夥者尤衆於是輦轂之下悉成 城 應 內拳匪 付 不 聞 已集至 有 何 數萬王公世爵 措 置拳 匪 益藐 爭延請 圍 匪 玩 一世界 無 所 大 矣 師 瞻顧 兄住其 遂 相 桽

地真一時之名. 经 教民次日 十七日 少長男女 巷珠寶市大栅 正陽門城樓紅光燭天各處教堂及教士居宅同時舉火凡 任意屠掠 時之 匪 咸 則 衆遂乘勢暴動以焚燒教堂為名到處 /浩劫矣. 被 凡 家有 則 欄廊房頭條二條煤市街等處繁盛 屠戮伏屍載道 有無事證 西洋器具貨物或與西人稍有交往者概加以二 匪中呼洋人為老毛子教民為二毛子先猶 無所別擇於是全城居民驚號狂竄哭聲震 放 火前 市場悉付一 門 教士教民家 一帶. 火勢延燒 東 毛子 西 屬 荷

專

德行至 駐京公使勸 禁阻然已 自前門焚 總布 不生 燬 其 胡 清廷鑒於拳匪之橫暴頗有覺悟復通令各省着 同 效力匪衆旋 國並 突為一兵士發槍擊斃於是各使益怒不可遏謂清廷實 |有旨派兵護送赴津各公使同至總署解行德使 揚言焚燒各國使署清 廷遣人警告東 地 方官 西洋 嚴行 各 克

內槍 沽 俟 百 百 復 府 仇 狼 餘 第皆 幾 捲 前 敵 復 炮 出 無 圍 發 攻 台騰 愾 勃 都 麾 死 者 分布 中拳 然 逾 京 使 卽 志 擁 在 如 城 館 讓 變計 前 過 輒 就 因 為 御 及 方 扼 萬 墜 F 匪 內 東 亦 守並各 告 益 進 益 面 彼 交民 显 入 河 西 死 .遭 以榮 屯兵 御 什 廟 且 居 晶 固 橋 蠢 誓 巷 退 庫 攻 河 無 兵 則 顧 亦 電 秩 教 禄 地 附 中 師 死 匪 本 數百 序冒 帶 聲 堂 詞 總 均 焚 明 近 師 令 劫 民 氣 國 建 口 傾 時 立 撻 居 接 甚 設 眷 人據 復 死 政 死 槍 調 御 伐 屬 則 盲 防 也 百 進 倔 府 守之 男 見 槍 進 聲 仍 強 設 禦 孰 武 河 並 法 女 冼 圍 洋 衞 積 震 弛 不 與 工 巷 幾 僅 一發彈 濟師 屍 中 兵 耳磞 中軍 拳 遜 程 共謀 盛 盡 匪 為 已 潜 以 太 無 身 及董 平 如 動 后 部 而 無 伏 騰 禁令着各省督 抵 固 免曾 岸 鏖兵 徐 圍牆 署 靜 虚 大志諸王公 守計 抗 如 徐 連 落 丽 相 福 旣 以 洋兵之 累日 宅 珠顧 徐 我 中 定 桐 祥 徼 同 並 上 衆 遂 所 孫 時 幸 不 竟不 動聲 禁軍 統 斃 擁 轟 照 於 相 由 受傷 僕 然 廿 撫 更 會 津 家 北 萬 役 招集 鼐 色 軍 交 沽 總 至 仰 者 率拳 瞄 故 曾 退 不 署 調 遂 口 人兵 刺激 侯 處 習 獎 洋 準 促 如 相 射 匪 廣 則 波 以 將 孶 兵 匪 .擊 之 多 同

或稱奉詔 圍 真兒戲矣 y 攻 使 館 送 久不 瓜 菓蔬 衆意稍 菜 至 懈. 榮 相 巷 見 大勢弗 口 順. 人自行 己 紆 囘 改道隱 入

色環顧 有年 總理 意態 祖謀 皇上同出蒞座端莊諸王方倚 使不得急攻是時 無以一 太后餘怒未息復厲聲 言 何 物 無稍隱諱 熟知 小 尙 亦在班列即跪 臣 國 意頗慍 猶 臣 洋務 盡 乃 豫 言 敢 敵諸國之理兵部侍耶徐用儀太常寺 景澄欲倚 而端 上畢淚 應 越 怒厲聲問 莊持之 級妄言 主戰 明白大勢究竟與各國能 地陳奏 下許亦含涕陳奏歷言 日此 以 主和朝議 日野目 為 何 東交民 急德宗意頗弗恆 重乃下 人幸朱班次在後倉谷中無人指認遂得免 何等大事今舉朝王公大臣均在 日臣謂與洋人萬 拳 無朝廷耶 頗紛 匪作威福攘臂抗髮主戰甚力侍講 座直前 聽洋 紜 因此衆益俯 不一 不 否開 然 握許手愴然曰許 宜 亦不敢加斥駁 乃奉旨特開 不可戰聲洪而銳太后 開衅狀 戰 卿袁昶皆與許同 國 取 首不敢 命安危在 謂 :無論 面 御 景 於 前 置 此尚未有建議 設 與 (使署) 會議 是 此 澄 人叢 法 語願 非 爾 牽 官總署 舉 在 爲 學 制 通 中 太 后 總 顧 兵 與

此情狀尚 者謂皆出端 遂散而次日袁許徐竟駢首就戮今浙中所稱三忠者是也同時內務府大臣 立山亦以通款使館被殺侍 從 相 太后信倚 持 而 復成 泣 恐意為 惟 剛 其 時 體 統 王 矯旨非上 那因 所 相 奪即挺 顰感 國 厲聲喝令拿 文 一意也 韶 郎張蔭桓已遣戍在新疆並於此際馳命正 以 身 亦 聽 毎 至 主 御 和 座前戟 議方啓欲 下太后熟視無語許等愕然 輒 肯首 指 · 向許 有所 許 陳端 袁 益 激 請 以王 昂論 老佛爺 久 列 却 在 退議 樞 觀 上法論

供職 立為 袁許徐三公曾聯署上一 交往習其儀 死之一 漢 總署之 軍旗 大原 故 節起居 因徐 本姓楊久在內府 蓋 匪 中凡 公 服 御 平 疏 皆 沾 日 語類 喜從 及外 温 溫 不露 交人員 西 供職. 切直或以此觸所忌也 式 一稜角而 故為 頗 率 有富名旋 指為漢 諸親貴所 此 次 小亦及於難. 奸 以 兼 不分皂白 不 慊. 任 總署 而 ·殊 以 殊無 財 頗 不 可測 見 好 與外 미

其精強敏贍殊出意表在總署多年尤 於予有荐主思聞之尤 為側然當主辦日約時予曾從事 達外勢翁常熟當國時倚之直 左右. 相

庚子西狩菱談 4

錙銖 抹勾勒有原稿數千字而僅存百餘字者亦有添改至數 文件雜沓多或至數十通一家人秉燭侍其左一人自右進濡筆隨閱隨 往以此時送達有時實匣已出則以手作勢令勿開即就案角啓封檢閱封 以專足送一巨封來凡是日經辦 乃署稱吾兄我兄有時竟稱吾師其推崇傾倒殆已臻於極地今張氏夏 而後發布張公好為押寶之戲每晚間飯罷則招集親 項手札多至數十巨册現尚有八册存予處其當時之親 有精思偉識 囊主置匣於案聽 手凡事必諮而後行每日手函往復動至三五次翁名輩違在張 謂某事 項刻都盡 不爽於適 到筆隨毫不覺其有慘淡經營之迹此真所謂舉重若輕才大心 言破的某字點鐵成金感佩之詞淋漓滿紙足見其倉猝塗 亟推付左右日開寶開寶檢視各注輪贏出入仍 足以决謀定計絕非草草搪塞者而當時衆目環視但 **機處分如許大事似毫** 人下注人占一門 、奏疏文牘均在其內必 視其內之向背以為勝負翁宅包 不置之胸中然次日常 知僚幕圍 十百字者如疾風 密 可 經其寫 熟 想每至晚間 坐合局 每有手函 親自核 上而 見其 目審 改 封 涵

者宜常熟之服膺不置也

購寶石 妾媵 們這 有投 又一 進御因 乃以 家居忽有番校四 建彼時侍 張公得罪 京外大員 方钻視 成怒 無鵬 邊 紅 止 能 就 此 寶 兩 率另備 進奉 枚 遂 之由 用 玩弄意頗歡 贈若有意為破 不 那眷遇方隆平日高 石 預備 赫 配 綠 進之德宗祖母綠 然變色立命 太后 用 必 曾親為子言之謂實 進奉兩 未幾即 經李手即貢呈皇上 紅 一分為李經進之代價大抵 、飛騎登 的 以 麽蓋 出身西 悦李特從旁冷語日難為 以借款 成例者故街怨至深而侍郎固未之知也進 宮一為 將兩 通俗 宮 才傲氣於李殊不甚注意本已不免介介此 進之太后 嫡庶 紅披霞 稱奉旨傳赴內廷問話當即敦促起身 事 份真物 視 被 此 一物品 事極 參太后 衣 論 蓮英所 魳 其價 為 為 律發還此消 以 亦須先由 稍遜 閱 耿 祖 紅 田母綠足 綠 奏立遣緹騎傅 耿 格綠 他 中傷其 為區 如 言 固 李呈明太 此分别得 別正 一遠勝於 息 刺 充 自英使 激 旣 而 帽 室 相去 準之 適 巴 中所 明白 問 傳播當然 可 后 紅 同 被 用歸 過 亦 也 國 時 忌不 郎 難 呈 目方 紅 不能 但 通 裙 道 國

庚子西特叢談 卷

誠 現奉皇 頭逡 前 侍郎作此語時固疑朝廷必 忐忑轉以益甚 重 中神志 市曹者侍 意料 如常 與致詞 | 冷罪仍摘 俱厲 逕趨 巡 所 入署供職當時 优 退 至 向禁城直至 太后皇上 .即在 車兩 不 出 郎 不及者然寸心 要勉剖 如交割罪犯者當在階 至宮門外已不見有人 謂此時實已 敢盡情剖白祇有碰頭認罪自陳奉職無狀仰怨皇 職 如噩夢驚同天地改色一 下車後 | 恩典你祇 騎馬前後餘兩人露 亦何能更 東華 二語幸剛 頗有人勸之引退者侍 仍由番校押導入內至宮門外已 門下始知尚 魂魄飛失究 固怦怦然針氈芒刺 有所 尚 須 有何等處 有 則改 中堂 、監視隨 下立候未幾傳呼入見太后 之無 竟 有一度訊問當 在旁乘間指引開脫 刃跨轅 但 天雷 分至 不知前抵何處 現在尙是待罪之身萬 則加 步行出東華門冤乘 外 郎 少亦當革職然 不知 雨幸而 勉下去予見太后 日此當然之事安俟更 何時 如行刑創子手即 一不至 無事居然 有 可釋 乃番校沿路指示 曰這 立赴刑場然 兩內監 竟别 也 重 地 盛 不 原 太后皇 守待番 無語 無須 無後 敢遽 車還寓途 見妻孥此 氣 以 Ž, 中 竟 赴 校 且 碰 從

部派員 如是數 趕至天津途 着發往新 念及我語咽已 無甚積蓄治裝頗拮 乞只有徐 無端殃 而已 此 押解向之請數 日 及萬 情此 尙 疆効力贖罪 之 次為之 時 無動靜以 一不復成 景 里 日或者霆 外 猶 命耶數 | 贐別相 据予時 在目中方意侍 照 焉 聲子欲勉 日 可以 怒稍霽再當設法緩圖求進固難求退 期 例 the state of the property of the state of th 部誠 見慘 已 限 大員得罪發護即日 不漸次消 奉 摒 不得 뗅謂 補 出 擋 鄅 懷 行 而 君 來缺 年力未衰必有賜環 解 言 李侍郎雖 知之 以相慰籍而 乃 此 時 尚 一日 矣 亦 未 数 須出 到任 正 忽下嚴旨戶部侍 須 歷中外 竟不 用錢安 百計 投城外夕照 可得惟 而 之望乃以拳匪 張 有餘 羅 揮 勉 霍 亦豈易事 有 力 集 庵 亦 郥 乃尙 相 鉅 再候 張 五 故 對 百 桓

旨到

相

知中致

意家

屬

有勸

其自盡

者侍

郎概然日

既奉

有明旨即

自

盡

大臣骨

梗獨念公抱此

異才絕識

乘

得位

又得當軸有大力者為之知己

順

亦

正

命之一

道也

於此

足見其

胸

襟

磊

落難

臨

守

正

不圖苟

免

真不

照章仍

須

執

斬

决

(與其二

死

孰

與

死

大臣

為

威

一受法寧復有所

逃

避

最

可異者

侍

那雖

身受重戮

而始終未嘗革職故臨

刑

時猶被二品官

服

庚 子 西 狩 遊 談 卷 守禦甚固

迄

得

五月

九

日

臺失陷津城危急裕督倉皇不知

所

欲

軍

已連翩

攻我

如不死則後來好公應祺假使稍發 亡何各國 拳匪 出塞之事亦安知不與袁許同殉 首於 時之衆口蒼蒼 者殆 狐鬼出 反覆交集 權利外交 所欲殺 倉皇 獲 以千百萬 竟 沒之時會此 亂命之 至 人 之 其用 才 和議必 為 為 人對於外人 負 中若 者天 計寧復有是非得失之 之數日不懌繼又念今日何 如此消乏而 品 責 品 何以 人緩須 明若 集大沽遂環 數月中京 可以 不 、以患 臾 獨 大為文忠臂助旣已 眛 得 於奄豎 同 又自戕賊 以察真偽 厚之於前 難 總之封數已定無可倖免惟有付之太 直 數 死 同情 難 千州 可言侍郎 故遂至寬身絕域 砲 則拳禍旦夕已定勢即 而 之長城自壞其謂 之感其言易 而 縣 迄 臺津中拳匪. 又 無辜良 不得 日 重厄之於後 乃係)周悉外情老成諳練而 亦不過數中之一 與袁 儒 陽 入定能 破 許諸公共播芬烈 九 家藩產 投 刦 焚燒紫竹林 耶當時 何爾時 運鈞 老荒邊甚 為 國家挽 可 以不 新無 慘 天 公 死 息 囘 又 楋 乃 假 為

皆屏 措益 軍 左 右 顧 如 **乃**以龍 儀 盼 氣 跪 其威 伺 相 拳 見 參裕督冠 顏 游二 禮式 重 色 匪 衹 如 面 此. 候 重 也. 大師 服 惟 交 謹 遮 出 日 忽擁 兄出 迓 州 掩 將 縣 入 始 黄 官 如 督署 命 連 途 喝對行三 聖母至 行禮 遇 列 直 隊 長 匪 一督署 跪 跪 前 衆 導 道 pp 復 盖 前 左俟 與制 高 仿 驅 呼 ·先 . . . 輿過 劇 軍 日 止 分庭 圳。 傳 始敢 先 1 1 呼設 移桂英 抗 取 禮 過 平 立絕 香案 掩 司 道 與 面 楊 旗 制 來.

先是 佯兵 逃 足 鄍 平出京 時 婦 廷旨 旋 節 直 翁 節深 一隸提督 亦自盡 之 以 入我軍 日人 李秉衡督師 五十 死時 見 成 其 僅 退至 以 兼 一足着 楊 統 紅 扼 布繫 村河 守 武 靴蓋 衞 京 津 左 西務 首 倉皇 軍 孔 .短 道 初 土 衣 一無關 紅帶 出 李 受 聖 命 走 志 辭 剿 鞾 加 捕 時. **恍然** 大 已 拳 發慣 師兄 跑 匪 追 失 自 蹤 也. 殉 裝 任. 節 謂 .束 逐 裕 顧 晶 北. 督由 區 繼 屢 洋 戦 頟 **康** 天 兵 奉 天 津

發炮 乘勢 擾 以 盡 其後 然 侗 當 胸 聶 時 墜 知 馬 事 不 死 不 恢 屍 可 於端 委 為 道 忿 旁 然 剛 率兵深 數 竟 未 E 後 其 入 痠 部 敵 酮

攻剿

洋軍乃

囘

兵

迎

之

匪

衆

(洋兵堂

見

黄

馬

褂

目兵薛保

筠冒險

入敵

聞

角

國公載關值宿聞洋軍已入始趨 為嚮導庚申黎明遂攻破 道攻齊化東直崇 使署通款曲 洋軍已破津沽東師 達 後始下恩命予謚 人皆以為忠義之報蓋庚子死 血鎖 文各門使 食物六月 人動拳匪 節 東華 守兵乘勢潰圍而出 長驅 事大 入大內請兩宮建駕避難於是 軍益 天津失陷七月己未各國 建 入紫禁城內庭猶 散亂無紀清庭 員疆場馬革惟聶 厥 與外軍 知勢不可抗復派 憲藩豼 公最得 不之 聯軍 相 知是 蠁 歷 遂倉皇出走 其 應教民復 進 中 日適 逼京城分 JE 炒 為鎮 與 爭 纐

矣.

二四

道

口

當京 在 亦 正 被 拳 匪 所 围 是 **聲觀** 直 境 居 義 士筆 和 團 紛 起 懷

得先 **隊各** 謂現 地 而能 其事予獨念 飾 亟 方之患 謂能 等事違者 願得相當機會合心 縣尙成 已奉旨 睹為 邑 成立大事 吞 快蓋民 大且 淨 刀 歷朝往 明禁懷 吐 次 以 彼 遺邦社 者妖 左道 火 有平 間 呼風 及 風聲 感 ى 來 事 風 喚 衆論 境 井 原 違 於 雨宛然為 所播 憂 啓莠民趣之 者 力 歷 獨 無論 乃 輕 以 來 無之象 如黄巾米賊 潭信 國 也. 剘 極 答責 雪其 恥 何 及各處 封 誡 為 将來 神傅 何 夙 重 飭 有勸 天 近 憤 地 神 則 必 者 以 教堂教士之 中 法 故邑中有識 稍 不得設 降 傅 如白蓮天方 一汎濫橫 物村 委蛇 諭 到 以 處傳 此 里许多 其 拳 閫 有 次不 蠻 婦孺 事 壇 述 神 |拳民 方開 士紳 决 團 横排外之心甚 以 遍 無 咸 姑 於 壇 可 控制 神技 導嚴 亦洋洋 徇 以 交 四 人異端 及傳 野龙 鄰 口 噴噴 爭 而 切 樂 取 懷 習 邪 .相 則 道 熱.希 術

狩 叢 該 卷

庚

子

西

之餘

地

者予固岸然不顧

.道 傲 問 倒 動 鋉 事 鄕 大 法 岸 其 瞑 不 民 其 衞 伸 高 絕 姓 所 目 四 知 風 棒 聞 為 .兵 無 五 挺 作 妙 在 攖 畏 郭 以 縱 步 臥 鄉 初 何 擁 槍 拿 得 縮 問 騰 里 甚 語 猶 横 仙 無 之 境 袼 降 俄 神 藦 甚 踴 勢 知 能 其 覺 前 名 奉 臨 .漸 先 姻 弄 如 而 術 向 乃 咸 予 附 為 來 無 法 動 兩 子對 賴 頗 體 雙 予 為 呼 家 力 漸 頰 桂 得 皇 呼 技 廣 作 令 大 孤 游 仙 14 突 遽 子 引 手 前 墼 大 颤 特 面 問 狀 深 面 Ä 予 均 聲 其 欲 立 我 加 挺 即 偏 願 其 密 是 蠁 然 漸 見 數 者 靑 親 漫 生 院 囑 起 胡 中 日 得 無 間 謂 試 谷 思 然 年 挈 四 寸 加 護 止 動 屢 步 慮 驗 作 役 頟 .死 如 加 問 聞 次 武 教 叱 .植 灰 耳 勇 張 此 此 向 姿 木.祖 雙 數 元 日 日 六 某 目 歳 名 勢 大 春 子 復 師 μ] 可 村 老 即 殊 設 聲 直 予 止 進 確 大 r 親 有 趚 逼 聲 法 洪 爺 鳌 往 法 日 視 東 有 悉改 我 少 時 問 傅 爲 厲 向 蠢 蒞 如 年 鴻 林 也 垂 我 我 已 如 視 致 常 看 良 鍞 不 爾 手 鹿 見 來 何 請 舞 久 署 油 拿 度 事 直 豕 術 法 似 手 子 黄 已 予 曩 忽 立 試 剜 吏 我 而 成 役 謂 令 足 向 瘦 意 神 時 來 口 而 後 聞 村 徐 果 質 以 在 次 乃 此。 脣 氣 神 鉄 舉 爾 童 沛 何 徐 直 頗

不敢更 強横合實 甚洶洶謂吾子何罪爾 聚失于詰之 術上令所禁於法應 習 四百板 此 /日爾 矣方 研 斪 逐之出署其子尋亦保釋自此境內肅 訊間忽堂下喧厲有一鄉 何 懲辦即令役奉之出立 等以善意邀請來此何故妄加訊責干犯神道予惡 在 圳 亚第日 小人 初時 大城 如夢今始 坐堂皇俄項間魔法防 11 來署言是此重之父 醒覺乞思寬釋 然更無敢言義和 .解 以 勇氣 其

未幾一 者矣 雍尤稱子 來署勸予 遏. 自士紳 然延頸 署內胥役皆 人強 而津 在 為漢 企望直 以 保 速 以 西 此 一帶拳焰 至 關 奸逢人痛詈謂吳令若非曾氏婿早當立予參劾邑紳因 切切私 禁令並 婦 外 有來 孺 西園 皆拍 蘇 語深不韙予所為 子 日 拘 熾. 手頓足喜 恐後之情狀 地 失我 禁拳民數 方設立拳壇 蔓延及京師懷 邀神斯予尚欲設法解 官 入 故不 謂老 卸上 日自 不數 ·惜苦 來接壤各 峰官憲亦多不以爲然直 日間 延 父台兩 慶州 境內已 相 年以 突 地香 顲 來拳民 實 壇林立)靡然趨之不可復 來於吾懷德 散 出 而邑中紳者 片至 長幼約二 懷 人亦汲 惠至 臬 相 廷 率

禁 子 頓 法 立. 蜂 轉 足 辦 擁 阻 始 有 也 極 日 、多勢雑 祗 聞 終 行 相 以 至 理 如 E 笑 自 得 與 是 抱 有 到 西 抗辯 不 數 聽 縣 予先問 唱 置 怨 何 反 日書戦 於 報. 名 約 或 子 旋 是 害之 諸 理 通 生 壇 至 此 如 在 縣官 諸 事 報 有人 邑 會如有怠慢 中 舞 \equiv 皆皇 莅 足 紳 台 拳 子 甲 四 薆 五 千以 恐 演 來 署 此 大 首 日 是二毛 仙 戲 幕 遽 푬 告 何 不 已 万漢 八外前 得已]公然號 失措 降 內 狀 謂彼衆已 尙 等 將 外 適 臨 拐 時 堅 子吾 行者 乃 勢 何 交 有 來 仙 無 鍾 孰 事 並 離 洞 召 逼 君 親 何 可 不 相率 等 拘 友 隨 .摇 徒衆從者 尙 日 開 為 而 獎勵 予 仙 閣 禁 欲 數 時 須 動 兀 等 至署 監 自 作 是 為 細 察也 拳民 自 特 冠 強 此 跛 也 稱 細 來意 為 雲 審 勢 乙 不 京 雏 來 服 項 集 繼 得 之 勘 .拜 仙 出 令 中 甚 念已 上 仙 堂 不悉予 聲 留 避 是 復 姑 已 不 諭 上 此 雞 有 予 則 左 日 善務請 以 禍 同 吾 至 奉 道吾當官 始 扭 已 來 明令 省 署 閤 俟 勉 四 種 捏 乃 釋矣 之 處 聞 張 為 以 下 好言款 俄 日 敷 均 更 張 求 果 知 老 無法 此 衍 而 .城 止 此 布 拳 事 大 步 門 則 並 . 皆 仙 序 衆 待. 耶 미

庚子 西狩 叢談 卷二

也 拳衆去後予正喜無事方與墓中諸親友圍坐數述並研究將來應付之法忽 禮房書史一人步行至湖內中設香案衆吼令行禮予向上仰視見所供為 取黃紙一張就燭然之蓋彼中實以此法定神判凡被嫌之人均押至神前 聖乃肅立致敬曰關聖係國家崇祀正神分當行禮即呼禮書命唱贊三跪 關一道兩旁擁立如對仗中間僅容一人護兵已被格不得入予乃挈家丁及 廟門外已遍紮天棚極高敞氣象赫弈拳民紛紛如蟻聚旣聞子至則衆中分 足徒增猜嫌無益於專乃挈護兵六名家丁二人騎而行旣至壇所見係一古 然然迄無術可以相却或勸多帶護兵予曰盡吾署止二十人以一敵百猶不 有人至署謂請予至壇拈香商之諸友皆面面相覷無可為計予念我竟不往 叩禮畢旁一人格不令起曰此縣官是否二毛子須先焚表請神示左立者乃 不能禁彼之不來恐一生芥蒂愈多枝節不得已即如約前往衆均為予慄慄 日後須小心支吾一小時間居然相率退去此實為子與拳匪交涉之第一幕 the second secon 灰上升可判無罪灰不揚者即為有罪或立致之死其實彼輩因

此寧復畏一死但戕殺命官事非小可便與謀反無異朝廷必有極嚴重之法云云安得為罪假令我謂爾心中如何如何試問爾將以何法自明我今已至 努目當庭作跨馬勢手張一黃緞三角旗作火焰邊旂上書聖旨二字右手持 毫不能枉縱不似爾等做官可以胡塗判斷也予日斷罪當以事實為憑心中 迷惑不定拿不穩主意如此定靠他不得不如依法斬了為是兩 師兄言之有理就請再試右者復取一黃紙燒之灰將燼忽從掌上騰起其 排解語曰師兄他一向迷誤也須此刻可以回轉過來何妨再試一番左者一 令大則屠城小則歲族恐爾等擔受不起耳衆聞予言似已心怯右一人復作 羊左手搴旗角如戲劇中馬後旗弁衆復促予行禮子日對聖旨行禮宜也 日果然他已明白矣然未及尺許仍沉沉下墜左者日如何畢竟他心中還 神判定矣當速斬 别有詭法 有人言且送他上大殿焚表再行判断言已衆即擁予至後殿 可以任 三跪九叩 一人日吾知爾心中素不信服我等故神降爾罰到此處絲 意為之也然所熟紙灰竟不起但聞衆中哄然日嘻二毛子· والمراجعة والمواصلة والمساولين والمواري والمديدي والمراجعة والمراجعة والمناطقية والمراجعة والمراجعة والماجا والماجعة والماجعة والمراجعة 如儀其人突揮手作勢將旗 捲植竿於火爐中不 則 正 工相持間 是

庚子西狩羧铁 参

愕然亦 行分排 曾充了 客殆非彼團 結束想係壇中頭 良 想果死 曾以犯 到未 左座 卽 予護勇被責革退者一曾充本縣油 一者復 向之 此 能建迎 不相 坐位 又擁予运前 於此 案受 拱揖 旁 一中人而受其延致者予坐定審視 **胆格竟各自逡巡** 十數子即手课 忽面 坐 師兄在此 面 亦係前冤 柳貴示衆三 話講教我 前恕罪語甫竟右 目次座十餘人則 師兄 庭 目抽掣欠 調將 那 駕 夙定 弄態全是戲場 有小 便 鍾 到 (伸起 有失 就 荷鄭之於 一式談判予見定 同 轉 仙 仇 坐近宗者八 座 立 仙乃是吕洞賓之老師父豈有師 坐 腰京一紅帶率皆就地士紳彼中謂之 念間氣 相逢狹路念今日禍 位 恕罪右者亦拱 科白幾欲為 右者日 吾乃漢鍾 旁移 行牙紀亦以 亦 反為之 如法 人左右各四首與身上皆紅 中置 不覺毛戴蓋此 同是 椅當中自據 加王 起立日吾乃吕洞 雜 方棹、 仙家 項 之捧腹子亟揮手示 仙是也不 視 且不 手曰候駕來 名朋充被草另 列 脈不得 一設兩 坐之 座皆嘿嘿 測然已無 八頭目中其 /衆相 知 座左右 過識 遲 賓是 縣 向 無語 顧 미 兩

the residence of the second of 膽量吕仙從旁駁難 攜有京報二册一載禁止拳民之上論一戴弛禁獎勵之論因摹仿彼等動 徒侮慢神使此爾之大罪三這三項大罪證據確鑿看爾 出力爾為國家官吏乃到境以來終毫未有幫助嗣經紳士往說乃竟硃 仙家道理我今須要審問爾三條大罪予曰不知何罪到要請教日本團為 弟如此卑謙之理鍾離以手執大羽扇指余厲聲曰縣太爺乃是 省省發到縣難道我一時間可以 中取出一册兩手抵捧大聲宣告日聖旨下跪聽宣讀衆愕然相視不跪 當時卽起立抗聲日本縣係遵奉聖旨辦事何得為罪現有憑證在此即從 條上寫賞銀十兩我等何人豈受賞字況此區區之數何足重輕此爾之大罪 **語予**期讀一 釋放這明明看我等 勢頭已大故爾 日這聖旨安知 不幫助尙是小事乃反多方禁遏撓 通日爾等當已明白如此煌煌聖旨令我禁止拿辦我安得不 非爾假造子曰嘻這 日旣有聖旨拿辦你何 刊印出 阻忠義此爾之大罪二凌產我團中 翻身討好難道又不要遵奉了麽子日 更奇怪你看此是黄面刻本從京發 來况假傳聖旨何等重罪我怎有此 以後來又不拿不辦反將已辦之 如何辯答予行時 那 知 亦 遵 袖

庚子 西符叢談 卷二

亦不覺為之趯趯幸賴旁坐諸紳士從中護助羣合詞起啊喝謂

爺在此今日必弗令輕脫吾股上 為爾 所以又加獎勵皇帝為萬民之主威 雙桂子之父前因其子被逮咆哮公堂曾被笞責者一 付間忽見萬頭波 因從前未有實驗不敢放心故要禁止近來看得團中弟兄們確是忠心為 又不禁出 告日聖旨 言至此兩人 不拿不辦 行豈 那時奏凱 等戕害亦不心 問罪抄家忽而封侯拜將前後反 敢 向皇 也是 乎爾反乎爾是 《似皆語塞彼此愕顧若更欲求 囘 爾 來我當跪 上根究道 衆跪聽復 遵奉聖旨辦理的 動有一人以兩手捧股從衆中跟蹌叫喊 服王法具在終必 於道 理我 何道理予曰此 如 文 今有話 朗讀 左香花迎接 一四百板花尚在須請大家算 現 福 又 通 在 覆都是常有之事我輩 有百倍抵償之一 本可從 有證可 此諸 品 則 如徒恃人衆欺凌 須 仙 一言詰難而 天仙 問皇上與我無干依我想來 心祇看戲文上古來忠臣義 憑當從袖中另出 日 既係聖旨何以前 如果能 波未平一 日也 不可 而 打 、帳也視 ·得方 地方長官我 退洋兵保護 做官祇有奉 一波又起 册捧 在支 此 要禁 之 則 縣 **必** 或 國

地

庚

搗蒜口中齊聲高呼請大聖 語曰吾吾乃關聖此語一出座中咸戰慄失色堂上堂下悉匍匐伏地叩頭 此時鍾吕兩仙尚念念有詞予亦未辨何語忽吕仙接座之一人突挺身起 頤類顫動兩手飛舞作勢似氣力甚堅勁口吃吃不能遽發聲良久始噤齡 鸣遂得無形消解蓋是時雖甚擾 分不得無禮 速 退速 退 此 同駕連疊不止其人支撐數四似氣力漸解亦遂 人乃竟嘿然而 紳士猶為 止抱頭鼠竄縮入 人所信服此 人叢中一場囉 亦難得之事也

時雖已 類然就 攔者子竟從衆中分道直抵 前行亦迄不加阻止兩紳士翼予至門首門間十數人左右立阻之以肘予努 乘間告辭謂須同署勾當公事彼眾均愕貽相顧似一時不得主張 該團中既供奉關帝為主神乃對之惊懼 力格之而 大駕不易下降降則稍失試 退神無事然諸衆循帳問 座默無聲息矣 出兩旁擁立者似不肯讓道故橫肱鼓腹以 敬必程 棚 外護兵已控騎相待立上馬急馳去壇稍違 相對如失魂魄紳士中有以 重譴受禍至 如此殊不 不測 可解事後詢究蓋謂 相挺撞然亦無直 故 不敢 目示意者 當 此 予即離 大神也 關

始為之略舒不意甫及西關門復有人從後奔至急呼曰請縣台在 身虎穴在當時已將生死置之度,亦殊無甚畏怯事後追思反不覺怦然心 店等候大師兄尚有話且勿遽同衙署予一時莫測來意殊周張 不勉從所請候至日入竟無消息計不復再候正傳呼導從將欲上馬則又 一人續至謂今日無事請縣台返署可也歸途中不勝憤懑念此行真可謂投 無計然不得 西關艾

動也 子毋作此態恐師兄聞之指為反對將有不利也方煩灼間有紳士請見謂雅好內顧以俄頃煙焰脹天火星飛入縣署予頓足忿歎無可如何家人咸 縣署東南有法國教堂一所甚宏麗教士人等早皆已逃避出城庸聚於距城 兄有言請縣長捐助香火銀若干即可贖罪予曰予有何罪當贖且囊無一錢 尾隨入城環繞教堂縱火焚燒但聞牆傾棟折及羣衆謹誤之聲 七十里之雙樹村築壘堅守堂中空無一人予甫自艾家店同署拳衆數千即 何諸紳曰願效奔走有頃各攜銀錢袋入署有數十金者有百餘金者合數 。 殺 殺 殺 殺 。時 呼聲及天。助其 超夢 。 有 不從者。則指 何家人成 如波翻潮湧 套。

此一日間事又算僥倖結束矣 借來不必收受因此故得珠還云云予一笑謝之諸紳遂欣然分攜銀袋而去 當鋪通融始得此數誠非易易予日承諸君善意任自為之吾不問也諸紳乃 相率同去俄項復返將原銀 井計已凑成 五百兩蓋縣城向無錢莊銀號惟有糧食店數家兼代兌換或 如數退還謂師兄言縣官尚清廉吾知此銀全係

無幾時城內復另設神壇一處云係從西關壇中分派而出者大抵以在壇頭 目互有權利衝突不能相容因憤裂他出自謀獨樹一幟從此懷來境內更添 一阱一之為甚而有再哀我懷民其何以堪然此時魔勢方盛官力至薄已無

暗中之蠻觸鬬爭固未嘗一日或息而以予為彼中注矢之的又兩壇所共同 此以舒其獨經過一再爭搏交涉似乎地盤分配較有眉目遂亦稍 解一無所賴於子而雙方又皆有利子為助之希望暫不欲與予結惡子轉因 法可以干涉祇有空呼負負而已 兩暴之間左右支應動招疑忌受累因之益甚幸一切爭執皆由紳士從中排 雨壇分立以後各自招集教徒分樹權勢幾於無事不相角競地方人民介在 稍相安然

庚子西狩酱敲 卷

難獨負其責耳 致者特區區官府之名義尚未完全消滅彼此皆略有顧忌均不欲首先發

吾邑人當已感悟然縣官因此受累已不淺好官誠不易為哉言下歎息誦佛 某僧捆曳而出無可加罪則曰此白蓮教徒黨也竟積薪焚死之厥狀甚慘人 某僧顰處曰 人咸知其冤而莫敢一言匪焰之凶毒如此 不止石逸同暑晚飯時偶為予述之次日早晨即開拳匪數千人圍繞該寺將 尚安望成事縣官真明見先時禁止拿辦衆意尚不謂然不意遺禍至此如今 友輩暇則前往遊覽藉消塵俗一日予姊丈繆君石逸赴寺若談偶述及拳事 懷城西北隅·有一白衣庵乃古刹也地殊幽靜住持某僧亦頗有戒行署中幕 阿彌陀佛此輩號稱義民而比來行徑乃復如此直與盜 匪 一無異

戒以午正舉火方糾葛問城內壇上之大師兄亦以此時來署佯作善意謂特 拳匪以銜憾未洩意猶不釋時時欲與予為難吹毛索垢無孔不入情狀殊極 門外論解之則見署之頭門後戶皆已樹有紅旗上書南方丙 日城外西圍子拳衆數千人忽又哄至堂下謂將焚燒公署予不得已 丁火字樣相

跪小小知縣官算個什麼這署非焚燬不可弟兄們齊心聽令予亦大聲韶之 然視我等為爾部民耶來來你且子細睁着眼試看我頭上何物予果就視之 其中難免有預等之親戚故舊同時被累大兵一至玉石不分後悔學復 縣署若將來 平盡洋人我國內總不能不有官府旣有官府卽不能 乃剪成洋鉄一片朱書一佛字縫之首帕卽自指其額曰老佛爺見了也要下 覆勸阻謂爾等皆予部民懷來好百姓若有事理儘可商量評論 與也況狀殺官長即是謀反大逆是何等情罪吾前已屢言之若加以燬署 擾其中一 厲聲曰這真不知好歹我不管了即率其衆呼嘯去予獨與西圍拳首交涉 來排解予深悉其詭譎任 日縣官即不德罪止在予一身今可聽爾等處置何至怒及衙署即令爾等能 上加 上問是 罪將來如何辦理更不可以測度恐至少亦須有數千百人按法貨 人即大聲直前日咄這都是二毛子口吻至今日尚 須 何故焚燒衙門誰 要 重新建造在勢必須請動公款當然要將 其如何巧弄均 人為首誰 堅詞 人起意定有承當其罪者於我 婉拒不為所動彼 無衙署此好好的懷 此番事實說 如此託大乃居 何用 乃怫然大 如此 明 彼 來 摄 怒 反 則 無

庚子西狩遗談 宏

首 辨理我輩且同好歹逃不了掌握也遂亦呼嘯一聲揚長而去此一絕大難關 誼良心所在總不忍不將此中利害向爾等預為宣說耳彼聞語似覺氣沮 又獲平安渡過殊意料所不及也 我今日尚忝為懷來父母官相處兩年有餘對於懷來民衆皆有手足骨肉之 《故以兩手遮目向天空左右望旋顧其侣曰師兄時候未到尙須改日

搦.有 ·
彼亦正與予相同羅君負文名有政聲曾致書於予茲稱予之明識且痛詆拳 大鈞時充總 **匪謂將來必召大禍此書不知何時為署中人所泄漏乃益為拳衆切齒從此** 拳衆搜檢行 禍之語每去信則專遣馬勇一人入都投遞一次予遣專勇帶信 鈞與予主張相同亦一律嚴禁拳壇緝拿懲辦拳民固銜之至切而廷集恨 子往來信札暗中均被檢閱而予固絕未之知予有至友會稽陶君咨南 則真無法應付矣先是拳匪初起時京畿各縣懷來以外惟署定與令羅 次最為棘手蓋夢想不到之意外事故突然而來撲朔迷離令人莫可· ?李此 理衙門同文館東文教習予頻與通音問率多感憤時事試議拳 竟被發見彼仍縱勇 入都而將 此 函寄交懷來匪首請 行至居庸關

皆可假冒安能作據如不信可當面核對筆迹若果相同願甘倍罰予深料彼 此一 等必無鑒別筆迹之能力故敢大膽言之旁一人攙言曰彼存心反對我等為 此事旣而作猛省狀曰是矣此必有奸人造作誣陷欲害我以丼害爾等萬萬 其中所作何語請爾自宣讀予一見此函不覺驚異失措念祇有矢口推議 抵賴予茫然不知所答因詢問何事彼即以此函擲之予前曰此非爾親筆 即厲聲日爾平日每節言不反對我等今真憑實證已落我手看爾尚有何法 日此安云我親筆你看絲毫不類且上面又無印信圖記如此空函任是 不可輕信墮其術中假令我存心反對爾等則必有何種計議之事實空空寫 日已久不定尚 法即佯作不解曰喜此函何來何為牽涉及我我絕未當作此函亦并不 以免抵賴語至 函說幾句廢話有何作用其人日爾之親筆何人可以假造予指函示之 日早間突有拳目多人簇擁來署要予出見問話予一出閥門為首者 加 戲劇中武 有 此一人忽出 何種圖謀我 裝 東却自腰截為兩段揚言日我等昨夜巡邏街道 想此等筆礼必不止此一 一剪就紙人長五寸許上用墨畫 一件今日必得認真搜 眉目衣指還 何

The state of the s

.鑊 得一 理直氣壯心無虛怯因而對於此函亦不免發生疑實覺予所言云云實有理 我官謀反之大罪尚不自知省悟轉來向我叨絮耶彼等聞予措詞堅决似 樣認罰若過此 此當然無有預備若令銷燬必在此一項刻間無論如何定有殘灰冷層消 怪欲與我等為難怪道昨有輜重車一輛從京來此直達縣署其中有 怨請神示適奉洪鈞老祖降臨判明真狀謂係爾容留白蓮教徒在此與妖 不盡之痕迹請速進內一 已實不能不趁此徹底查完予亟應之日如此極好請速速檢查我署中如 燈影下忽見一人前行步履甚急如畏追捕者我即奮力追上舉刀橫斬之 致至紙人草豆明是彼等所捏造自更不敢堅持來時凶焰不覺徐徐斂息 、紙馬及草豆等物同來之人皆有妖術盡能翦草作械撒豆成兵是爾反 即倒地不見以火燭之地上惟有此紙人已成兩截矣當經歸壇焚香叩祝 紙一字與此相同及有紙人紙馬可作證據者悉聽憑爾等處置刀鋸鼎 無所悔其人日爾即有之難道不能銷燬耶予日我事前並未知爾等來 以後便不能無端誣衊橫加纏 勘 如有絲毫灰迹不論何等文件均可認作憑證 優爾自受 人愚弄欲陷爾衆 四箱

庚子

西狩

護談

THE PASSESS OF PROPERTY PROPERTY.

有三番四

叠而

人平恕折獄與地方紳民尚無惡感懷來百姓

類謬稱為好官

不苛斂不

無日

子在拳匪巢窟中凡無理取鬧之事殆亡應數

·卒獲苟免者亦幸賴兩年來孜孜兀兀小心求治不苛:一日,日無理取鬧之事殆亡慮數十百起細瑣口舌幾於

解則尤出意外矣 先囘壇姑再放他 即作收帆語曰爾誠善辯但早晚必有真確證據使爾不能置口師兄們 次改日再來問訊可也此一度絕是險境又幸以數語得 且

投遞或且招意外枝節禍中福福中禍固皆不能預測也後洋兵入都陶君始 刑具傳聞為拳匪捉拿羈押者殆不下百餘人此函即不被截搜到京亦無從 人皆獲安堵實陶君從中斡旋疏淪之力爲多云 得出獄被拘已六旬有餘矣日人甚重陶君品學故此次惟日兵所住界內諸 與日本汝與翁同龢張蔭桓等分了多少從實招來陶日此話 日馬勇自京同始 為譯耳安能經手賠款請明察云云此人卒亦未加刑訊入獄後亦未 微聞初被牧時有一六品項戴校尉坐堂審訊突然問日語款二點馬勇自京同始知陶杏南因曾留學日本已被步軍統領莊親王部 頂戴校尉坐堂審訊突然問曰賠款二萬萬 從何說起我

·廷杰而代其位廷藩去任時竟有拳匪多人

向各山 最後尙發生 間大勢作何景象也 靜但各門堵塞 迭令绅商勸 亦然故予在此 投之筐中維 為固守計東南各門悉以 自京津搆戰我軍迭遭敗匈潰兵紛紛竄入懷境拳團亦 司盤詰匪衆皆以紅布帕首登城守望予恐為潰兵所見致遭攻劫殃及城 鄉搜括隱 而出入各地來文必先經彼查勘無礙始行轉送來署發行文 阻迄無效果以後消息日急彼中丁壯皆以搜查二毛子為 數 極 如故出入仍不得自由匪特於城上為懸筐凡有往來文件 大難題無法可解直 匿 十日間直 一止留老弱殘餘在城防守匪勢因之日殺予亦稍稍 土石填塞獨留向 |如困守圍城內外隔絕終日坐井觀天殊不稔 可謂陷於絕地蓋是時廷雍已勾結 西 門通 出入派有多人在此 頗 知嚴懼則謀 得 名 貝

紳士為乙護符膽力差壯彼則孤身獨客舉目無依情狀更難堪也自保定至 官現已犯罪削職看鏡得性命已是非常造化爾尚配裝腔作架用此輿從耶板亦隨斷兩手腕均受傷旋從輿中橫曳而出厲聲呵叱曰咄咄你這二毛子 過處暖然一聲雙槓齊斷肩輿立時頓地廷公幾倒仆輿外幸為手板所格然 怨至久當不 城後始稍稍聚集摒擋就道沿途經過拳壇關卡節節阻難所至輒令跪伏神 愈深鲜由我啓思之不無耿耿顧區區口角微嫌乃至如此相報居心亦 京師三程之路凡歷十餘日而後得達隨身行李衣服掠奪俱盡抵京師僅存 左右衛從立時奔散廷不得已隻身步行踉蹌出城外僕役均遙遙隨護之出 前焚麦勘驗一如子在西關壇中領略情狀而橫暴加甚蓋子當時尚有就 門即被 身面目都 欄截 止於一言一事但初因予事發生與語宵人乘間挑撥 失 手腕均受傷旋從與中横曳而出屬聲呵叱曰咄咄你這二毛子 頂狽殆無人色聞皆由廷雅從中嗾使故有意凌辱之兩 有兩 人持長刀逕 出左右向前直劈廷公為之目眩魂失刀 因而 太酷 地

廷雅旣已窘廷藩黜羅令獨予尚安然無恙彼意中當然未釋但革我無罪撤

庚子西狩载献 华

 藻 盗 近地較完善也孫分可以來而予勢不能往一以結李之歡一以實予於毒方以倚重拳匪得柄用廷欲迎合李意故特以懷來調劑之威縣遼僻而懷 機忽然下檢以予與威縣對調蓋是時署威縣者為孫毓琇係李東衡之婿 再昌言之所以窺及彼隱然 又不甚顯露 **觜逼地之荆榛**望京邑亦難遠達仕與止兩無長策去與留悉蹈危機前 涯四方靡騁真成日暮途窮之景象現狀已成險境離此 遭其毒手留則旅寄孤懸居停何恃即偶資託庇亦難倚以久安何况幕僚 視之即為平民便無所用其顧忌行則重關列卡到處堪虞恐未至居庸即已 之調護半亦以地方官長名義所在不能不有所膽顧也若一旦卸簽則自彼 舉兩得而衰面 我無名且僅 相依尚有多人 一載途 如 何 痕迹蓋因子有曾宅關係勛門至戚不欲間接結怨也彼前 止於革撒猶不足以塞其意揣彼之心實欲置我於必死之 可達况予索為拳匪所蓄城所以幸免於難者半藉懷來神 上又無絲毫可讓其用意可謂至巧子念威縣去懷來千餘里 審競衣籍身外不無長物際連天之烽火還鄉里 因此之故轉覺一時擺布亦頗不易彼乃别出 步恐欲求現 莫定平 顧

庾

轉又 紆囘 東西 陽 底 羣 肝 敗 毎誦 腸 狼 為 游 環 别 魚 南 計 百結寸寸皆成錮室除聽天任運坐待臠割外別無他法兼以悶守空衙. 舻 功 照萬煞全 開 蘇 煎糜 何耳目閉塞絕不 北舉不能 較 因 但 福成福. 之餘地論官場 孫 世界雖後 卽 瞻夢繞雲山 在 出谷遷 出其掌握彼旣蓄心死我寧復但予初無此種長技况現在暗 旦夕不意絕 面 喬其來必 來 羅 知閤 通 沙 網 遭 冒雖 似 同 處逢生 際 時 鹿 門以外作何動靜 魂飛湯 已奉 不 並 脫 知 一忽有 何 有明 矣. 任 似 火 兩 命 檄 而 至 就 宮 勢不能不立子交代絕不 如雞之句此 第 須 此 駕 近慮目前 有術自全每沉思至此但覺 中勁敵實為廷雍肘腋之 一時境 到之一 斡旋得法亦未嘗不 地論 幕霎 身飄 之險遠思來日之 時間 則 飄然直覺 真可謂 天 旋 可轉. 地 釜

庚子西狩叢談卷之三

七月二十三日天色陰晦關外間都無消息沉悶殊不可耐長日與署中幕僚 **雙**園居士筆記

餐計惟得舉酒澆愁暫圖一時暝醉忽由匪處送一急牒至謂係緊要公文心親友楚囚共對氣象陰慘昏昏然不知身在何等境界視日已向暮則促具晚 即為之躍躍不止念此時必無好消息旋由家人呈遞第見粗紙一團無封無

迹數行其式如左.

面已綯摺如破絮乃起向案角子細平熨彷彿為一横單就燈下視之上有字

皇太后

滿漢全席一掉

慶皇 王上

禮王

戾

于

1 纤 装

該

卷三

各一品鍋

四七

四人

瀾公爺

各一品鍋

英大人年

神機營

各一品鍋

隨駕官員軍兵不知多少應多備食物糧草

此大差不如置之不理聽其自去旣無正式上官命令亂離倉猝中諒亦 為罪供應而不如意勢且受不測嚴謹豈非自取其咎或且有勸予棄官逃 懷境止數十里於是醫署惶駭不知所出諸幕友並疑為偽惟予詳認字迹 年月上蓋用延慶州州印始知延慶州帶印公出雨宮聖駕已在盆道住宿 之氣數於是乃決計迎駕不復反顧矣 而幸全返之吾心終覺惻惻不安惟有悉吾力所及以為之前途禍福祇得聽 者倉皇聚訟莫衷壹是予躇講再四念身為守上官吏親食其禄焉有遭逢 一患難而以途人視之者禍福固不可測然盡吾職而得禍於心無尤即巧避 知州秦奎良親筆於理不得有誤或謂即使真為御駕此山谷荒城何法 辨 至

餘匹平時供張 外隔絕摩 懷來本京綏孔道軺車駒馬絡繹不絕因此特置雨 八十匹其餘器 亦停頓廢弛 物更復無從徵集但盆道雜懷來所屬之榆林堡值二十五里 人役器具獨茭頗有儲持奈是時地方秩序已亂嚴城 百物悉遭損耗原有驛馬 驛四 多為潰兵所掠現僅存五 軍站額設驛馬三百 之中內

毫三

庚子

四九

榆林堡 不允放 地料量 市肆居 可謂 子急奔 皇上聖駕 中惟老弱拳匪三四百人子夜將出城為首者質問 帶下寬及蔬果海 國 以內皆 有供頓 之 民 飲 逃走乎 行不得已縋城 向 語馬 堡中 食本署 例 미 匪 一首厲聲 举胜 出 大 懷來又二 勇 匪顧 如 平 差 一丁頭 、味等物夤夜赴堡幫同該 日有入二 我 僱 時 過 同 為 日 有 本 境 上縣 住有司 必當 他們皆已 大炮 庖丁三人廚 + 絡繹不絕悉從城 類曰此乃 知縣私行出境始可 而出之方是時拳匪之精壯者皆入南山打二毛子城 五 一堂者 以紅 於 里相去只五十里計 事數 此 二毛子 逃走 存 即開信母稍 地迎候預備 役十数 一方各 承辨驛 又實無捍禦之具豈不危險 何 外經 口 配 執燈 氣 謂之逃走若 站 稱為太后皇上予日皇 人亦為 過 顏 務 應當 司事治辨一 休 彼輩皆恨拳匪 籠 忌匪 急打 乃先 明 登城 室 辦差之需乃先 何事子日前往接皇 聞之大 了衆遂大呼 尖無論 **必富** 發急足 作 防守 切乃守門 本 啓 憩 前 縣各鄉 蹕 如 切 狀 相 往 何 、時京 齿 入暖 上 派 萬 率 知 一巡狩 辨公 會命 倘 拳 站 能 閣 卽 匪

言頃往 臺不能出城將如之何予曰是無慮予為守土官奉旨迎駕非出不可彼輩 民商肆相 謂今日為君故幾不保性命實堪忿歎予再三慰藉猶悻悻不已予姊夫仁 數人將其綑縛反其兩手摔令長跪乃叩頭哀求久之始釋云云因 給决不相累則皆哄然應日如此易辦决當遵命但拳民頑梗 稀粥等事多多益善或能 有行台一所本為大員往來過境公館即預備於此為行宮連夜糊壁粘 師 繆石逸延福適於前月避難來署予即請其多書堯天舜日等頌颺朱聯 無庸等囑本城居民將存貯食料出其二分之一多製備 燈結彩掃除陳設粗有可觀 及此然 兄 、某為 義民今御蹕將臨而不允吾出是反也懲治反賊吾自有嚴法更何 見其頭目甫啓齒匪首即怒詈日此 無法 庚 與協力為助諸紳突開駕至皆相顧錯愕不敢發一語予好慰之 同鄉當往說 子 禁止子有 西 狩 證 誸 之使其率衆 佐以蔬乾鹽菜尤佳 姪在署延博野諸生某君課讀某君自言與拳民 卷三 一面飛請本城官紳籌商一切因請諸紳傳論 下城予曰甚善有項倉惶 二毛子說客建開 所需 價 額將 食物米 來均 不可理喻恐父 返署神色沮喪 刀勿輕縱即 由 飯蒸 怒目向 縣負責

聯

懸

居

西

闢

全

皺烙

餅

諸人均承諾退去正忙亂間忽見所遣廚役踉蹌而前血冰淋滿襟並以堵城之土將街心積潦填平扈駕大兵且至如有人出項違抗 令 在 刃 肴核係 出 槍 忌诗署 射擊格殺弗論子自負其責隊目唯唯聽令予因商之諸同寅 傷 西 爾 予日吾明 右臂因 中, 雇兩 等明 但東門當輦道不能 募 驢 日以八人隨我迎駕可整槍實彈逕由 有馬勇二十名裝械整飭頗 不得前往云云念無可如何以且置之縣城向 **馱載出城僅二三里許即被游勇掠去兩** 日拂 **曉即出城諸門已堵此** 更煩鑾輿環繞請諸君 勇敢能效命予因傳隊 時 即開塞搬運 立即 西門出有敢阻遏者即 掘去 驢 食物 無猪肉鋪予乃 亦 土囊洞開城 不及只得迁 悉棄於 目至當 教官丞簿 襟袖謂所 必殺母 地 咸 並

舊友之避難來署者此外別無眷屬祇得託姊丈代為主持照料 予先室曾 丈 適 東 夫人於前 以前月來暑尚有一嫂一姪亦從在署中餘則祇幕客數 白矣 一年已 亥小除日逝世未有子女是時尚未續娶惟予姊 並借用民房 人 、及京 官

粗

定而

方已

廚

屠

豕

三 頭

除治

辦筵席外别以大鍋三

口爛煑雜膾蔬肉擾擾終夕部

庚子西狩藏談 卷三

脫 因竟 拋棄也 吾左 碌碌竟夜拂曉即擊馬 **行敢相** 右一 阻 言 而 布置掃除 一動無不 道中紅 勇入 布狼藉滿 向外報告予先夜令馬勇所言云云彼等俱已周 以 (人策馬) 王公大 地蓋已聞官兵將至恐受屠戮故汲汲扯 逕 向 及隨属官吏公館予旋 西 門而 行顧當時拳 匪 自 間 行 没檢點· 諜 遍

館謹已有預 出城八九里間忽大 至近前 衣寒冷徹 蘇積 迤 極困苦洋兵打入紫禁城勢不能不走汝但竭力供億使兩宮暫得 邏 加油 困也 騎 而 骨髓 即高 來 兜於凉冠冒雨竟行道本沮 身畔予方擬 備惟得信倉猝恐不 大駕隨後且 聲問 顛播瑟縮困 騎為前導子不知 雨 日 如注淋 來者其懷 下馬趙公卽搴 到 頓 可即前行迎 漓遍 殆 來縣 及周至日有舍即 何 不 可言狀幸 體予尚衣補服幸攜有紫呢外罩即披 即驰 加至 薕 耶予應之日 止之 駕吾無多言矣 一是益 油兜外罩駐馬道 問前 俄 項而 泥濘 然日此 去有 可兩宮饑寒已兩 雨 不 止 無館舍予日 可放馬足又 即軍機 邇 左以 見近 趙 候 面 日夜 風 馱

庚

馬 管驛家 此矣予日現 店三處今擇其較宏整者備聖駕 掠盡更無法 陳設本令每店各煮菜荳小米粥 空此店之粥亦幾被攫食再三 勇荷 抵榆 槍侍、 丁董福 林堡則 立遂 在 可搜集驛馬但有老蠃者五 一人尙 已無他 居民 無 人敢入店 留守未去的 、逃徙已 術惟力保 一央告謂此 盡街 此鍋 問 小憩 大鍋乃兩店之粥已 以 市 勿 所事日全堡已空稍有餘物亦 几椅鋪墊夾板 列 匹餘皆為亂兵掠去此堡祇 再被 係 預備御用始獲保存現所 閉 却 為 寂然無人 要 門簾 因 自 一為諸軍吏卒 朱拓字畫均 烟 坐店門石 為 餘 掠 有 略 兵 騾 匪 馬

蓮英各 俄 肩與其後馱 旋 肅 門子跪唱 復 見導騎 坐 親王 高唱傻 乘接 一乘馬 轎 懷 1-四乘皇上與倫 先至予都中舊識 來 駕報名時俟 縣 縣 馳 騁 知 知 縣臣 而 縣臣吳永跪接皇 來前 員子共 四四 吳永跪接皇 人轎 騎傅 也 及第 呼駕到遙 乘次皇 見即向予致語 太后 乘馱 聖駕報 言. 聖駕 見四 轎 接連 大阿 舁 日皇太后 一駄 鄭 藍 哥次總管太監 死 可 轎 大轎前 起立子 乘延慶 見其中 唯唯

寒

太監 一候命復 皆陸 續 見 雙 入 店 門其尾 騾 車七 彈 王公 輛 軍校 則 瓘 悉散 妃 及 立街 慶王 衢 兩 或 女與宮女女僕各項首 在店鋪門外騎步兵卒 頟

約數百 彿 紛擾略定忽 如演 法門寺後 紛 錯 一太監出 不整 知此 悉現 門外大呼曰誰是懷來縣知縣即 太監為崔 饑疲之狀蓋 玉桂當時 己 狼 須數 為二總管後代李蓮英為總管 日矣 目皤 腹 聲銳而厲:

予因 問旗 也. 他 因 衣 何 椎 門外聲報始 私 人漢 因 叩以 起 立 一右椅 自 何時到任予一 F 、子奏 一意吉 作答曰長樂 認彼 奉策 上 字即 八言漢 凶 .彼 厲 令入其室為 切供 這 跪 那 旭 報履 問 日. 陳妻日 t 康之永日 何 知 邊 道 歷 並 預 兩明一 且 叫 免 到任幾年日三年矣 浙 碰 超 你造 哦是 子碰 短 隨我 又問 暗 pp 八水字加 頭太后 正中設方案 化 走子見其 徑 爾名是 己 以手挟予腕 先問姓 點 챌 何永字予倉卒更不 來 勢洶 耶 問 左 預 縣城 備惟 子虺 右 名子如問奏答 海意或有證 列 而 一个雜此 孝 行 | 椅太后 稱 入 院 多雄 是復 至 問 正

潰兵所掠尚 **至此已**雨 即以解渴昨夜我與皇帝僅得一板概相與貼背共坐仰望達旦曉 來此迎駕可稱我之忠臣我不料大局壞到如此我今見爾猶不失連日歷行數百里竟不見一百姓官吏更絕迹無覩今至爾懷來縣 寧復較量美 數難道本朝江山尚獲安全無恙耶聲甚哀惧予亦不覺隨之痛哭 例森森入毛髮殊 復自訴沿途苦況謂連日奔走又不得飲食旣 有井矣而無汲器或井內斧有人頭不得已采称楷桿與皇帝共嚼略得漿 腰無束帶髮長至逾 上方立於近 一鍋恐粗 日不得食腹 煑 惡忽日爾當 至無任惶恐日好有預備即得言至此忽放聲大哭 左空椅之旁身穿半舊元色細行湖綱綿 欄不敢上進日有小米粥甚好甚好可速進患難之中得此 有小米菉荳粥三鍋預備隨從尖點亦為彼等掠食 不可耐爾試 寸蓬首 綏殊甚 叩見皇帝因顧李監 垢面憔悴 |此間曾否備有食物予日本已謹備肴席但| 看我已完全成 已 一極子隨: 冷且餓途中口渴命太監 日蓮英爾 鄉姥姥即皇帝亦 依 跪 袍寬襟大 速引之見皇 叩 皇 無爾 一日子與 袖上無 太后哭器 地 其二今只 甚辛苦 間 寒氣 方官 佝 皇 取

TANKS OF THE PROPERTY OF THE PARTY OF THE PA

庚子西狩藏誡 卷

思此又 俄而 老佛爺甚歡喜爾用心伺候必有好處復謂老佛爺甚想食鷄卵能否 拭呈進顧餘 行吹火勺水 爺喜歡必不吃虧予乃出至市中入一空肆親自尋覓最後抽 日此間已久無居 原 似得之甚甘者少頃李蓮英 太 卯得之乃如拱璧顧從 李監復 粥送 皆不得 后前 捲 枯窘題忽憶及身邊尚藏有粗紙數帖勉強 水烟袋 入内監 復問數語曰予今已累爾亦可下去休息予即 轉良 得 人不能逼 及此 一空釜煑之繼更覓得一 老佛爺狠 復出 人,止得完好紙吹五支隨以上 人安所得此然姑且求之李曰好好爾用心 自點自吸已得飽食後神態似覺稍閑 好消息也但 索等倉卒竟不可得幸隨身佩 及太后 人皆已 受用適 出就予語詞色 命折秫褶梗為 適間老佛爺甚 四散 所 進五 照料苦無法可熟 粗碗佐 卵竟 之俄 甚和緩翹 想水菸 以食 供不數分鐘太后已搴簾 食 聞內中爭飲 其三餘二枚賞與萬 鹽 帶 미 退 尙 拇指示予日 小 不得已即於 用乃就西廂窗板 出至 撮捧交內監 能覓得紙吹否 刀牙、 承應能討 櫉 筷 豆 西 一粥唼 遂 廂 屜內竟 取辦 爾甚 房殖 取 西 廂 箸 星 老

得還 人却甚知道禮數李監又讒言曰人家做官多少年難道此區一 不知多少豈有不會抬轎之理語畢予即退出太后顧諸左右日吳永他是漢 官夫向來伺應往來差事當 己預備齊楚太后日延慶轎 送聖駕即行太后曰我乘延慶州轎子輿夫已疲勞此處能換夫否予奏曰 寄京寓署中無女眷惟臣母尚有遺衣數襲現在任所恐粗 體即可但皇帝衣亦單薄格格們皆抵隨身一衣能為多備幾件尤佳予奏答 臣同署當檢點呈進日爾可先同去料理予與皇帝即將啓行矣予奏臣 促竟未攜帶衣服頗感寒冷能否設法預備予奏謂臣妻已故奩具箱篋 復令就近與語子不得已即於院內泥寧中跪聽先絮絮問瑣事因言 配辦事麼 夫倒甚好所換之夫不知能否勝任 不至於貽誤李監從旁接語日人家何 陋不足用日能 區禮數都不懂 如前 候大人 日皆係 此行 候 均

匪

毁

壞門窗戶壁幾無一

郭上馬由間

道飛馳同縣途經村落數處不見一人道旁民舍皆為潰兵遊

家完整甚有被宰鷄豕尚未烹食者縱橫地上爲鴉

乘子所備之轎皇上即乘延慶州轎子在門外報名跪

送

而傳呼起鑾太后

《子西狩遊敲 卷三

機虎神兩聲其餘尚有武衛軍顧皆零落散漫無統紀隻還而行飯憊不支 謂為 通 肆強掠道 傳輸各家居民一律啓戶於門外擺設香案有燈紙者懸之無則用紅 字子成及涂元甫農部國盛袁季九駕部玉錫其他皆不相識尾從兵士為 陸續到縣斗大山城在坑在谷一時填塞俱滿據辦事人報告始 溫語相慰勞謂很難為你辦理予退出後即馳同本署督促供應随尾官兵皆 少時鑾駕已至予復如式跪迎兩宮先後降輿入內旋即叫起入見太后頗以 已甚滿意謂予日僣們今日已算是到地頭了到地頭云云猶言到了家也 看陳設亦頗楚楚未幾即有前站內監乘馬先至子引視各住房一一周閱 城拳匪先已聞訊逃匿兩旁居民店肆悉閉戶蟄伏 犬爭食荒凉慘淡 同行者除前單所列外尚有博公定公工部 姓字者提督馬 到時儘 遇車馬即棒其人於路旁牵其車馬以去雖京外官吏亦鮮有倖免 可於門外跪看但勿譁動於是始爭與收拾布置予先至行宮 玉崐學士王特軍機章京飽心增字潤 目不忍親但已 無法顧注迄到縣城 侍郎海與及各部司員數 不敢出予念此象不妥即 則東門果已 游來秀字樂三文 知此次隨駕 洞開蓋 紅紙張 所 查 帖

者以 三令五申迄 此 凡 、沿官道各村莊居人皆逃徙一空兵卒搜括財物鷄犬不留主將 無法可以禁止旋奉論除神機虎神兩營外所有各軍悉歸馬玉 and the constitution of the district of the same of the same of the same of the same

得掛休 世姊夫 予旋 稍 **崐統** 用綢綯線夾春紗長衫數件拉雜凑置井為一包當即馳赴宮內呈送予姊 進奉皇上惟兩格格衣服無相稱者繼思旗籍婦女可 于匆匆到署即啓篋 此件預備進奉 整雨格格 向各處 率號令歸 妝 繆 飾 石逸新續娶有鏡盒一具予取以進奉梳篦脂粉悉具於是太后始 亦穿 館舍巡 少間復 一比較當稍有秩序矣 太后又 予長衫佇立門外閑看 一檢衣 視 傳起入見則太后及皇上均 週就便向各官 檢得缺襟大袖 服惟得先生母 起 示 江 柯 網馬 居 復 太 如前 夫 頗尙周帖惟沿途 人呢 已將 掛藍 沒狽矣. 通用男子衣 夾襖一件的 獨夾衫長袍各 予所進衣服更換威 所見兵士 党完整即 乃以子

但今可授爾旨見有強掠兵士不問屬於何軍准即就地正法可也予是夜 於途中已飭馬玉崐嚴辦正法至百數十人均令篡首居庸關乃尙不能禁 回宮門晚間 入見陳明兵 士不戢狀太后亦顰處言此 輩甚可 恨

免紛擾復

能禁 左乞 近 事固 連 攜住他處販 騾 却 將游兵嚴辦數 無鞍轡騾馬便是從鄉間擄掠而 王崐現統禁兵祗 日據鄉 (日拂曉 予已奉 馬 西 照 二日間盤 一門肆 耕作 為作主予隨 止且在此 應辦但懷境 料 如被 前有騰蛟起鳳牌坊郎將首級梟示坊柱見者慄然自此稍為安 **卸整** 民報告各方潰兵到處 太后旨意得就地處置當場拿獲六人悉有贓物因立命斬决 獲 賣本縣之七里橋實為其出境總路軍門但於此處派兵駐紮 無停 擄掠則來春懷 衣 人此風即可遏止馬日 百忙之中又何法 騾馬至八十餘匹就 有與彼商之因急馳往馬處告之以故請為懷民造福馬 從有馬勇六 出署す 趾直 如此遼闊安能處處派兵守護予日 至 至 四 街 鼓始還署假寐 人立 口瞥見 來人民皆無法耕種 來 可以兼顧旁皇搔 擄掠牲畜騾馬日至十數起北地農民全以 喝令拿辦謂聖駕在 可以嚴加盤詰 如此甚易當即調兵 IE 一羣兵士方叔 法 、搶風頓息馬當選去好 首殊焦急 遺患非細但非有兵力 如訊問得實即予截留 掠 否彼等搶掠 此 一典肆肆夥跪 爾等乃敢 一哨駐紮七里 不得策繼思馬 牲口 典 日

作惠贈何如予日如此懷民受賜已至厚此區區者又何足言馬欣然感謝不 匹餘悉送至縣署日此君治下物依法當統歸地方存案吾特向君 石 此 聊

是日復至 請帶兵勤王甘督陷公模知其人躁妄喜事意不謂然而以其名義正大 堵事宜着 覺事近兒戲意殊 懷來予曾謁 千餘人並給 阻遏因撥步兵三營每營約四百餘人騎兵三旗每旗二百餘人合計不過 見其激昂慷慨忠勇奮發心頗非常引契蓋岑本在甘藩任內聞 不覺為之感泣子,昨在榆林驛晤甘肅藩司岑春 日一切供支汝可量力為之汝亦須少為將息毋過勞苦云云體恤 此城內外不許有槍聲下令後 折 宮門外請安叫起 以餉 見共談為之供應 張家口 銀 不懌問兵在 五萬兩岑因先行就道自草地 迎候來兵即於該處 因奏明此 [何處日· 夫馬唑見時 如再有人放槍 尙 事. 太后甚為嘉許奉論予與皇帝駐 在途中因 駐紮備俄人侵 太后問帶兵若干 位 定 可即擒拏處斬我尚 經張家 「有部· 以隨扈 令其辦理 口 馳 來此接談之 如數對 騎 聯 聊 軍入都 察 入都前 哈 如此 接再 不 便

奥子 西符 叢彰 参三

欲 郵 太不稱趙艴然日老頭此何等時勢有縣印 中堂忽攙言曰此事我頗 今當發廷寄但軍機大臣印信尚未攜帶擬借爾縣印一用何如子未及對 举不平但亦不便頂駁隨即告退趙尚書復呼予婉告日我尚與爾商量一事 奉旨防堵張家口何得擅 有如許閑飯供此 **公對之均不滿趙且作鄙夷語曰嘻連彼亦需爾供應耶爾** 文書封面 且 頓 十枚印 卒視 平行印則 須知在此道路中任何部院關 以 也 学因 扈 駕因 為 就親自送交趙公已將寄山陝兩省巡撫廷寄辦好立即 均有印成字樣恐不合用只有白紙稟封如何日 不足輕重轉致遲誤即顧予日漁川 莊 留京中逾數 而至此子當日謁見剛趙兩軍機方於坑上對坐偶言及孝事兩 親王現帶有步軍統領印信可以借用但八百里加緊文書 不急之人予謂彼以扈駕來此當然不能不一 不以爲然向來借印須平行衙門乃合體制縣印 日而 行至此彼 兩宮出狩乃即隨後追趕至 防印信恐都不及懷來縣印之有價值 乃敢還奉上旨何須置理予是時意殊為 可借已是萬幸尙欲講體制耶 爾弗聽老頭言儘管辦去予 可予即 延慶始遇 此 山 律招待日 僻小縣焉 囘署取 岩必

The state of the s

草草供饋盛飯一竹籃盖食器亦聲矣王公父子食之至甘食竟即就榻安 此 門請起當以明早趨直也予已出門外復呼告之日尚有 知予將往宮門語予日順爾代我陳奏謂予已到此今日過疲頓已不克赴 騰出簽押房對面南 候謂中堂公館業 與其公子稚藥京卿同坐而來因當時不及隨駕今日始行趕上予即趨前迎 人聚議仍向各糧店凑借蘇君坐客次守候良久郭紳等還言己鄉借紋銀 有神機營官長蘇魯岱來署會晤言兵丁餓不得食務求籌款散放 食署中廚夫俱四出供役子嫂自入廚房炊飯煎鷄卵數校及泡菜等二三味 至大堂見有單套驟車 兩將銀交蘇君分發神機虎神兩營各五百兩正欲出署忽報王中堂到予出 係奉端王論務請閣下設法切母延該予不名一 署中恐 寫官銜年月交子發遞予即返署遴選良馬派精壯驛夫飛馬聽遞旋 太逼仄 奈何日不拘何地. 已預備日子困疲 房三間請其遷 一輛甫在堂上停歇就近詢問知為大軍機王公文韶 入復親過房中照看一週王公饑甚急 但有房一 已甚即擬借爾署中安息不願他往矣予 間一 錢亟請城紳郭應斗等 几一衛足矣予不得已 一語煩爾奏明謂 以濟眉

機大臣印信葉已攜帶在此至要至要于日然則甚佳今日剛趙兩軍機正為 此事抬槓也子遂亟往見剛趙兩公告以王中堂已至縣署安息二公均甚喜

都中消息或交涉得當尚可中道折回也 **蹕期限私心焦急殆不可名狀蓋兩宮在此猶有徘徊觀望之意冀就近可得** 給數尤不貨自沿城十里以內蔬菜牲畜糧食草秣悉索已盡顧尚不聞有啓 傳呼叫起日必三數次真可謂疲於奔命而隨扈軍士宮監數千百人日需供 兩日以來此荒城僻縣中千乘萬騎貴要雲集奔走伺應幾無一刻寧息宮門

筐小管相屬不絕屯集街市如山積至本日則縣覺稀少覓鄉擔已不可得城 中居民蓋藏亦多半出供官需因子自始即定以平價和買絲毫不加科派故 居奇隱匿之弊數日中賴以不匱然再駐數日則不免情見勢絀矣有艾監生 民間均願極力相助集成吾事彼亦幸藉此以消通滯露因之踴躍輸送絕 至第三日則供應食物已漸形支絀前兩日鄉民進城蔬菜以至日用百物大 人在西關開旅店平素好干涉訟事予傳案戒賣而斥革之是日子

尚不言啓行獨不為東道留餘地耶至午後始聞定以次日啓蹕予心為之稍 怨耶艾仰首見予即肅然致敬曰父台賣我公事也然居官康正我豈能以私 也是日見剛中堂頗感額代為擔應日 區區效此微勞何足介意予聞之頗加獎敬以此見關外民風淳朴猶存古意 害公今大駕猝臨役夫奔走不暇我亦大清子民部下百姓 為畢事大駕 可但無可如何祇得急急八面張羅盡力籌備一切以能勉強對付恭送出境 紀然念如許王公貴監來時草草到此後均須加飭行事此一番支應定非 照料差事行過彼店見其短衣磅礴方俯身自劍馬草予呼之曰艾君不 具子紛紛向予索馬縣中舊有驛馬已多數被掠幸前日於七里橋盤獲騾 卜午復叫起 入宮太后詢 刻在境仔眉未卸終不免為之惴惴 行駕部署予一一奏答為之頷首者再旣而諸王公 如此 小縣安能任萬乘供應一 也 分當竭奉上之力 駐再

街道向以大鶏卵石填砌油滑拳确張步殊甚兩日中碌碌奔走視華頭已

幸得敷衍完事可喜也日來勞頓已甚嗓音頓啞兩醫腫脹足幾不得學懷

可抵應竟為索借幾盡從駕親資數十人與者馬者夫役者擾擾竟

十匹尚

此全城生鹽苦大駕啓行予亦同時隨往地方善後無人負責潰兵造匪勢必 端邸陳述理由端邸日我尚思保奏汝何為反自推諉退避耶語次似甚詫異 予再三陳辨彼又疑子緊絕官缺乃作奚落聲曰嘻嘻畢竟是州縣大老爺 擬見李蓮英請其代為陳奏值其已睡不果又往見肅邸及倫具子求為設 同時廢集且應拳匪聚衆報復蹂躪將無完土子何以對此懷民因亟赴宮 理前路糧台大思所盛錯愕幾不知所出一身之事捐廉頂踵且不暇計顧 味固如此濃擊哉然此出自上旨在我又安能為堅幹不管子不得已復請 辞卸蕭邸頗疑于别有用意一似不願為國效力者言語之間頗有皮裹陽 者乃又求之王中堂中堂亦謂既有明旨祇可選奉予復力陳地方為難情 商之馬玉崑請彼留一營在此鎮攝即無事矣蓋諸公俱疑予意圖規避而 反覆再三至於第泣中堂始微哂曰漁川爾真為此耶只此固甚易處置但 英 7 7 似天下决無真為百姓計較之官者予當時官場之問歷太後 符 袋 TO SECURITY OF THE PARTY OF THE 六七

傍晚間忽自宮內傳旨由軍機處交到字條一紙上開本日奉上論吳永着

洞穿雨孔幾見趾踵苦況略可

知矣

吾姪必母使失所異日幸平安復相見當不相負劉亦跪泣日老爺盡忠保 城幸接洽就緒予始放心同署草草辨裝神魄散亂殊恍惚不知措手念署中枕上授以令箭命星夜飛調某營來懷予並與約明日俟些駕啓墾後再行入 今以累爾矣予此去孤身這役前途禍福不可測爾幸念數年推解之誼照 為商定行止時子尚亦有兒女署中止從子宗熙一人有執帖家丁劉福尚 幸無多眷屬孤身獨客行止初無大牽率惟尚有嫂姪及親戚幕客數人與京 實可倚予因向之長跪含淚相託曰予兄弟數人止共此一絲血脈宗布所 官舊友之避地於此者不能不稍謀安頓因於市肆借得百金酌量分贐並 軍門殘部現均歸我統率原有馬隊三十營現當尚有十七八營雖皆零落 足額約計一營尙有百數十人防守懷來已足矣即傳呼中軍官立召旗牌 祈懇請救此一城生靈並言伙食供給均可就地方等 將馬竟底然允諾日 以為為地方利害起見情切理正定當易邀垂恤而不知反以此見疑也于無 可如何只得就馬公商之馬已就枕子即立牀次與語馬因披衣超坐于反 程達大但安心首途小人 er in the control of 一盡縣力所及雖至行乞誓奉伺姪少爺決

庚子西行叢該 卷三

截留詰訊果支吾 軍門乃連騎 致敬行禮予告 晨挈同姊大繆石逸隨扈就道凡聖寫駐懷共三日此為七月二 緊於路側 羅馬疾馳 守事項告以 日彼與所乘馬 示辦理 隨甫 十五 日黎 出 更牵騾馬五六匹將至近處似逡巡不即前子詳細審視因指謂軍 與嫂氏痛哭缺别同時並委與史暫攝縣事略與諸同寅伸士商 轉過 一西關城 미 因 向 道 銷 同 明 左則 均無鞍韉而滿身泥浑是皆農家物來者殆非正道軍門即令 一啓蹕予跪送後即乘馬 馬 差矣予隨所指視 以 下 山 行因就馬上互談又行數里忽見盆道上有兵士一 麓胸 外馬 與城紳商妥供 軍請兵保護情形諸紳皆大欣感諸事既畢予即以次日 不能對因飭衞兵驅之前行軍 ゝ 村軍門方跨 已不見予隨後謹行不久至 軍 門所派留懷防守之馬隊營長即於此處 委地 之則赫然 上審其年親大約不過二十許身穿軍 應各事慰託數語匆匆道別數里外適及馬 坐沿街門外見予至起立 先行另僱 簇新頭顱梟示竿上鮮血 門手持一拂塵即揚之當 雙套騾車稍 一小村集見軍門所乘馬 一以拂上指日 十 載 伺 人躍馬 四 候 向

六九

庝

非專心念佛之人子念此錚錚壯年男子竟死於子一言之下未免嗒然自悔 符號已扯去不知屬何隊伍右臂上尚環有唪珠一串想亦偶從他處掠得決 無端巧遇遂罹於法就中若有神鬼驅使之者天網恢恢疏而不漏偶然假手 知尚須遺害若 但又念彼掠得如許牲口行叔必非一次被害之家不知凡幾如不寅於法不 干人且難保無姦淫焚殺之事使先後片刻即可逍遙自在乃

勞頓已極伺兩宮已入行幄部署粗定覓得一荒寺於階上獨坐小憩忽有各 王公府箭手及諸色太監 置備以佛寺為行宮俗呼東大寺頗宏敞勉強足安頓予以在縣中連 與之相晤又二十里至沙城駐蹕此地有巡檢司尙屬懷境予先已派人在此 居民均寬山谷中堡內人烟斷絕惟備茶尖宣化鎮何乘鰲帶馬隊來此接駕 又行十餘里至土木驛雜懷來縣城已三十里此處本有驛馬悉爲潰兵刼掠 於我始非我所能自主也 供給軍需豈能任意推該衆口喧 一授擾間又有武衞左軍多人直前 勒索車輛馬匹京官亦有陸續趕到者皆給索供 數舉槍楊刃其勢甚**海**海子憤不 園逼問予索糧的数料日 爾係糧台分當 可遇乃 日承

对于是一个人,也是一个人,也是一个人的,他们也是一个人的,他们也是一个人的,他们也是一个人的,他们也是一个人的,他们也是一个人的,他们也是一个人的,他们也是一个

the state of the s 沛至此尚忍作此態耶子受命未一日又新從奔走至此百凡未及布置將從 身告之曰爾輩皆食國家厚餉今外兵一至乃無一人抵禦致令聖駕蒙塵顛 氣坌湧因不覺據地閉目放聲痛哭良久啓視則彼等竟已不知何時相率 何處得餉今予惟有孑然一身臠割咀嚼一聽爾等所欲餉銀則分文無有鬱

行宮由 莊邸即前奏曰吳永有事陳奏即同顧曰你說予奏曰蒙恩派臣為行在前路 有專面 是役幸得以一哭解圍然予念身無一文之餉手無一放之兵來日方長何堪 與協力從事於公於私均有裨益然此情將以何法上達得邀俞允遂往見莊 隊彈壓亦較得力觀其人似任俠有義氣不如以督辨讓之而吾為之會辦相 這外官規矩乃如此麻煩我帶爾同往爾自陳奏可也即攜予同入至東大寺 親王告之以故請其挈予面奏顧曉聒許久彼竟茫然不省曰我記不起許 受此纏擾私計岑春煊現攜有翰銀五萬略可任暫時支應且彼帶有步騎兵 去不留一人矣 乃監通報須臾季監 然則我為爾通報須臾叫起太后立於佛殿正廊皇上立於偏 自角門出低聲問日此時尚須請起耶莊邸日他

CARRY AND THE STREET WAS ARRESTED AND THE STREET, AND THE STREET, THE STREET, AND THE STREET, AND THE STREET, 知汝願意否予對日廚夫賤役蒙恩提拔不惟該廚役得有造化卽臣亦 問福很會意調方纔所食扯麵條甚住炒肉絲亦甚得味我竟欲攜之隨 旨意當論莊邸先退太后復論日此次差事真難為你辦得狠好汝甚忠心 步旂營隨駕北行該藩司官職較崇向各省行文催餉係屬平行可否仰懇 有所挑剔,汝可放心無須憂急予免冠叩首不禁感激流涕又論目爾之廚子 降論旨派岑春煊督辦糧台臣請改作會辦所有行宮一切事務臣即可專力 日即有恩典我於外間情形知之甚悉皇帝性情亦好差事如此為難斷不致 伺候不致有誤要差時太后方吸水菸沉思良久日爾這主意狠好明晨即下 便即發放官軍糧餉布發文告亦多為難之處現有甘肅藩司岑春煊率領 糧台本應竭犬馬之勞惟臣官僅知縣向各省藩司行文催餉於體制諸多不 The state of the second 倍

二十六日在沙城晨起召見軍機即降旨派岑春煊督辨前路糧台吳永俞啓

職御膳房矣然當晚間予即無從寬食乃至巡檢署氣吳少尹為備餐饌勉強

飽

光龍太后甚悅有項退出傍晚至宮門有內監告予謂周廚已賞六品頂戴供

on successive descriptions of the complementation of the company o 然掘坎自埋由今同憶可恨尤可笑也 過問予聞語愕然噫少年鹵莽輕信寡慮至以此開罪於軍機不意以後沿途 向我等商量乃逕自陳奏耶此人苗性尚未退淨如何能幹此正事將來不知 元均着會辦前路糧台子方喜可以分卸重賣詎以此事大為軍機所不憾 轇葛及一生蹭蹬乃均坐此一事此亦命宫磨蝎數有前定本無所用其追悔 鬧出幾多笑話爾自受累爾引鬼入宅以後任何糾結萬勿向我央告我决 日駐蹕宣化所屬之鷄鳴驛王中堂呼予往見卽詬曰爾保岑三爲督辨亦 須

兪字夢丹為湘撫兪康三之子愈中丞乃剛中堂之門生夢丹與剛子狎近 實彼固十分欣願求之而不得者祇以出於我所保奏似乎貶損身分且恐向 之市恩故佯為不悅以示意以後乃節節與我為難不德而怨報之徇始 扈糧台乃有一督辦二會辦矣方在沙城將啓鑾時天前向明在行宮門前岑 日上道均隨 不及也是 見予即相話怨日謝爾厚意乃以此破沙鍋向我頭上套令我無辜受累其 剛之左右剛因乘間為之奏請賞一差事遂亦派為會辨於是隨 察宣化縣陳立齊大令均來此迎駕

庚 子

酉

奉旨直隸懷來縣知縣吳永着以知府留於原省候補先換頂戴 二十七日辰刻啓鑾三十里至響水驛茶尖又行三十里至宣化府駐蹕是日

軍機處存記蓋剛中堂所保奏也 二十八日仍駐宣化奉旨在任候補知府直隸宣化縣知縣陳本著以道府交

准爾專摺具奏言次並為述及義和團亂事始求暨出宮情形揮淚不止予亦 不覺愴然涕下也 定當大用望好為國家效力予叩頭謝復論爾以後如有所見或有重大事宜 二十九日仍駐宣化予具摺謝恩蒙召見皇太后諭曰汝忠心且有才幹將來

人才破格任用並注意出洋留學生量才登進俾得循途自效免致自投他國 餉核定成數分别解送行在戶部以濟耍需九請飭京外大臣遴保通達時務 别剿辨解散七請飭各督撫宣論逃匿教民各歸鄉里八請飭各省將應解京 五隨扈各軍請飭編補足額恪定軍紀六各省議和團餘衆請飭疆臣酌量分 理善後事宜三隨愿京官請酌給津貼四請刊行在朝報俾天下知乘與所在 三十日仍駐宣化予上摺條陳十事一請下罪已詔二請派王公大臣留京辦

den en de la comparció de la c

.八月初 止其餘王公大臣皆扈從西行矣 一日啓驆予以滞下請假二天卽往宣化署中時慶邸尚留懷來俟進

慶邸同京與各國議和遂折同部中 初三日子尚住宣化慶邸亦自懷來至宣子往謁之適瀾公自行在奉旨傳命

廷杰去位時彼唆弄拳匪極意挫折曾不數月而身受慘戮更甚於廷杰天道 洋人拿獲凌辱備至旋即斬首篡示封疆大吏外人竟任意戕殺殊可憤懑然 此仍隨扈同行途中聞洋兵入都後不久即陷保定廷雍時兼護北洋大臣為 食處往往於道旁空舍自謀炊飯初九日抵大同始及車駕當詣宮門銷假 此已入山西大同境初七日至隱高縣初入日至聚樂堡沿途情狀甚為荒 受兵士蹂躪尤甚馬金敍之兵長無紀律到處掠詐居民徙避一空至不得 初四日子自宣啓行至懷安縣境住宿初五日抵懷安縣初六日抵天鎮縣自 追數廷雍罪惡實可謂死有餘辜國法不能治而假手外人轉足令人意快

丁 匹 符 遣 該 卷一

庝

業 時桐城吳摯甫先生方主講保定蓮池書院頗爲彼所敬禮先生曾一 里鄉人恨之刺骨而莫可誰何予到縣後亦屢次夤緣入謁予以僧 案先是懷來鄉間 敬曰吳大老爺你好尚認識我否予視之茫然不能答徐又曰上年為某寺 啓必致貽禍 為之痛陳利害曉以大勢謂亂民邪 頗交通聲氣結 村落予偶 好還倍稱為報在彼殊無足深惜特國家體面為之掃地滋 · 必非守分之徒因擯斥不理被害鄉民聞此消息乃先後列狀呈控予詳 生欲設計中傷之幸以先生之道德清望不能為害然其毒亦已甚矣 案我曾到過台下多承大老爺思典今不省記耶予仔細 日宿代岳鎮十三過雁門關十四至崞縣宿原平鎮是日於途中過 下車散步見道左一馬甲倚槍 國 一家反覆累數千言詞甚剴切廷確非但不聽而 納縣胥豪猾以此歷任均與通款曲乃益 有一古寺寺產甚饒沃住持某僧素無戒 僧如此 不法而 匪不 至於無人敢發實 可始縱教 而立見予漸行至近忽向予肅 大士教民 以財多勢集之故 驕奢無忌倚勢橫 不可輕殺衅 可恨 行多淫縱 且以此 同想果有此 (耳拳禍 人無故 再作 致憾 不法 立 初

公司的人,这个人的人,他们也是一个人的人,他们也是一个人,他们也是一个人的人,他们也是一个人的人,他们也是一个人的人,他们也是一个人的人,他们也是一个人的人的人

nem the statement of the term of the statement of the sta 此次所撥某寺產業均經逐一查明鱗册契據絲毫不能有誤且王府莊 從無託人代管之辦法老兄恐未免有所誤會或聽該寺和尚 莊產任意改撥王爺非常震怒特命兄弟前來查辦此事請問貴縣究竟據 王府莊產糧稅雖不由本縣經征然本縣皆另有檔册與民產劃然不相奉促 田產實係王府莊產委託該寺代管者現聞已撥充某校何得謂無此事予曰 理由乃如此冒昧予曰敝縣並無改撥王府莊田之事老兄此言何來曰某 四哥實從七八輩皆行裝冠帶異常整肅儼然貴倨昂然直入一揖就坐予未 及詢來意後的斂容作態日貴縣辦事殊未免過於糊塗草率如何擅將正 潛造人是京運動突有大起與馬自都來懷氣象煊赫先投西關客店住宿為 日如聽之留心伺察可也次日居然以愚弟帖來署投謁予出接見則被三品 疑為思語的役債查回報謂看其起居儀從確是貴人氣概似不類作為音子 百一,自齊奉三府使命來此勾當公事清查某寺莊產當時有人來報予即 分在清於何須厚產會該鄉鄉樂校而納於款項乃判將該寺產業二分之 撥充學校管理生息充作基本當經通詳各意批准定案乃該僧意猶不服 面之詞受其 田亦

=

庚

子西

狩裁

談

七七

通 該店謂茶飯可以供給但有意外需求弗任意應之恐將來枉受賠累也次日 證更要何種憑證耶予察其調遁來意已得入九然詳察其人似尚有相當 乃向予張目目澶撥王府莊產如此抵語數語難道就算了結有這樣便宜事 據報該住店人等已悉數預備他去于日聽之彼如藉此收帆亦省一 了將來莫要後悔予但笑而不應隨後即派役前往該客店監視行動並通 日後又聞全班同店云係從某寺清查莊產而同次日復來署拜會一 種大言以相恫嚇予悉置不理彼即怫怒起立昂然竟去日我看你這事辦不 分殊不欲與之破面但以婉語勸其勿妄干涉彼以予為有所畏懾乃益 府所派難道王府還置賴他人不成就是王府之人親身來此這還算不得 命究竟是何王府所派持有何種憑證不妨請出研究彼愈哮怒日我是禮 耶兄弟特為查究此事而來教同去如何銷差覆命予曰老兄旣奉王府 融辦理但此案業已通詳確定不能挽同尚請老兄原諒不必過問為是彼 日本門心查問明白老兄對於此事尋竟有無辦法予 因而為之出面干涉既老兄遠道來此如不破法律之事未嘗不可 見即盛 事乃數 作 身

戾于西特裁談 卷三

然惟院 拍案頓 甚佳當 涉.誤. 出. 就罷結予曰 縣王府雖 先究竟尊 跪這法堂便 不得是王 府委託 你但 子於大 一硃票着將 亦須稟請各 強予叱 即傳 現 司 認 足 堂 尊貴 有 之 得 命是聽 跪彼 此是我王府之人豈能 該 是 此 呼縣役日現在大堂外有某寺和 和 此 何 制 店所住 中供設萬 事 地 尙 却 台藩台竟不 大 在 太祖高皇帝的法堂你向上 斷 亦 憲主持 日我是 在此可以作證予日和 不能直接向 郭王 别無他說只將各產歸還 非爾咆哮之所彼 不 能辨 人等一起 歳 不能隨 府 太 牌西 認得 我已通詳各憲無論 祖高皇帝的子 有甚交涉也 本縣指揮命令彼穿怒乃不可過 向 押傳來署 王府 便撥 設公座 由你拿辦 乃直 麽子日當 還日這 尚 須 看你便向太祖高皇帝作 先傳 聽 行 起 何 尚 文 有 侯 向 在 何得向 予日本縣只認得他是 府 總督以次行 發 外一路怒詈而 然本縣受督撫 王 為首者問話彼到 但 日同來在大堂外予曰然 待 名速為我鎖拿 府 透閣 落俄 作主難道 爾 我 作跪子曰 下 囘 而二十餘 空言 遛 王爺 司 去 院 卽 百該 層 憲管屬 聽 使實 也或 我 堂 府 司 還敢 訊彼 層 和 要你 在 可 將 錯 則

七九

請縣台稍留世職面子子曰這法堂之上說不到面子二字跪下彼無法祇得 稱宗室難道不知朝廷法令耶彼見予詞色嚴重意氣驟斂向予請安小語 京是何等罪名依法便須交宗人府訊問至少亦須革職永違監禁高牆 尚有包攬詞訟訛詐官府一段情節罪狀尤為重大若實在不是宗室則你! 下跪子日本縣今日須先審問爾之來歷你如果是宗室你知道宗室私自 假冒宗室職官朋通訛詐本縣便依處治游棍法律懲辦你今兩罪必居其 如好好從實供招或者尚有通融餘地若再支吾捏飾本縣立刻將爾收禁通 予既訳 輔國將軍其三品項戴則假冒也其餘諸人有車夫有工匠有衙役原來臨時 詳請示依法辦理彼乃叩與認罪一一吐實原來確係一黃帶四品宗室襲封 烏合各色都有受和尚勾結運動止得過銀二百兩餘約寺產歸還再行 未將其真名現 首者當堂取保餘均從寬省釋一 甲殆是當時省釋之一 庚 明底 er for the control of the first of the control of t 職 存案申報其人再四叩頭感謝一 、姓名狀貌實已絲毫不能記憶彼旣云云姑笑 律驅逐出境其假冒宗室一節姑置不究亦 時觀者莫不額 手稱快 況 酬謝

庚子 西狩叢談 卷三

紳士來信謂予隨駕去任後馬軍門所撥馬隊當即入城防守地方尙爲安靜 然彼時高坐堂皇誰復能料有今日之事反憂思量轉不覺為之惴惴也 我我不認得他山灣林角出其不意突以一丸相餉枉遭非命直是無處申 生何處不相逢幸當時未嘗粗心任性與彼結怨不然此時仇人相遇他認得 看重將來一定可以官居極品的子強勉敷衍數語即離之而去途中自思 他們一起廝混後來仔細思量非常抱悔您老真是清官此次故而被老佛 我見勢頭 十六日至陽曲縣太原府許君涵度陽曲令白君昶均在此接駕途次得懷 顏甚喜旋奉頒月餅蘋婆菓二盤是夜月色甚佳即陳御賜菓餅於庭中與石 分得當令人 五日至忻州行宮在貢院陳設富麗為諸州冠予與夢丹恭進鮮果六色天 已彼逡巡復日我當時實在也是馬甲如訊究出來私自出京罪亦 人拜月分啖 不好只得自承苦力被僱幸您老不加究賣總算造化此案甚是 小隊於東門外東山 頂廟中住紮全數祇十

or the second of the second of

子在任 笨重 縣報 為仇子而來則是 已失去 槍斃匪首 隊入城逕行奔赴縣署拳匪聞洋兵一至頃刻 公適不在署告以易任亦不見信後見尊管龔某尚在署中益 駕再 再三實告皆不見信最 逼務令供出主人所在此時駐東門外洋軍自山 百餘吊馬 而卒以自投羅網 衣 復進城後首即馳往縣署以為老父台尚在此間務欲一 四 一時所革牙紀前時 箱 挽留 一耳據言當時 王道昌亦在其列自此地方差得安培云云蓋予眷屬雜署時曾 軍去後拳匪頭 物件封置 亦 堅執 無騷擾 心以子 不允祇 逾月以後馬 室留家 後乃 匪識 故驚累懷人又不免重自歉矣厥後襲僕 亦其稔惡之報懷來除 、得聽其自去計月來 西 目王道昌忽挈領匪黨 關 舉刃削去 家人爲老爺舊人置刀於頸 壇 人 (翼鐸 中頭 軍忽欲拔隊前 在署看守故為拳匪所識 目四人之一彼尚銜毒未 耳謂 如再不說 遁 地 一毒螫聞 行謂 逃星散當場拿獲六人立予 頂以遠鏡窺測望見當 方供給項下已 一百餘人各執兵仗聲言 留此 之至 勒令供出老爺 則 耳目口鼻須當 無謂務須前 一引為 以為疑百計 見此時新任 已務 也王 仍投至予 費至二千 快但果 求釋 道 所 卸 昌 勒 卽 田

庚子 西特藏故 卷三

睢暴戾氣焰至熏灼不可近天鎮

岑自得督辦

各義後沿途即大肆威福對於地方供應官吏往往非法

令聞駕至宣化當即恭備

切後以在宣

[凌辱

糾結間而洋兵已 剧割家人一 時價極决計與之进命乃緊抱之而囓其耳同)來彼倉卒已不及脫遂為洋兵拿獲槍斃云云此亦一段 仆於地 JE 相 與

聞也 對後任便須負責盤查交代以此相 前即預為今日之地者此 時過久究 巡幸五台所製辦備 於省城外數里地齊集迎駕是日遂入山 已始行發鑰乃皆燦爛如新製且絲毫無所毀損遂賴之以集事一若百年以 任藩司均不敢啓視 有宮庭氣象其最可異者凡需用簾帷茵褥及一 八月十七日車駕至太原巡撫毓賢方統兵駐固鎮自藩司以下文武官吏皆 不 知 庫 內有無缺 但於門上 行宮御用後 真所謂數有前定者 失 更加封條一道前後重叠殆已 如一經啓視 來御 沿 |不問此 駕未至遂存貯不用向儲 西省城以撫署為行宮堂皇壯 則 耶 次以倉碎駕到無法預備 倘有毁失對前任已 切陳設器件均係嘉慶 至數十 太]無法根 (原藩 層 麗 庫 因

人三

予語一一轉報而益加之以添砌反覆唆弄致予與岑惡感日深至結不解之予當時閱世過淺不免時有隨聲附和之處詎彼於岑前詆予亦復如是並將 門差務實均由子一人祇應彼雖到處叫呼肆擾而實際則絕不肯分勞愈 天鎮慘劇岑乃大恚怒謂子久任地方所以袒護州縣因此輒至相齟齬然 仇者愈尤與有力也 更絲毫不問每日但向予試毀岑氏凡岑之一言一動皆向予報告極口肆 予即跪泣求救予婉詞慰藉之並為之向內監疏通因勸岑稍從寬假勿再 及至山陰情節略同岑復嚴責縣令謂看爾有幾個腦袋山陰令惶急失措 逗駐單三日食品皆臭腐臨時趕辦不及苓乃大加逼責令無奈至仲藥以 見

職掌之小內侍約十數金至數金不等惟總管太監分位較高 毎日宮門 入山西境後威儀日。或地方承應官門上已不免有需索使費之事子為 規定股份數目凡各項首領太監如內奏事處茶房膳房司房大他坦及 一手代為開銷按份俵散不使有 叫起必三五次宮中內監自李崔以下多半熟習故出入一無所 一處空漏 亦不令額 外取盈至多不 不便點綴 到

庚子 西符該該 卷三

告退詎以此故又大觸樞臣之忌 方利弊民間疾苦每問一事必根端竟委娓娓忘倦往往至一二鐘之久方始 太后喜聞外事每召見陳奏公事畢輒溫言霧色令隨意說話予每為懷述 出京前脫幾寒之厄幸門未開終望猶雅亦尚能安受約東不至十分難取也 過 一百餘金少或八九十金因之各地辦差人員類感便利而彼時各監初 THE CONTRACTOR OF THE PROPERTY 地

怒諸軍機必且抱怨於爾須當注意云云予始悔一時輕率盡言意本冀兩宮 於老佛爺前曾作何語今日諸軍機入見均大碰釘子老佛爺屬聲詰責謂外 色咸不知所對祇有相率免冠碰頭我想必因爾語及何事老佛爺乃如此發 聞種種情形爾等平時何無一語奏聞直是朦被我母子耳目諸軍機相顧失 一日在西安行宫李監忽附耳告曰爾已鬧大亂子矣予驚問何事曰爾昨 知民隱大臣不言小臣言之却未顧及越分踰等之嫌也

竟所說何詞以後在本等範圍自可簡單明瞭扼要陳奏切勿東牽西曳橫生 爾係同鄉不能不向爾正告爾今日召對乃至二點一刻之久致我等久候究 日在軍機房榮王兩中堂瞿尚書咸在座王中堂忽正色語予曰漁川我與

叫外起凡外官及各部院衙門人員一一召見畢軍機方始入對自次日起 枝節天澤之分奏事有體非兒戲也予唯唯而退榮瞿皆默然無言然窺 色似皆深不愜於子蓋諸公會集或正議論子事也向 改定規制先召軍機再叫外起蓋如此則他人陳奏事件可以先行探聽為 日入對之預備如照舊例則為時太促無探詢預備之餘地空中霹靂恐不知 例兩宮每日聽政均先

前清宮庭體制外觀似甚嚴重乃內容並不十分祗肅宮監對於皇上殊不 雲起何方也 碎之有時或畫成一龜於背上填寫項城姓名黏之壁間以小竹弓向之射 每與諸監 為意雖稱之為萬歲爺實際不啻為彼輩插弄傀儡德宗亦萎靡無儀表眼 臣下尤不能發語每次宴見必與太后同座一远远多靠南窗下太后在左身 上在右即向中問跪起先相對數分鐘均不發一言太后徐徐開口曰皇帝 沒取下剪碎之合片片作蝴蝶飛蓋其蓄恨於項城至深幾以此爲常課見 問話乃始問外間安靜否年歲豐熟否凡歷數百 坐地作玩 耍尤好於紙上畫成大頭長身各式鬼形無數仍拉雜社 語即 E

聰強而德宗 出然人情世故頗基明激數語後即洞悉來意故諸大臣頗畏憚之太后如此 問罷太后乃滔滔不絕大放厥詞尤好拈用四字兩字名詞古文成語脫 亦如之二語以外更不加一字其聲極輕細幾如蠅蚊非久習殆不可聞皇 如此異儒宜其帖耳受制不能有所舒展也或言德宗養晦為之 口

歸 樸被出都過昌平州知州裴敏中方抱重病霸昌道鳳昌因先期未奉有廷旨 城奔馳蓋恐洋兵之躡其後也太后因此甚慣慣岑詢知其事乃從而媒葉慫 子自受仁和切誡後雖極力留意收斂然以太后眷注過深出入左右似多添 **通之迨至懷來遂有拿辦裴某之嚴旨岑復自請承辦發令箭派** 車駕至城下疑爲假託賺門堅閉不納且從城上鳴鎗示威兩宮不得已乃繞 則 罪知 拿意欲藉以邀功予微得消息覺裴一 重耳目軍機內監均視為不便岑尤不慊於予務出死力排擠之先是兩官 况州官確在 非小臣之所敦知矣 州無端抵辟未免過寬乃設法使人飛告令其引避迄岑員至 病假之中依官序論分當由霸昌道負責即作為 提到必無生理此事在情理本有 (違抗亦) 員星夜前 應 可

意相徇尙不敢形諸詞色也 逃匿無所得岑意煩懊喪心即疑予所為殊甚快快然彼時以予為地主方曲

謂體制不合應以會街為宜彼執不可王曰否則於贖尾敍明臣會同某某云 始終持不可中堂一日曾對予微笑日我知道岑三必與爾搗亂今果然矣 以督辦名義出予上遇事專斷不復相關白凡有陳奏皆用單街獨上三中堂 自共辨糧台後接觸漸多意見日甚被自以官高與予比屑並事似覺不屑又 爾自取之於人無尤我早已聲明不能過問恐以後笑話尚多也 云夾入名字彼亦不允日再不然惟有於奏後列街如京官九卿奏事體例岑

予入立即藏匿子曾向之屬賣彼口噤面赤不能置一語然岑與予之積怨乃 受會辨指揮乃竟偏徇岑意至一切文件均不令予寓目有一次方在繕寫見 請假赴獻縣省親及岑隨駕行張追至大同予會岑銜派為糧台文案分當兼 予為之預備供應有幕客張鳴岐與之偕行張本山東海豐人岑抵京後張 先是苓自甘肅入都係由草地經張家口宣化懷來而達京師七月初過懷來

endered by the control of the contro

軍機諸公先對岑亦頗不愜

嗣因其極力迎

合漸覺相昵近又欲擠予外出目

復

相

同顧以予主眷尙優且遇事謹飭無間

日軍機陳奏謂各省解餉

在此聽 無禮 必當參奏乞為我援助沒齒感激蓋彼謂其父毓英與李有交誼故稱之為 是岑因怏怏中止然視予益 說吳永得力恐未必就參得動他那於老弟分兒上更沒得光彩還是忍耐為 咱們都是一起兒辦事人開成過節惹外邊議論面子亦不好看况老佛爺很 爾與吳永皆老佛爺所眷注爾兩人自相攻擊使老佛爺難以處置必不喜歡 恬不為怪李受其諂諛勾結愈密矣然對於此事李監頗極力勸阻之日老 對話彼益哮怒不可過日子非參爾不可子亦屬聲日爾有本領儘管參去我 且看誰人曲直也岑慎甚逕以手揪予胸前衣襟作揮拳勢予曰此宮門爾 日在太原行宫門內相遇岑又為一細辜向予詰責詞色甚厲予不服 耶彼不覺嗒然釋手立飛奔至李監處向之泣訴曰老叔我受吳某侮辱 候我亦奉旨專摺可以參爾我無款可指爾之罪狀纍纍均在予腹 如眼中刺非去之不可 敢

CONTRACTOR SECURITION OF THE PROPERTY OF THE PERSON OF THE

非派

員前往催促

不可然泛泛造

可入乃合謀

定計改用調虎

庚

樣熟習可以辨理太后始首肯先本擬派予赴江浙俞赴兩湖後因父子迴避 永辨宮門差使甚是熟習他去後何人辦理日岑春煊原是同起辦事之人 又皆受皇太后皇上恩典定能格外仰體聖懷為國宣力太后遲疑良久日 議殆無過於吳永與兪啓元兩人彼等皆一路隨駕前來一切情形無不周 意庶望激發天良努力輸解太后問何人可去軍機即合詞奏曰臣等再三 為皇太后皇上所親信者令前赴各省向各督撫詳細訴說須得他們特別 派仍不易得力最好請派隨扈大員精明幹練又能深悉此次沿途辛苦狀 思

現在如此為難情形爾兩人均所親歷定能向各方委曲傳達無俟多屬好好 慰勞謂爾兩 乃改派子赴兩湖俞赴江浙云 始算完全達的所謂拔去眼 叩頭退出此區區一小事彼等蓋內外合力不知費過若干之商量擺布至 上緊辦理將事情辦完以後可即趕速同來予與皇帝均甚盼望云云予等即 下令後當然立須啓行乃與兪一同請訓太后召見意似良不忍者再三溫語 人一路辦差均甚勞苦今尚須爾等辛苦一遭此亦不得已之事 中釘張開兩眼笑也

国。 1960年,1960年,1960年,1960年,1960年,1960年,1960年,1960年,1960年,1960年,1960年,1960年,1960年,1960年,1960年,1960年,1960年,1960年,19

道矣 山以後漸有南中風景更進由榮澤至鄭州夢丹由此向清江浦予遂與之分 巡道為岑公春榮即雲階之兄也出東門至木蘭店相傳為木蘭從軍舊地 帝廟求籤甚吉利自此下山過沁河入懷慶府旋抵武涉縣爲河北道駐所時 天井關己入河南懷慶府之河內縣境初五日造太行絕頂予與夢丹同往 地皆崎嶇山路九月三日至澤州遂及夢丹初四日與夢丹同行遂登太行過 先行予以八月二十六日始行就道沿途過徐溝祁縣武鄉沁州長子高平各 予承命即治裝戒途井挈幕友張震青及姪充生同行俞君夢丹以二十四日 **甓園居士筆記** 觀復道人口述

去爵職交宗人府嚴加議處輔國公載瀾左都御史英年均嚴加議處大學士 由新鄭啓行更過許州臨潁郾城西平於十三日抵汝寧府屬之遂平縣是 見入月二日邸抄莊親王載勛怡親王溥靜貝勒載濂載瀅端郡王載漪 更部尚書 剛毅 刑部尚書趙舒翹均交部議處並以德國使臣克林德被戕 均

蔎 談 卷四

庾

于

西

狩

撫告示通緝富有票餘犯先是漢口發見富有貴為兩種簽票係組織革命機 更進經確山信陽過觀音河入湖北應山界越武勝關經孝感抵黃陂境見鄂 票中分嵌有為兩字唐旋以破案被戮故有通緝餘黨之事此處鐵路已在興 員賜祭云云知議和條件已略有眉目矣 關仿哥老會開堂放票之法以是為入黨標幟為首唐才常係康南海門人 工二十三日乃抵漢口始悉聖駕已於初入日自太原啓鑾西幸西安錫清弼 方伯良升山西巡撫舊撫毓賢開眾岑雲階授陝西巡撫聞各國屢請回鑾擔 故

自太原啓程以來曲折二千餘里多半皆山行險道紆同陟降車般馬殯殆已 是時鄂督為張公之洞鄂撫為于公陸霖藩司為瞿公廷韶署集司為旗人扎 後長路征塵可以暫資憩息如魚游得水為至投林不覺為之一快也 不勝其困惟沿途合守多有世交朋舊一路將迎班荆道敦頗不寂寞抵漢以 任保護兩宮尚未兪允云

公耀珊漢口督經局為揮公祖聲溪黃德道兼江漢關監督為孝公春其其中

bedangskapenskapenskapenskapenskapenskapenskapenskapenskapenskapenskapenskapenskapenskapenskapenska

勒哈哩糧道為凌公卿雲署藍道為逢公潤古首府為余公肇康保甲局為齊

庚子西狩叢談 卷四

在鄂中勾當鉤事略有端緒遂前赴湖南謁兪中丞中丞知予與其公子夢丹

奭公被劾落職消息令人意沮幸觀察頗曠達不為意臨行尚殷殷致贐殊可 寶公德與公禄迭相招宴縱談亂事不覺洪醉不意正在酒酣耳熱之中忽得 余太守之蹇修訂婚許氏即在客中下定旣而復以荆宜施道奭召南觀察良 多些皆有舊誼更兼親知朋好之宦居此地者因之拔來報往幾無虛日旋以 一再函約遂有荆州之行奭公派輪相迎意極殷渥因順謁將軍濟公祿都統

感也 尚留處儲宮何以平天下之人心且禍根不除尤恐宵小生心釀成意外事故止一日忽談及大阿哥公謂此次禍端實皆由彼而起釀成如此大變而現在 彼一日在內則中外耳目皆感不安於將來和議必增無數障礙此時亟宜發 遣出宮為要着若待外人指明要求更失國體不如及早自動為之君同至行 子在湖北時屢謁制府張文襄公意頗親切詢及出狩及行在情狀每感歎不 要誓必冒死言之曰如是甚善 在最好先將此意陳奏但言張之洞所說看君有此膽量否予日旣是關係重

THE RESIDENCE OF THE PARTY OF T

起兒到今朝不准鬧些什麼花樣出來予奏謂臣並不敢同他鬧意見祇是岑把你擠到外邊去的稍停又曰你出去走一躺也好你兩人若是一徑混在一 年五月初始抵行在次日即蒙召見予面奏各事畢太后溫語慰勞彷彿如 年辛丑正月即就鄂垣賃室草草完婚禮直至三月中始向各處結束督翰 予在兩湖時屢奉廷旨催囘以公事未畢迄淹纏不得就道遂在湖北度歲 無他事方始放心乃急將家眷設法安頓仍隻身從間道趨赴井日兼程於 地方沿途探速投遞云云予得之大駭詳細審視始知 事料量西上方行至荆門州忽由州官韓到一電上開無論行至何處由所 主持家政而夢丹為元 其去華存實從正路向上庶 有不滿意日但能似君穩練我便放心矣君旣與共專同好惟望多方規勸 同專亦甚相愛重惟目疾甚重幾至不能啓視神氣殊覺頹唐每言及夢丹 、子弟達道歸來者旣復含笑言曰我這纔知道原來岑春煊同你不對他 燈過於任性有使人難受之處太后日這個我也知道他的脾氣不好太暴 CALL STREET, SALES STREET, 配所出父子之間不免稍有隔閡故語脗如此 不至流為邪僻也蓋中丞元配已故時方以側 THE PROPERTY OF THE PROPERTY O 仍為促還行在

四四

庚子西符叢談 卷四

仍為軍機

子憶及文襄所囑念夙諾必當實踐顧以事情重大不敢冒昧此時

榮

相

氣象已煥然改觀矣 十數襲令自向管庫 柄 頒 了連說 湯諸王 而 果然 我 公大臣獨留其 復命之日即以此 知 道 2的子 太監處選擇蓋是時各省貢品絡繹輸解百物成備宮廷 乃 P P 頭 諸宫監即竊 扇見賜並賞銀三千兩尚有其他賜物袍褂 而 退先數日太后 獨私議謂 御筆 此 親 柄 必留 柄旋 以待 吳 以

太后 見 大 時皇上正面 大總統徐公前總揆孫公寶琦三 寶手釧各一 太后手執綠 也. 禮 來咱們 仍命何 頭籤 真好 副子同 坐前有御案太后於其後作 應宮門差使 視子微笑事後笑告內監謂吳永今日也上了場正 似演戲模樣蓋謂予乃朝夕見面之人今乃第一次正式 時 奉鄂督湘 銀 兩 衣物賞蜜幾 人同起 撫先後 高座恰 密保即 入見均奉旨以道員 無虛日並推恩賞給先太 如舞 以五月六日 台上之演觀音王 X記名簡: 正 式 召 式 見 夫 放 母 召 與 像

九五

首領聞先時頗受兩宮責言外人亦有指摘出京後中途至武

多疑揣 也 臣此 抡 之 定 所 有 此 張 明 地位分際倒是 再換換了 但 何 因是已 述 中 和 次 百 徘 但領耳 但衆意 與他 熙 自兩湖來據聞 相 曲 約 卽 徊 决意陳奏 及瞿 太后 折 對 必 交 不 易就 子 聖 涉 又 敢 有 稍 吸 慮 頗 何關 瞑 鴻 上 以 進 禨 凝 必 亦 恰 凡歷 目作 範 為 相 以 思日 契愛 臣 係 恐多增障 此 一日召見奏對畢見太后 好像我輩 予因 外間 洞 在 次 三次殆 沉 之事 乃 湖北 思狀 同 爾 燭 知 輿論 先 時 叩 且謹密勿說 不 如 總 猛 就 閱 以 必 時.礙 頭 何 並 此 奏 似 召 張 由 至 多陳第 力 不 疎 如 、對於大 便啓 之洞 意 後 解 能 日大 作 大 + 乃舍張 阿哥 餘 叩之榮 始 嘘 遣 恐事 阿哥 口 到汴梁即有辦法予遂叩頭 亦 分鐘 出宮外居 復 吸 八阿哥不 如 而 但 吐 前 隨侍皇 神氣尚 、時方 多遺忘 此 須 始 赴 起 烟 而 格格 氣捲 西安乃 說 現 用瞿瞿之得 徐 免有詞 尚 徐點 吸菸 命 住 外 但 留居 慎 則 太后 悅豫予因 臣 捲 奏明 寵 東 首 重 加 一奏明提 左右當 太后 宮中 一勿鹵 西 日 雲霧 家 任 也 皇 各 1 色稍 [乘機 在 軍 中外 太 強 靜 可 如 及 后 然 機 國 以 前 默 皆 說 皇 裝 由 無 莊 不 送聞 關 復

庚子西符叢談 卷四

九七

次則險 神色略定忽將怒容盡斂仍從容露顏日想你是不知道此中情節皇帝 痛惜可否亮予昭雪方言至此處意尚 你但問皇帝當日叫大起王公大臣都在廷上 來未見太后發怒猝見此態惶悚萬狀當即叩頭謝曰臣冒昧不知輕重太 腮进突額間筋脈悉價起露齒作噤齡狀厲聲 典當然必有應得之罪顧論其心迹似 后意尙閒暇因乘間奏言徐用儀許景澄 予狃於此 知說 伯們 上默 居然結着一 碰 些什麼哄着皇帝至賺得皇帝下位牵着許景澄 無頭狀子已有幾分告准也 事膽力稍強以 無一 宮 一大釘子一日入見奏對事畢 廷襄的事外間 語子祇得叩 **國放聲縱哭你想還** 爲幸有進言機會凡理所應言者均當言之但 那 頭謂臣實不明 裏 知道你當日尚是外官自然益發不明白了 在 未盡突見太后臉色一沉目光直注 太后 袁昶三臣皆忠實爲國當時身罹 有 可原據臣所聞外間輿論 白當日情形太后復靈語曰這 一毫體統麼你且問皇帝是否 一尚未說着話 日吳永連你也這樣說耶子 與皇上同坐倚窗远上予見 衣袖叫許景澄你 他數 人 頭皆 叨 叨 切 在 切

庝

卷 四

後有耆舊某 李丽公當時威權蓋世一見太后皆不免震情失次所傳固當不虚也 絕大幸事然予真已汗流浹背矣不意太后盛怒時威棱乃至如此昔人謂曾 予見太后意解始逡巡起立莽遇此劈天雷電忽而雲消雨雾依然無迹可 有數人發言 得不為背城借 取其心術可恃耳聯學士元繼續發言其詞頗熟謂如與各國宣戰恐將來洋 國 名益乘間極力蟲煽且哄且激太后遂亦主張開戰因此乃宣叫大起故太后 到場蒞座時開首即言現在洋人已决計與我宣戰明知衆寡不敵但戰 己分頭調兵來華决定攻打北京與中國宣戰云云榮素持重此 旗員 羅某常奔走榮文忠門下一 不戰亦亡同一滅亡若不戰而亡未免太對不起列祖列宗故無論 (似是長瑞 不甚清 公為述當時真狀謂此番 一之圖今當宣告大衆諸臣有何意見不妨陳奏云云當時 晰朱古薇 即從旁攙言日拳民法 閣學祖謀曾出 日不知從 叫起情形實誤於上下隔膜 何處捕得風影急投榮處 術可恃不可恃臣不敢議臣 班陳奏謂拳民法術恐不可恃 公報謂 次竟 先是有 如 為所 出

傷害使 與否你 景澄 的是什 次與文章 許奏語 為各國業經决定宣戰故開 其致怒之 二公公 習洋務特欲倚以為 不格外審慎等語皇上固知萬不能戰而却於端莊 實兩公之 德宗乃始 你 本極 麼話 有 肅 臣 是 須 中 毁滅使館則情節 死即 釋手故上 何等密語 相 明 出 白 可以揣想殆以疑 過 太后 近亦從旁矢 由 告我許奏言 外 至 正太后似亦未甚注聽第見皇 於此 洋的又在 意 雞 一論 重聞許言深中其意因持其手而泣文肅 刺 正 云云證 一含憤 激 不留 中有語 皇 口 總 太后 此 陳奏一時忠義奮發不 異常重大即國際交涉上亦罕有此 上 開教堂傷害教 正 會議 心而 不覺 理 於 多離間 以太后所言謂皇 色變即 衙 此 以謀 生誤聽也究其癥結蓋 門 時 大 觸其怒即注 之詞當時頗疑 辦事多年外間情勢你通 皇 上 應戰之方略是戰與 有御前大臣大聲叱 望 士的 見許 上 一帝當日曾叫許景澄 與 交涉向來都有辦 免同有激昂悲戚之態度 之相持三人 目 不敢 文 (肅迎 火此論出: 厲聲曰這算 逕宣己意以 一太后已入榮言 下 之日 於端 亦泣袁忠節 座 團 知 執 種成案 聚共泣 道這能 其手 什 剛 過 文肅 救 的 麽 班

須將洋人並無宣戰事實委曲開釋未嘗不可消解乃彼此均走入盆道中 為政府已得有宣戰實據因之彼此陳奏針鋒均不相對以至愈激愈偏後來 議之餘地而 方始大家愕異蓋榮相上此密摺外間固絕無人知道也若當時明白內容祇 **退班出宫彼此互訊此項消息茫然不知何來軍機旣未呈報總署亦無照** 廷臣中多半不知就裏或以為尚是片面商議和戰問題或則

當知之爽秋何不達也忠節固亦負氣磊落男子然文肅益曠達矣 最近見雜誌中載某君談話二則亦是當時事實謂得之於李公端棻所親 李公又言立忠貞公山之入獄後於袁許兩公一日當初至請室時 年終須有一死死本不足惜所不解者吾輩究何以致死耳文蕭笑曰死後自 公入獄即指定分繋南北所當在獄中分道時袁忠節執文肅之手曰人生百 蓋李公在戊戌政變以贊成新政入獄庚子拳亂時尚未出獄也公言許袁兩

東二 西行 記 談 李四

獨侃侃 辱國 先派大員宣朝廷德意不喻然後圖之則我為有詞太后遽日然則即命汝 紜久不决太后日此國家大事當問皇帝今上自退政以後恆恭默不語此 舒和鎮靜以全大臣之體立公因言昨日在御前會議將大學攻使館衆論 烈然則 大悔當時 予對日受國厚恩不敢辭惟臣向不習洋務請命徐用儀 有大臣身分因立為旗人知者較少故雖同 逮予至此予雖不肯已忝為朝廷極品大員乃一時昏瞀致屈膝於亂民虧 搜索不得其迹則擁予至壇前焚表表升無以罪我方擾攘間乃有類疑騎 覆命就民己蟻聚予宅中設壇門外謂予室中有地道潜通 及此國之福也端邸即怒斥之日王文韶此時尚為此誤國之言耶予繼言宜 死不蔽辜以此悔恨非畏死也逾二日大差下獄卒掖之去予不覺頓 以予粗 而談力言其不可謂斷無同時與各國開衅理王夔相當稽首日聖 不應投劑甦之反累其多受一次苦痛云云由此言之立公殊鼎 知醫術囑為診視子乃以峻劑 次痛苦而 The state of the state of 留此 數語大節皎然使天下後世 一死難而遠不若許袁二公之 甦之因訊其獲罪之由且勸 同往太后允之未 西什庫教堂大 慮

太后 這時我一 他們的裝束短衣窄袖腰裏束上紅布其勢洶洶呼呼跳跳好像狂醉一般全 的我瞧着不像個事心下早明白他們是不中用靠不住的但那時他們勢頭 忠勇怎樣的有紀律有法術描形畫態千真萬確教人 共鑒其心迹泰山鴻毛聲價頓别則李公一刀圭之力固違勝於千金肘後也 也大了人數也多了宮內宮外紛紛擾擾滿眼看去都是 此更不敢輕說剿辦後來接著攻打使館攻打教堂甚至燒了正陽門殺的搶 外人心怎樣的一夥兒向著他們又說滿漢各軍都已與他們打通一氯了因 改了平日間的樣子載瀅有一次居然同我抬槓險些兒把御案都掀翻過 連着護衞 布進的進出的出也認不定誰是匪誰不是匪 面稍稍的遷就他們穩住了衆心一方又大段 日且為予縷述出宮情事謂當亂起時人人 個人已作不得十分主意所以鬧到如此田地我若不是多方委曲 的兵士却真正 那 時 紙老虎穿破 同他們混在一起了就是載瀾等一班人 THE PARTY OF THE P 了更不 知道開 一些也沒有考究這時太監 的制住他們使他們對着我 出什麼 、都說拳匪是義民怎樣的 不能不信後來又說 大亂子逗皇帝都 一起兒頭上包著 THE PERSON NAMED IN COLUMN TWO IS NOT THE OWNER. 也都學 們

英子西狩遊談 卷四

女 聽着眇一聲一 纔駭異纔要向外邊查問一 又言洋兵已 字來也是命數這何須怕得如若胡亂枉屈人 止他們又 驗他們說 進了城老佛爺還 他們心中明 很 鬧還講什 下徒弟們 (言次即效貓叫聲) 大的危險他們 了不得的惶恐哭哭啼啼求我作主我也不犯向拳匪去講人情我想 不對萬一阻止不了那更不得不 如 進了城宮裏完全沒有知道只聽着槍彈飛過這聲音全像貓 麼 係二毛子只須當額上拍了一下便有十字紋發現這些宮監 冤殺無辜不成後來出去查驗也是模糊了事並沒有查出什麼 個槍彈從窗格子飛進來那彈子落地跳滾子細認着明白 F 白得了面子也就算大家對付過去還了我的面子你想這 下規矩麼 不快走我纔慌忙起身急問皇帝何在說在某殿上行禮 一會子甚至說宮裏也有二毛子須要查驗我問怎樣 眇我正疑心那裏有許多的貓兒那時正 剛 眼瞧見載瀾跪在簾子外顫着聲氣奏道洋兵已 剛碰着祭祀皇帝 下臺我教他儘管出去果然拍出 那神佛也有公道難道就聽憑 正 在 那 裹拈香聽着 叫喚急忙 阻

來我是十分心受的所以我要你隨扈在一起這會子也總算是患難的相與有個預備灣算脫了苦境難得你如此忠心而且急忙之中還虧你趕辦得出 洋兵追趕不便屯留便一氣直前上道晝夜之行頭一日頓宿貫市多方設法 好容易纔覓到幾乘馱轎由貫市趕到盆道都宿在破店中要求一碗粗米飯 叫向前快走他們都是沿途找僱到了德勝門外大夥兒纔到稍稍聚集又怕 纔瞧着一乘騾車問了騾夫知道是載瀾的車子我就帶着皇帝急急上車趕 物事都已顧不得攜帶單單走了一個光身一路踉蹌步行一直到了後門外 了長袍我也改換 好走出去纔千手百脚的把朝珠纓帽一起兒胡亂拋棄一面扯卸了外褂換 走避再作計較皇帝更着了慌倉猝就要跟着我跑我道你瞧這樣服色那裏 一杯菜荳湯總不得找處比較逃荒的老百姓更為苦惱一直到了懷來虧你 來頭上還戴着紅纓帽子身上穿的是補服我道洋兵已到咱們祇得 剛毅已先在途次病故趙舒翹亦賜自盡太后言及二人似尚有餘怒謂 了下人的裝束僧娘兒兩個就此一同出走那時一切衣服 er alle besonigenes i serve follos e se differentificación de la company

CONTRACTOR OF THE CONTRACTOR OF THE SECOND SECOND

張不定特派他們兩人前往涿州去看驗後來同京覆命我問他義和團是否 這都是剛殺趙舒翹誤國實在死有餘辜當時拳匪初起議論紛紜我為是主 呢. 他又都是一起兒敦迫着我要與洋人拚命的敎我一個人如何拿得定主意 來究竟可靠不可靠彼等還是照前式樣重述一遍到底沒有一個正經主意 撫弄的叨叨絮絮說了一大篇我道這都不相干我但問你這些拳民據你看 **同覆你想他們兩人都是國家倚傍的大臣辦事如此糊塗餘外的王公大臣** 可靠他只裝出拳匪樣子道是兩眼如何直視的面目如何發赤的手足如何 A THE COLUMN TO THE RESERVE THE PROPERTY OF TH

們始終總沒有叫他們十分儘意的胡鬧火氣一過我也就同轉頭來處處都的中間一段時期因洋人欺負得太很了也不免有些動氣但雖是沒攔阻他稍停又續言日依我想起來還算是有主意的我本來是執定不同洋人破臉 留着餘地我若是真正由他們儘意的鬧難道一個使館有打不下來的道理 對不起人民滿腔心事更向何處訴說 不過我總是當家負責的人現在鬧到如此總是我的錯頭上對不起祖

庚

子

西

狩

一〇六

學問淹通持躬康正此兒戲鬼混之義和團能否成事明白易曉决不至於 能鑒别第以 其全責太后謂其死有餘辜確係情真罪當剛之為人愚陋而剛愎或真信 拳匪之事當剛趙查驗時是一 能謂之盡誣如實在與端剛傾倒一向井力不顧攻破一使館自在可能之列 盡過衆狂此絕不易得之事即自請尚有主意未嘗放手云云事實具在 迷如醉中間架謹呼盲進意異勃勃他畢竟是個女流易於迷信平日為洋 。如果是是一个的人,我们是这种是他的特别的,我们就是是一个的人,我们是是一个的人,我们也是一个的人,我们也是一个的人,我们也是一个的人,我们也是一个人,也是一个 匪之可恃亦未可定趙則超家科等数歷京外開藩陳臬並皆卓有政聲而 交涉受了多少委出難得有此神人協助之機會欲其憑一人判斷獨排羣 太后此番話頭雖屬事後之談但詳細體會亦是實在情節試想彼深居宮間 不過總有一段時期已經中了魔毒若謂始終明白殆亦未必然耳 蟻附ৌ夢已成雖禁遏亦已不及後來讓成如此大禍剛趙二人實不能不 奏使太后得有明白證據認定主張一紙嚴詔立時可以消**弭過此以後**烏 一向與外間情勢不相接觸一旦遭此鉅變前後左右手足耳目都是一樣 却 於剛勢不敢立異遂至與之財海身陷大戮而 禍福轉捩關鍵如此時能將真情實狀剴切 CHARLES TO THE CONTRACT OF THE 死負惡名未免 狂

榮相 上論 得之當 軍 團差使並 閱 詞 機 色 剛 聞某公言 再 中所言 中祇 太后 實未 頗 舉李文忠亦 三似 巴 少此 時 不懌先 京 坐 均 後 往 事實並非泛泛準此而論 悉報告 礙 亦 無其名趙益 足 以 己 於端 趙 均 及 時 趙 摺 證 畢 盡 獨 力 之手續 有剛 明其始 言拳民 竞 情 趙 再 剛 挈 事則尤不覺為 躊 草 傾 之 見 何 自引 僚 率 趙 吐 太 躇 君 應說 后 四字且 友曾有以 乃瀛 終未言拳 袒 不 又 為 敢 匪之電奏空言 夙 覆 盡說 命亦 幸謂從此 因 可 同 末 有 恃 剛 行 扼腕 匪 則趙 撫 大 經 謂 何 查 援 何 字松 引相 可靠 義 辦 必 因 擂 拳 於 自 為 相 可 責者趙 無據 處親 生本 當拳 参稽 以 問 太着痕 拳 據實奏陳 趙 匪 亦 匪 庶幾 脫 擬 並 無法 密致 無庇 離 刑部 互考 就 匪 未 出 迹 關 在 미 後 告 係 쏨 辨白卒陷 縱 摺 老 情 有 而 不 涿 阿護 人謂 州 來 彼 如 節 之 無罪矣後 司 言 云云某公所言 中 詞 時 員 昭 面 之 等 /殊幹 外 幸不 太后 陳 頗 事最 基剴切 語即 貴 為妥乃先 后 祇 辱 來點派 已受 因當 命 練 不 命 測 均 據 剛 委 魔 我 趙 卓 以 時 太 賜 係 赴 熱 對 剛

雲中耶所以同抱千古蘭 則 彼之失足 口吾尤 不在於查驗拳匪之役而在於受剛援引之時因失其親 願為死者一洗之也 脩之恨也悲夫顧就此案而論終不能不謂之**冤**青

出外人要迫並非太后之本心受誅以後則言者事事皆藉以諉罪不免別 剛已先故竟逭誅夷即謂 投阱之語故此時太后亦深憾之一 剛趙之處分凡見過四次上論第一次革職留任第二次交部嚴議第三 候第四 次斬立決改賜自盡足見前時太后尚有囘護之意其終受大辟 剛趙同罪剛罪總俘於趙乃剛免而趙不免此真所 朝失足則衆惡皆歸此亦古今之常態惟

謂有幸有不幸者耶

辛丑五月十五日予奉旨簡放廣東雷瓊道遺缺予與徐孫兩公均以密保同 以燒酒而 在客堂不耐久候再四逼促詞氣極凌厲家人不得已乃以縣紙遍糊 賜自盡時派岑春煊前往監視趙體質素強扼吭仰藥百計竟不得死而 悶煞 之屢絕屢蘇反覆數次而後畢命慘矣然岑亦忍矣哉 七竅

而子纔及十

日即蒙簡放當時慕韓總揆且向予欣賀不置謂君今乃

庚子西符叢談 卷四

今兩公皆已登峰造極名播中外而予則依然故我碌碌無成同首雲泥空增 先着祖鞭令人有景倩登仙之羡吾等尚不知挨磨幾許時日方有此 希望也

非但 就範並 無 事宮門費用予均為按資勻配彼時諸宮監初出都門所望不奢亦尚能帖然 地方官辦事苦况事事均為之道地不令宮監等有非分需索及欺凌逼勒 次頗十分為難先是由懷來至太原沿途宮門事務均由予一手承應予深 從前滕在鼓子裏都被你刻薄 到 奉簡後復傳旨緩赴新任命督辦同鑾前站事宜仍照舊承應宮門事務子 百的作成咱們爺兒吃 因欲見好於各宮監乃悉力反予所為凡各省進奉官吏皆為之敲 惆悵而 州縣亦首先講論宮門費多者或逾萬金少亦七八千金至零星費用 定幾於遇事需費各宮監無不歡喜踴躍人人餐飲因而追怨前事謂予 不為幫忙且有意裁抑之以此均德举而恨予竟有當面詰責者謂偺 已 無誹怨自予由太原奉差出發後宮門之事即 了個飽肚横豎使的别人家的錢他們來路是容易的 死還虧着岑三講交道幫個忙兒動是整千整 由岑雲階接替照管 索使費每 此 知 們 彼

庾

以後之扶搖直上其根惡實始於此 之聽受範圍幸而上邊通氣尚不敢公然作難然實在是予愚笨而岑聰明岑 安謝賞這 也落得大 夥兒 不是活活被你捉弄麽蓋彼等已經吃過一番大甜頭全不似前 做 個 人情偏是你拈斤播兩的巴 巴幾兩銀子還要 叫 我們 此

河 赴 隨尾 予前此以匆促赴召家眷尚留鄂中即 方牽注之勞於計亦得是時京外大臣 在 固 切旋聞同鑾期 意尚 京何妨將眷屬迎至秦中將來即 而 一行以便親自照料眷口結束家務奉允後即日就道抵鄂垣 必經之地 屬家眷隨後首途預備於河南途次相待蓋大駕已定從旱道入都 躊 躇 不 日已定家眷前赴秦中未免多此跋涉因仍隻身先自趨 郭允予因 也 一啓鑾之 期 寄居於岳 及京都士紳均陸續奏請 尚未宣 可一路 一布為 家近見榮相謂上意欲令予 同 行云云子念 日必不在近因 如此 囘 鑾章已 乘間 匆 可省兩 奴部

月十八日子始 監李蓮英傳旨賞銀 由 湖 北 遣 抵 西安行在 四 百 即 日往謁軍 内大缎二疋 機各堂憲並詣宮門 到即有恩賜

庚子 西 狩 叢 談 卷四

先是五 睠懷宗社時切疚 有謂將久居西安者有謂將遷都蜀中者復因水陸問題斟酌不定益效延 擇於七月十九日由河南直隸一帶同京着各衙門先期敬謹預備等語 現在天氣炎熱聖母年高理宜衞攝起居以昭頤養自應 初 隻且有數處河道須經修波方可通 南方並有請駕出 旣宣布於是中外人心一時大定緣行期久久未定衆情惶惑不免妄生疑 任親貴大臣亦不多見在予得之真可謂異數 行期路 有主張由河 月二十一日曾降發 線一 起決定 ,南襄陽至 上海逕從海道 心今和局已定昨論令內務府大臣掃 中外乃始釋然矣 漢 上論 口 改由京漢路入京謂沿途供億可省若干百萬 入都之議嗣經通盤籌度謂水道須另造輪 一道略謂朕侍皇太后暫住 行御舫費更不貲乃决計取道陸路至 也 除宮闕 俟節後稍 翻 即 中眴將經歲 凉啓 日 同變惟

亡何而陝撫升允奏謂天時炎熱道路泥濘汴無松專奏謂積雨連旬 月二十四 日囘變於時輿論大譁均謂兩宮實無囘鑾之意兩撫之奏均

寒為詞改至明春逐節延改終於無期而後已或言太后懼同京後受各國要 擬定將改為九月三日第四期必以太后壽辰為詞改十月底第五期必以天 索抵罪故不許皇上同京或謂李蓮英恐以太后失勢而失權故力慫太后不 安政府授意即二十四之期亦決不可信屆時必須再改並有言第三期已

蹕路經過地方錢糧懿旨係賞給陝西人民內帑十萬兩蓋藉此以堅各國之 固已預備啓行並無游移之意兩撫改期之奏實因預備不及冲毀行宮蹕路 信其實太后前此稍有戒心暫持觀望之態度或所不免至於此次定期以後 再向當局詰問於是政府更下論旨懿旨各一道論旨係豁免陝 宜囘京等語紛紛擾擾中外報紙批評議論無虛日各國使臣亦頗爲所動 西河南 直隸

甘實在之事也

官場全班更動賀任道喜猫街車馬紛馳鬧得烟昏塵起頭目皆為之暈兼之 署理按察司西安府胡延升署糧道候補府傅士煒署西安府此數日中西安 西 同時並特派陜撫升允為前路糧台升撫因啓鑾在即奏請交卸撫篆奉旨陝 巡撫着李紹芬暫行護理同時並委臬司樊增祥署理布政司道員吳樹茶

庚子西狩造談 卷四

行期已 蹕以 槓憧擾不可名狀予以奉有前命不能不勉盡職務而甫到行在相去僅六日 子然一身事繁期促如何措手不得已自行出資募僱健役二十餘名另實馬 一十匹隨行即趕赴前途先行布置一切略有端緒仍趕同西安省城伺候啓 便隨駕同行幸經過一次辦理稍習又執事官監諸多稔識故應付尚為 迫宮府內外皆預備結束登程各京官亦悉備行事包裹捆紮大車

半大概布置皆已楚楚就緒矣 路糧台核准定章皇差官車二千餘輛驢馬應給草料行路日給一 至関郷派 一十三日軍機大臣論本日各章京辦事畢一班章京即着先行啓程自京 頭班章京沿途辦事自閱鄉至開封派二班章京沿途辦事並奉前 兩駐蹕

順手耳

八月二十四日辰刻兩宮聖駕自西安行宮啓蹕閣城文武官吏均先於宮門 公大臣或車或馬又次之俄聞靜鞭三響即有黃轎數乘自行宮出士民皆伏 外齊集伺候升輿行李車先發辰初三刻前導馬隊出城太監次之各親貴王 地屏息皇上皇太后先後乘黃轎出宫皇后隨後向有扈駕諸王大臣又在其

四

後最後 大 阿哥街 尾 重卓無數均 係各衙門檔案曲折 穿行大街 中辰

盡始 黄緞萬民繖 可省三分之 南田河 門 九 沿 一謂 柄出城後 途市肆各設香花 體制 仍 關 繞赴東關詣 係 燈 一級長安父 取 南 八 仙 (老均) 氣 庵 嚮 拈 於南 香 進 磨本 門外祇 來 所 直 候 跪 出 東 送

恭 出 南門先 期 奉升無傳論州縣都守以 均 在 灞 橋 恭送佐雜千 治之義 把 在十里舖

線

因

E

方

旺

明

而

以

輦

路

門

柳自昔為往來的不相同予在宮田 送井派 濟異常 熱 員 來迎送 鬧 於各該處 門送駕後即 沿途千官車馬 心點驗查 '地然千年以來當無有今日之 乘馬 萬 取職 順御 乘旌 名 旗 如 路出南 氣象極 有托 故 門行二 為嚴 不 到 十里至 7者停 蕭 熱鬧者又二 較來時光 委二 一漸橋 年所 一十里 景當 尖 풹 以 冠 駐 然 裳

臨 潼 縣 驪 山 一行宮

臨 潼 此 飽 令 五 食 夏 日 大 夏 由 他 驪 絕 山 坦 且 行 無 無 預 宫 |啓鑾至 備 年子在懷 烟 火夜 乃避 間 匿 臨 示出 來 殿 口 鎮 上竟 時拳匪 王 駐 蹕. 公 不 圍城 具 自 大 燈 臣 驪 潰兵 多至 燭 山 <u>}</u> 至 賞 枵 四 此 四十里 內 腹 監 正 內 性 膳 銀 命呼 及 均 百 大 臨 吸 兩 .他 潼 令 縣 坦

庚子西狩叢談 卷四

常慘惧但

中途

二十七日午刻自渭南

啓

鑾申

正

至華州駐蹕行宫即在州署昨夜榮

相

國

少華

病故各官爭往慰信榮相年幾七旬祇此一子甚為聰慧因之

不便停頓乃特留胡所孫觀察在此為之料理後事暮年遭

旨夏 此 糧店住宿行宮即在縣署頗宏整較臨潼殆天淵矣 店屬渭 以 以諸事 而兩 前路糧 一十六日在渭南候駕申刻駕到渭南行宮駐蹕離西安已一百八十里督辦 亦更 得津潤 良才加恩改為交部議處其自請議處之處從寬免議蓋兩宮以大駕方 宗 欲 有款 南縣略事部署復前行三十五里至渭南縣已傍晚 歷 台升允奏參臨 不備該令籍 既貪而 患難心氣和平所以務從寬大也予恐前站有誤即馳 以供應 可領 駕至予尚能勉力供應 庸欲牟利 何以草 之故 隸 潼 湖 率至此 重罪 縣知縣夏良才辦事不當貽誤要差並自請議處 北為陝藩李公之同鄉臨時委署此缺本 而 有司 無其才故至於 聞夏令實已領款二萬七千金掯 致沿途官吏多增疑懼 不至匱乏此 如 此荒謬然兩宮竟 次則半年以前已有行知 即就 用意固 西城 十五 甚深厚也 未 期 不肯發 有真責 外覓 里過 藉 皇 升

不幸意緒固難堪也

二十八日辰刻自華州啓鎏行四十里至華陰縣駐蹕行宮亦就縣署改設鋪

陳構置頗皆妥貼 二十九日兩宮詣華山麓玉泉院拈香是日雨道路泥濘予先至院候駕該院 如式.

益急從官率通身沾濕躑躅泥浑中致游與為之消阻聞由此上山頂尚有四 背山面河有山蓀亭無憂亭諸勝林泉掩映古木陰森頗爲欣賞不置有頃駕 臨王公百官多半隨從宮眷亦有隨至者一時擁擠或至不得入門內 十里仙人掌蓮花玉女諸峰多在高處惜匆匆不得一覽申刻駕旋仍駐蹕 而雨

陰縣

九月初 笑之近年京朝士夫多主張遷陝之說引經據史言之侃侃自西幸以後 行宮即在道署頗有園林之勝初二日陰雨 日傳旨明日已正啓鑾子於宮門見榮相神色頗慘淡有河南四品卿街道 上封奏請遷都洛陽聞其人頗深喜自負以此為三時大計聞者皆目 一日自華陰縣行宮啓鑾行五里至華陰廟尖又三十里至潼關駐蹕 初三日晴初四日風均駐潼 關

庚二百件叢談 卷四

現在 時 前 是日 途 閱 初 滯真太不成 · 餘均着分起先行以免擁擠云云一 扈王公百官車輛尚多一 大 以 親 僕僕長 散落 起 來沿途車騎諸形 在 五 臣認真彈壓並着松壽夏 居 縣 日 臨 將 奉 其 自潼 境 潼 地皆 上論 交関鄉令 入豫境着松壽認真查禁 間 道 閿 夏 無法握管 鄕 令 為 闗 前 體統有此一論或可稍資整 啞然自失不敢復持前議書生目論大都如 曾以 好事者所 令鄧華林 啓鑾至関 因有冒充王 由 先日預備 四 擁擠甚至 至 百里排單遞送蓋前 來此 得居然裝潢什襲今歲乃有友人持此屬予自加 鄕 經 此始獲作 毓 縣 入豫道途更隘除有緊要差使者准帶行李外 公僕從於各州 一乘輿已 供應均 迎駕子作 駐蹕予於早飧 秀周萬順各 如有此等情 路車輛彼此爭先因致壅塞不行欲遠反 被 函 到尚 鲂 旅食為 塞 派 責 此 稟 復 也 縣供給恃強攫食曾 事着 兵勇分起押送不准 最 在 函 後. 填 寒殊 鄂 上 前 詞故有是 可異者此 張 時 驅行二十里至閿第鎮 即嚴拿懲辦勿稍 香濤 制 不足 此吕亦同 軍 制 曾以 命也 以昭 函 竟 軍雜 又奉論 鄭 重出 此 經降旨嚴禁 受此 事 遲 敍兩 重 着 相 不 滯 徇 啓 何 前

跋 で重覧ー 過墨瀋 如新轉不勝今昔滄桑之感矣

理確院照例議 昨日喀爾喀親王那彥圖之親隨在潼關捲取鋪墊等物委員候補巡檢李 向前阻止該親隨竟縛而撻之於市經升中丞據實奏參奉旨那彦圖着交 處其滋事親隨着升允嚴訊懲辦此事頗快人意吉帥之風骨

凜然不避親貴殊可敬也

僅容一車行如兩車相值一車必預於空處藏避俟對行車過方始就道沿 本年萬壽停止筵宴連日皆行夾溝中懸尾絕嶂間羊腸一線逶迤屈曲其 車輛皆須互相呼應近經特別平治開拓兩車亦可並軌而隨扈諸人咸喜疾 初六日辰刻自閱鄉啓鑾申刻至靈寶縣駐蹕奉旨明日駐蹕一日是日奉論 爭先乃至數十百輛銜尾接軸莫能進退昨日雖有嚴論一時尚 不能生十 間

分效力也 鴻章暫行兼管並奉懿旨着李相就近在保定迎鑾毋庸遠赴 初七日仍駐靈寶聞大差頭站太監百餘人已由河南入直隸境住宿磁 王將到開 封迎鑾當以本月二十日出都奉旨所遺總理外務部要差着由李 州.

庚 子 西 狩 叢 誸 卷四

自南 升贛臬而以瑞 着刑部員外郎瑞澂補授蓋前日有旨以贛集柯逢時 是數千年物署榜 署署宁亦小 初 ·履霜堅冰可懼也 定兩宮安返故都宛然有日月重光河山再造之氣象而亡 門 日 ·晴辰 駐 有園 蹕 刻 負 補其遺缺 河 林而 陜 日召伯甘棠殆屬後人 靈 汝道署署有圍 寶縣啓鑾自此 荒 也瑞為斷送清社之罪魁至 廢殊甚大堂 圃 入 河南境行六十 下有老樹 頗 附 具他臺亭樹之 會也是日奉旨江 株大可數抱古 一此忽露 里 升任湘藩廣饒道明徵 勝 申刻抵 余與 國 頭角此時大 西廣饒 根芽已 夢丹同寓 河 1幹槎枒 南 九南道 陝 植 局 似 州

困 初 百官 頓至有在 十日自陝 多 不得棲宿處 州啓鑾出東門行五十里至 車 中過夜者凍餒交迫窘况殊不可堪 皆驅 車向前攤 行 一陝州 而 晚 屬之 間 雨 勢復 也. 張茅鎮駐蹕 大集泥 此 中 顛播 間 地 具常 極

此

九日仍駐陝

州.

余寬宿不得乃冒雨前行至英豪鎮住宿此處已入澠池縣境 日已刻自張茅鎮啓鑾行 四十五里至陝州屬之觀音堂駐蹕 矣 地勢益

之石壕村蒿 十九皆震輟脫幅 **澠池候駕是處** 年雨次興工剷. 日大駕仍駐蹕觀音堂予先由英豪鎮冒 目時 當 · 艱倦懷身世與杜陵當日境地頗復 削另關新路無如 須待修輯故大駕不能不因之遲滯也英豪鎮即杜詩 崤山分支沿途皆頑石橫 大車所載過 梗極 雨 /重砰訇 礙車道清道光 行二十五 相類益不勝芒鞋露肘 磅 磕不久即成磊 里至 十四年光 湎 池 縣 所 卽

之感矣 十三日由觀音堂啓鑾申刻至 澠池縣駐蹕.

時知予眷屬寓許 日陰雨 十四日有澠 亦嘗此等苦况行路 拟去銀洋 恐有性 泥 **海數尺車行拳确騾馬負** 首 命之憂惟眷 他縣啓鑾過石河鎮義昌驛至鐵門鎮 飾 無數井用洋 州北關旅 之難 口尚爲平安云云聞之駭絕許州爲豫省南 店. 可為数 槍擊 心初六夜 息是 傷 重不勝倒斃途次者所 親 半 兵家 日有 有 盗 | 夥二 摺 丁各一人親兵身受 (弁自 \equiv 駐蹕 湘 已 中來據云 明火執 在皆是隨尾 入新安縣境矣連 仗毁 七 道 路 槍 過 傷 許 大 州

並

非解

加逼近

州

城

列肆林立儼然開市乃盗夥竟敢公行肆

庚子 西特 叢談 卷四

空床竟 磁澗鎮知兩宮於明日當在此 隔僅憑摺弁口 五日午刻自鐵 至不能成寐 不 可解少年婦女無端受此驚悸其何以堪予以隨從屬車孤身 語又不能詳及底蘊五中焦灼不可言狀當發 門鎮啓鑾酉刻始抵新安縣駐蹕 處中伙十五里至谷水鎮 予與夢丹先行三十里 已入洛陽縣 一電問 境 訊 輾轉 違

皆心鄙之松 此 感想啓鑾前迭論 日在李室 將順之義矣 勢宏麗陳設皆備 仍就地羅 滿 五里至河南 此次 程最為暢適沿途烽候 掘 開向 手持水菸袋當戶 撫每告所屬謂我們 以供所需故 文悌先為御史戊戌政變極力迎合奏參新政人 豫省請領八萬金預備在洛供應延方伯給 府於南門外逆 沿途供應不得逾 極精好謂文守惨淡 一切部署無不力從豐膽又 , 而立 堆房皆一律新修 旅住宿是日 與出 河南現在已出了 侈以節民 經營已 入官員招呼 風 力而)焕然耀目次日 日清 逾數月殊 美道路 、點首以示得意豫中同 文守仍復鋪張 一個紅員蓋即指文 以重路深結李蓮英終 不免有人勞鬼勞 坦平, 以三萬快 物頗為輿論 往 曕 旬 加 行宮則局 日以來惟 決 此殊失 而 所

覷將 臨潼 此矣申刻駕 之草 來之名用 率. 此間之繁靡 入洛城駐蹕河帥銀良前鄂撫于蔭霖副憲張仁黼前京尹顧 意不同出手因而各異但論損 可謂過 猶不及蓋兩 上損下之區 人各有目的 别則猶覺彼善 一圖現在之 於

窗外有極 臨時拓地改造故皇上寢宮甚為逼窄大阿哥住處尤窄太后寢宮獨宏敞後 宫擬請皇太后皇上同居 十里自八月二 陝 來此迎駕 也行宮工程 西 西安府咸寧縣京兆縣至河南省河南 大地坑上安木門可以燃炭從地道通 十四 原估二千四百串現用至三萬餘兩云 日 至九月十六日途次共歷二 一處適侍郎桂春在汴力言無此體制諸多不 府洛陽縣周南驛計程七百 入室內蓋 十二天先是此 預備在此過 地 預 冬取 便 備

十七日仍駐 郎 自 西席朝夕 大梁來 電 知眷 相 蹕 過 屬 訪久談昔年予從張 河 見亂雜之後舊 尚無恙親 南府奉旨須留駐五 兵傷 雨 重 亦漸愈為 逢翦燭清宵愈深情款相與談 天子早間於宮門外見子 之稍 郎 辦 慰狂 理 日本商約農部 伯 棠農部偕桂 次帥. 及侍郎厄 方 在張 月亭 是 日

庚 于 西 狩 叢 該

卷四

之於邑也

至 十八日仍駐 不能盡辨字畫恨 大寺尋碑隋唐石刻所在林列摩挲往復令人目不暇 ·蹕河南府子與黄 不得學李陽冰於碑下作三日寢處 小宋太守璟周左麾太守鉞同乘馬出東 也 給惜日 色向暮 門外.

門伊闕進膳後復幸香山寺王公大臣多半隨從予亦前往侍班因 九日仍駐蹕河南府兩宮於召見軍機辦事後辰刻即出宮謁關帝陵幸龍 歷覧三龕

水中流望對岸香山寺迤邐山半游人旋繞如蟻水上造有浮梁水白波平天 湧珠泉蜜陽洞諸勝蹟房廊戶牖並加丹臒與予夏間經此已煥然改觀矣伊 一如鏡周 廬星 |列兵衞森羅當不減羽獵長揚之盛度橋行里許至香山寺 鄭

九老結社處俯瞰洛水遠眺龍門山半皆北朝造像千龕古佛密如 事屏間刻汪退谷先生書白太傅香山寺記字大幾逾六寸筋

唐時樂

天

蜂

聚寺內

力雄偉天骨開張惜為俗工加飾粉漆失其真趣可歎也未刻駕還仍於宮門 一廳

二十日仍駐蹕河南府召見升允松壽先是自西安啓鑾以秦撫升允為前路

大書深刻蓋 ニナー 中販事藩司自能料理臣 糧台負弩前 日過 目不能答迴旋許久不覺日 碑古篆夾道林立但塵封漫漶不易辨識有住持老僧向之問該寺緣起竟瞠 行登程至洛城 此中伙已預備矣 日二十 驅洎 宋太祖降生處也前行復有佛寺規模極爲宏敞乃入內瞻仰 外見有宋太祖廟頹敗已甚門外有石碑高尋丈夾馬營 二日仍駐蹕 至潼 關豫無松 願從 暮乃籠燭行三十五里至義井鋪住宿聞大駕 河南府二十三日晚 至開封故入豫後輦路事宜皆兩撫 毒越境迎迓上即命升同任辨販 有旨大駕 明日 啓行子乃先 同 升奏謂 任 照

抵 **城長故啓** 十四日早自河南 偃 師縣 運特! 申刻 早也是日召見湖北荆襄鄖道朱其煊 駕至即在縣署行宫 府啓鑾辰刻至義井鋪傳膳予於宮門外侍班後仍先 駐蹕此 地 離 河南府城 七十里 本日 輦道

十五日辰刻自偃 五 里至黑石關大駕即於此處渡洛河已造有浮橋皆用民舟聯屬上覆 |更用土平築宛 師縣啓鑾申刻抵鞏縣駐蹕予於是日早間 如周 行 大道 之 行 宮 即 在 河 畔雨岸綠樹 、陰濃 先出城 行

庚子 西狩 叢 談 卷四

改築戽 陰 國 革者至數十百人 為予述毓賢去年在山 其贈送棉被 里之東寨住宿是處 縣近年頻遭洛水之患橫流冲蕩廬舍一空僅 西 治有譽之惜之為之抱冤者此 道 不類新築 一今年曾起 坡 幅絕好圖 一形勢 省洋人要索賠款多至 頂尖 水 日已刻自鞏縣啓 填 者城 屬 行宮於城 墨硯等物意甚殷 無異而 土墊高七 開 畫又 封汜水 一殃民 中民 今日 似 誤 居 西殺 較 內 十五里 八尺鳩 繁盛 縣 鑾未刻抵 路尤險隘雖因輦路所出已大加平冶然陂陀上下 極 國貽害地 高處六月間 戮洋人 為 已 渥 出河南 一時周敬輿直剌 寥落無屋 乃至鞏縣大駕不久亦至遂在 一千餘萬 則 頃充孟鞏緝 入教民 方區 汜水縣駐蹕予以早間 不 府境 河流暴 可 、教士情狀橫暴凶酷慘 解 교 可住 矣連日亦皆行夾溝中與前 也 小官吏以迎合毓意被罪誅 而 、張仍被 存基 私鹽局偶聞予至 留與共飯子 予乃前 成 死寧足以蔽其辜然此時晉人 然視 业縣署 行出 衝決後 之頗 東 覺堅 先行二十五 在水中央久 門外 宮 秋 乃 無人 過 固 就縣署 阿侍 至離城 崇 墉 班 里至 故 過華 基

菊花 為 予語及至為 旁複道 行在傅相特 自京 水漂 遂在 相 向 受 盛 面 因 心緒 開 沒 宮門 堪 特 開 電奏謂 此 故 囘 庭階 向假 官差 以 别 廊 窗 聞 賴 設 知 之 請 伺 逶 可 此 想 遇 流 書 過 廊 駕 迤 以 間 命 病 以 (庶 盆 就 涕 勢危篤請 曲折皆就 凌 舊僅 消 繞 其還都繼任 院 城 此稍得安置行李現即 空 作 內僅 解 私 謂 屋 , 誼論 公解現即 盎羅 村民 大局 以 四 待旦 望 不 有 速派 久慕 未定 列五 東 焦 數家前任 固 地 然 辨 街餘 勢 瞻嵩 切 大臣接続 萬 公 倘 理和議 色 就 布 不 書院 置結 狀 免 有 錯 則 少西 入蛭宵深 平 適 側 雜 某 不 測這 替以 孫慕 遺 就 惻 也 暷 構 瞰 道 如雲錦殊覺 黄 特 卽 兩宮得奏後甚 址别築行宮 頗 坡 資鎮 韓觀 碧麥 具匠 頂 如 河風景壯闊 於 為 靜 建 溝 國 此 察移 攝蓋 棖 Ž 造 塗 家 重 田 觸 荷 别 彌 行 而 下坡三 中穿鑿山穴剏 宮寢殿 競風 百端竟至 論 規制 望 行 其時慶 更 有 李 中 為 絕 Ÿ. 何 致是日 目為 流 類 十 來就予 亦 厪 邸已 念太后曾 頗宏 五里即 曠 分擔子 楹 野 「得李傅 一縣署 出京 敞時 一憑高 前 同 爽 室 值 於 召 亦 水

巡

駿調

始 陳設並皆雅 少黄花晚節 公之隆勛 平時極力詆毀 想亦費幾許經營也旋得京師來電合肥相國已於今日午刻逝世得此 或細如松子奇形異態五 界宮內亦皆遍藝菊花廊牙牆角 又論直隸 兀 十七日反 番再起全國 知 員乃至宮監 如片石壓入心以中覺眼前百卉立時皆呈慘色聞兩宮並震悼失 、大臣元老為 總督 偉 績 看張 重 素於樸質 刻自汜水縣啓鑾未 之人 衛士 人士皆知扶危 兼北洋大臣着袁 見芬香此亦公之返 自表表 國家安危 至 一無不 此亦 在 之中含有 人 相顧錯愕 色紛錯率皆目 耳目晚年因 不能 之分量 定 傾 世凱署理未到任以前着周馥暫行 不為 遍 刻 想此 地皆 拯 種 照也是日奉諭王文韶着署理全權 行 如梁傾棟折驟失倚恃者至 之扼 渾穆 此大難畢竟非公莫屬漸 抵 時 所未見之物不知從 定 開 中日一 而種類尤 腕公道所 中外朝野必同抱有此種感 封 氣象反覺 府 役未 屬 之滎陽 免為 在殆 多於 別開 不可以 汜水或 生面 輿論 何處 一此等關 如 覺譽多 羅 大 力為 羲 如 致 矢

進濃粥 督勵 意始不能無鬱鬱然有憤慨而無怨誹每**盱衡時事撫膺太息其忠忱悱惧之** 熟當國尤百計輸配之公益不喜接客來者十九報謝 其時公自北洋罷任以總理各國事務大臣久居散地終歲歲居賢良寺翁常 公亦不復相留稍稍看書作信隨 起予等乃復入室稍談數語晚餐已具晚間 勿去時幕中尚 步非嚴寒冰雪不御長衣予即於屋內伺之看其沿 餐點即檢閱 於公之言論風機習之頗稔公每日起居飲食均有常度早間六七鐘起稍 予以後進獲從公阱宇之下晨夕左右幾逾一載承公以通家子弟相待 盅一侍者為之撲捏兩骽良久始徐徐啓目曰請君自便予將就息矣然 十次一家人同門外大聲報日夠矣即牽簾而入與坐皮椅上更進鐵 而訓誨之者無所不至每飯必招予共案隨意談論伺其宴息而後 盌雞汁一盃少停更服鐵 公事或隨意看通鑑數頁臨王聖教一紙午間飯量頗佳飯後 有于公式枚等數人子乃就往坐談約一 即就 水一盅即脫去長袍短衣負手出 寢凡 歷數十百日皆 進食已少飯罷後予即乘間 廊下從彼端至此端往 因 而 二鐘侍者報中堂 門戶亦甚冷落公 一無更變 廊 退

庚子 西狩 叢談 卷四

術能 我辨 預 無餘 遇 功計於預定而 之際 備 苏 過勉強金 進毫不更事亦 貼居然成 負其 小 如歐 為不 篇議論藉此 何 了一輩子的事練兵也海 於言表當自謂予少年科 種修 始 風 動輒得咎當事者本不 尋得 雨 幸自問 責又曰言官制度最足 陽公所言 一飾虚 葺材料何 打成 一淨室 上不行過 條線路稍有幾分希望千 幾個 以出露 亦 有其表 不放究事實得失國家利害但隨 華 未 半生名節被後生輩描 種 窟 明 有 頭 籠 何 改造方式自然真相 知 不揭破猶 出於難 等隕越 角而 為 隨時補葺亦 第壯 敢輕言建樹 紙片糊裱然究竟決 軍也都是紙 言而 國家大事已爲之阻撓 壞事故前 乃無端發生中日 年戎馬中年封 可 敷衍 人不諒此中苦况將向 可支吾對付乃必欲 糊的 但責 畫都盡環境所 明之亡即亡於言官此輩皆少 一時 破 百折甫將集事言者乃認 任所 '老虎 如 露 便尋個 不定 不 疆晚年洋務 間破 交涉至 可收拾 在勢不能安 何嘗能 裏 不少當此 迫 題 面 屋 實在 由被 是 目信 但裱糊匠 爽 無 何處宣說 手扯 生事業掃 何 미 如何 路扶 (坐待 等艱 糊 放 破 手辨 開 匠 河 又 東 卽

卷

害從前 先生現 總趕不 此 向 至 公平素最服膺曾文正公啓口 妄發迨至升任封疆則痛恨言官更甚於人嘗有極力計我之人 高論盛名鼎鼎後來放了外任負到實在事責從前 可冀又曰天 太丈人是我老師你 己辦事亦能起早纔知道受益不盡這都是我老師造 於 實亦無可 我求教者顧台院現在後來者依然踵其故步蓋非此不足以自見制度 則 卯真受不 事不辨 上他 我在 在這 如何 ·了迨日久勉強慣 些大 他大 訌 偏 而後已 要等我 事為 一營中 人先生簡 之事也言至此處以足頓地若猶有餘怒者 之而後難行之而後知從前有許 廷以言路所在又 可惜未曾見着予生也晚呵我老 大臣皆安位取容苟求無 從他 一同上 辦 直都是秕 | 桌我沒法祇得勉 事他 必稱我老師敬 了習以為常也漸覺不甚吃苦所 每天一早起 糠我一 不能 不示 掃而空之又曰 佩 強趕 事國 加 殆如神聖嘗告予文正公 來六點鐘 芒角立時收斂. 納往 就出 起 多言官遇事 家前途寧復 師文正公那真是 胡亂盥洗 就吃早 往 來的又曰在營中 我老師實 半途 以 而俯首 我後 有進步、 朦 飯 彈糾放 一言 中 我 膧 梗 來 前 勢 貪 在 敢 利

到了 即油腔滑 教老師道 誤即貽害大局你與洋人交涉打配作何主意呢我道 要先去拜謁請教的老師見面之後不待開口就先向我問話道少荃你現 是我老師一言指示之力從前我老師從北洋調到南洋我來接替北洋當然 這真被他 倦都是於學問經濟有益實用的話吃一頓飯勝過 時我老師總要等我輩大家同時吃飯飯罷後即圍坐談論證經論史娓 似乎講到洋務老師還不如我內行不知我辨一輩子外交沒有開 五個指頭 主意我想與洋人交涉不管什麼我只同他 **赏講笑話講得大家肚子都笑**疼了個個東歪西倒 腔我不懂得 此地是 作把 調之 擺 你 外交第 旣 布告了又日别人都晓得我前半部的功名事業是老師提 意)老師乃以五指捋鬚良久不語徐徐啓 來此當然必 只管捋鬚穆然端坐若無其事教 如何打法你試打與我聽聽我想不對這話老師 衝要的關鍵我今國勢消弱外人方協以謀我 有主意且先說與我聽我道 打痞子腔 人笑又不敢笑止又不能 的他自家偏一 上 門生只是為 一同課他老人家 (痞子腔蓋皖中 門生也沒 口口 呵痞子 定不以為 些不笑 此特來 有 出亂子 打什 挈 主 的

然急忙改口日門生信口胡說錯了還求老師指教他又捋鬚不已久久始 他相對果然沒有差錯且有很收大效的時候古人謂一言可以終身行真有 這釘子受了這 站得住的脚蹈實地蹉跌亦不至過這想來比痞子腔總靠得住一點我碰 又 理是顛撲不破的我心中頓然有了把握急忙應聲日是是門生準遵奉老 情說理雖不能佔到便宜也或不至過於吃虧無論 言忠信可行於蠻貊這斷不會有錯的我現在旣沒有實在力量儘你如何 訓示辦理後來辦理交涉不論英俄德法我只捧着這個錦囊用一個誠 強造作他是看得明明白白都是不中用的不如老老實實推誠相見與他 目視我曰依我看來還是用一個誠字誠能動物我想洋人亦同此人情聖 理要不是我定 曰我老師的祕傳心法有十八條挺經這真是精通造化守身用世的實訣 一番教訓臉上着實下不去然同心細想我老師的話實在 師的學問經濟如何能如此一語破的呢 如何我的信用身分總是 以

兒子前往市

一條與你聽一家子有老翁請了貴客要留他在家午餐早間

就

上備辯育蔬果品日已過已尚未還家老翁心慌意急親至村

當即俯 此已 肯讓 是挺 貨擔交付於我我 說不過乃挺身就近日來來然則如此辦理待我老頭兒下了水田你老哥 廣貴 物你老哥身子高長些可以不致於沾水因為這個 水田裏稍 7 下水怎麼他下不得呢老貪曰他身子矮小水田裏恐怕擔子浸着濕壞 看望見離家不違兒子挑着英擔在水陸上與一個京貨擔子對着彼此皆一 水田讓 日你這擔內不過是菜蔬果品就是浸濕也還 院就釘住一)止竟不復語予俟之良久不得已始請示第二條公含笑揮手曰這 經中開宗明義的第一條云云予尚傾耳恭聽謂當順序直說 貨萬一着水便是 身解襪 爾 避 擔 不得過老翁趕 步待他過來你老哥也可過去豈不是兩便麼其人 過去當即一 脫 履其人 頂在頭 一文不值這擔子身分不同安能教我讓避老翁見抵 È 見老翁 下田避讓他只挺了一挺一場爭競就此消解這 一請你空身從我兒旁邊盆過再將擔子奉還 上前婉語曰老哥我家中有客侍此 如此作意不過曰旣老丈如此 '意用何在亦殊不甚明白子細 可將就用的我擔中都是 理由所以請你避讓的 費事我就 具餐請 日你教 何 了 如.將 便

辺

三四四

欲凑 以打仗我一逕不去理會專用自己軍隊去打打過幾次他看得有點能力 望意存要茲他看見我們兵士外觀藍縷益從旁目笑道是 得上交字岩自己 弄其實沒有根底現在真實學問已用功不進只好看看通鑑稍知古人 至老不倦我却愧一分傳受不得自悔盛年不學全恃一股虛矯之氣任意胡 沒得意思再三來告奮勇我謂幫我打固是甚好 自己立地譬如處友彼此皆有相當資格我要聯絡他他亦要聯絡我然後 公又言我老師道德功業固不待言即文章學問亦自卓絕 可冀此亦臆度之詞究不知以下十七條尚作何等語法也 事我從前 正足見公之時年進德其虚心篤實為不可及公又言國際上沒有外交全在 之迹與自己 一前來我益發不請教他後來連打勝 初到 在局 生平行事互相印證藉以鏡其得失亦尚覺有點意趣云云於 上海洋兵非常居奇驕倨以為我必定全副仰仗於他俳 外吶喊議論總是 一無地步專欲仰仗他人幫忙即有七口八舌亦復無濟 The state of the state of 無益必須躬自 仗軍聲漸整見我不求他助反 入局 須受我指揮節 挺膺負責乃有成事之 一世然讀書寫 **澤**丐子 制 何 徊

子西符叢談 卷四

庚

罰一從軍令彼亦一一認可然後用之果然如約服從成了大功戈登亦得 倖安能更望有功耶 他佔了多少便宜但當時還可獨當 以能完全收效後來地位雖高却反無一事可以自主內外牽掣無過已算徼 各我若自己軍隊不濟他決不肯出力相幫否亦成喧賓奪主之勢不知要讓 一面自由作主又有我老師主持其間所

中耶示幾以賀英皇加冕出使並順道遊歷各國以公之身分名位此等使差 公又言今人多諱言熱中二字予獨不然即予目前便是非常熱中仕則慕君. 他們或喜歡與我見面談談也是普通所有之事究竟耳聞不如目見我亦藉 數十年不敢謂外人如何仰望但各國朝野也總算知道中國有我這樣一 並不算一同事然公意頗似非常愉快嘗向予等作得意語日我辦外洋交涉 士人以身許國上致下澤事業經濟皆非得君不可予今不得於君安能不熱 是快事啓節時予等有十數人送之出東便門在于家衛午尖離城二十餘里 過國政對手辦事私交上頗相投契的現在多已退老山林乘便相訪一遭亦 此周歷一番看看各國現象可作一重底譜在各國尚有許多老友昔年均柄

營濤駭浪不知何故衆或諛言中堂豐功盛德所以雨 承諸君達道相送厚意殊可威子此次乃與總而行萬里長途七旬老物歸 謂此則不敢但吾當亦不至獲罪於天何以節節與我為難耶頻行復環顧 舉謂吾自少年以至現在凡有出門行動非枉風即暴雨海行則無一次不 飛塵眯目席間盤盂盃盎悉被掩蓋幾無物可以下箸而公高談健食意與 民房外加紮天棚即於棚中設席合尊促坐棚搖搖震撼作聲如欲拔地飛 是日適有大風揚沙撼木卓行極為困頓抵衛時有大宛兩縣在此辦差就 須主持國是重作一番偉業公亦笑而額之話雖沉痛而神氣並不沮喪所以 安处能與諸君重見惟望努力前程各自珍重衆乃謂中堂精神矍鑠將來 師風伯皆來租道公 笑 遇 豪

卒能平安返國重膺柄用式洽當時頌禱也 公平日神態和煦語氣亦甚院墊可親而有時乃極嚴重真有望之儼然即 言厲之致其督直隸時予曾與一卸任知縣同見公問其在縣有何政績其 日卑職識淺才迂以勤補拙不敢遠言政績惟裁革陋規一事差覺為地方除 弊政耳公問何項陋 規何時裁革何以我未見過該縣詳報日某項陋 規海 温

快 通說要納數倍之入而以永達裁革具文詳報者此令旋登白簡聞者莫不稱 揭參不爾貸也其人赧然不能答聞後來委查結果果係於臨去時向 心可謂巧詐此種伎俪豈能向我處嘗試我即日派委查辦如查得情實立 規貪壑已填乃侵攘後任之所得以博倍價而市美名既玷官方亦乖道道。 兩年有餘何以早不裁革乃於臨 之裁革業於日前通詳大憲日內當一 千數百串向 來均無報銷卑職以為例外收入法所不應故決 卸任始行詳報這明明是賣陋規何謂 可上達鈞覽公即怫然變色日爾在任 的納規者 裁

待遇 機鐵馳安車就道方足見老成聲價耳語未及已公即厲聲呵之日止止慰 告歸養望林下俟朝廷 項城來謁予亟避入旁舍項城旋進言中堂再造元勛功高汗馬而現在朝廷 公在直督時深受常熟排擠故怨之頗切而尤不愜於項城在賢良寺時一 乃來為貪叔平作說客邓他汲汲要想得協辦我開了 如此凉薄以首輔空名隨班朝請迹同旅寄殊未免過於不合不如暫時 一旦有事聞鼓鼙而思將帥不能 缺以次 不倚重老臣屆時羽

與 子

西狩

叢

庚

說得天花亂墜要我乞休開缺為叔平作成一個協辦大學士我偏不告 常熟而井及之其一時忿語 他想死我老師的挺經正用得着我是要傳他衣鉢的我決計與他挺着看 受彼輩捉弄耶予見其茲 知之不甚熟日袁世凱爾不知耶這是真小人他巴結翁叔平來為他作說 首謝過諾諾 我也還配說我一息尚存決不無故告退決不奏請開缺臣子對君上寧有 個協辦他即 受獎植此時公在閒 種計較何為 是不干我事他想補我的缺萬萬不能武侯言鞠躬盡瘁死而後已這兩句 候補人員同起進見其時項城已授直集尚未到任專任練兵以監司資格當 如何擺布我當面訓斥他免得再來囉唣我混了數十年何事不曾經驗 次尤使項城 合與不合此等巧語休在我前賣弄我不受問題也項城祇得俯 而退項城出後公即呼予相告日適機袁慰廷來爾識之否予 可安然頂補你告訴他教他休想旁人要是開缺他得了協辨 難受公自出使同 地而常熟方得權用事不免有炎凉去就之世故故因 氣之下至不敢更進一語蓋項城先固出公門下 如此蓋蓄 國後駐節天津尚未覆命予與直省印 之已久非 朝夕間事矣 THE RESIDENCE OF THE PROPERTY OF THE PARTY O 退

庚子西狩遊該 卷四

有意挫 習亦 省僚 首 在 j 槍 尙 碋 折 念 作 钁 圈 班 不 1夫難 敢 聘 之者真 列 自 横 爲 信 情羣 小 可 土 有 謂 孩子 福 何等 寒 立 薑桂 俯 斯 把握 同詞 省 便算是 語 不 性 得什 兵是這樣容易 尙 敢 老 未畢公 相 西式軍隊 卽 而 顧 麼練兵又是訂什 愈 面 視 辣矣 即勃然變色舉所持手杖連 蓋 陳練兵事宜謂現 麼 項 〉練的難: 項城 城 時 已 至 道 麽 隆隆然 面赭 合同 僱幾 不 我治 能 個 漸 語 署粗定 露 兵 同 頭 角 數 班 力 中 頓

公自 游 至 念者此出 此子本當 寶此手 歷 出 其意由 公宴之於節署美總 可予随 使 杖 囘 後即當奉寄致 亦 國 鄭 果 頗有一 一後常自持 民 繹 奉贈惟 傳語 公意子不 段 中少 統 歷史先是 .一手杖 此 便 杖 堂爱 攜 私 杖 副 以 此 項 至 公任 校 刻 卽 任 耶 不 釋或飲 時 接 俟 北洋有美前 子 全 日 而 然此 玩之反 國 囘 委 紳 國 食作字.則置之 商各 曲 後 杖實 將此 預受 總統某 謝 界 可喜總 事 不忍釋 宜 君忘其名 製 座 統 側 來 셇 統 旣 加

厐

諸君 鄓 杖首間 世 據 夫遺囑請命於諸君是否贊 後 似。值 耀 致歡呼拍 喜也 曾以此事告子屬成其意 輕 來 把 問 而 旅 重 目通 公 杖 以 夫 鑲 送 價 立 死 而 遊 體 未 台 甚 格 有 手 中 生恰復易地 喜即 總 論 裝 夫人 便即時轉贈擬徵 國 上當衆宣 巨 統 一美聞某前 卽 至 飾皆極美 鑽大逾拇指旁更以 一少當值 攜 日為 遂當衆以雙手 加 此 此 一告謂 慷 同 公設宴招致紳商 總統已 + 行當 相反難得有 慨 麗 精緻殊 亦 同此 數 輾轉延擱已 此 求諸君 屬 萬 時 杖 故其夫 舉俾得為先夫完此 承諸 難 金其實公當 舉杖奉公公 李 得此 小鑽 不識 先 同意再 此夫 君 生 事)隔多年今幸李先生來此 領袖 是 與 人尚在獨 或其先德 石 環 先 人從中玉成 何 與季子 之 以此 時 質 行郵寄未 夫 百餘 幹 周 交契見 不 居某處 掛 遛 聞 圍 更為得意故愛之獨整 公送先夫之 劍 如 夙願於是滿堂賓客. 列 視 亦 千 席 及 同 而 錢晶 、舉辦先夫 段 喜愛 公特 秋 玩 種 相 住話 故 陪 物 絕 殊 光璀 先 貴 席散 紀 以 未 重 子 頗 夫 物先 約 辨 敬 旋 以 後 略 其 承 卽 出 於 相 此

可

庚子西符叢談 祭四

目此次天 兩專子 於賢 **先**頹 萬 亦 良 南 就 古 雲 時 扳 任 霄 節 伺 懷 感痛 重 來 公 **重鎮畿疆** 最 南 寧有 北 睽離 出 極 使 方 喜 無 耶 囘 緣 隨 画 扈 픔 後 接然每 亦數 入 都 數 可 以 憶 見 重 經 面 一瞻色笑 年 隨 共處 時 出 學音 入未 不 意 幾 大 笑 勛 貌 即 歷 未 集.歷 總 在

軍戡三 旨大學士一 本 膺愁賞遽 派 、字然當 入祀賢 派恭 日內閣 該 兼 平髮捻 大學士 亦 充 尚 親 北 聞 洋 奉 能 王 畤 良 諸 等 為 流 祠 溥 溘 大 稱 逝震悼 全權 偉 肅 諭 情 以 臣 離 匪 道 示篤 帶 毅 匡 厥 朕 濟艱 欽 意排 大臣 功 伯 領 路 基偉. 念蓋 ク 侍 良 直 奉慈禧端 與各 一隸總 深 難 中 衞 李鴻 朝廷 天 臣 + 輯 員 下 至 督 國 和 一意其餘 前 章着 李寫 使 宗 中 特 捧 祐 往莫 外老成 周 臣 讀 沛 康 一妥立 殊思晉 章器識 先加 頤 Š 餘 鮾 飾終典禮 昭 予諡 思漢 恩 和 謀 豫 約 封 莊 照 覺為之感 .國 淵 誠 大學士 具 伯 文忠追 悉合機宜 深 王 有深 才猷宏 爵翊 言綸 夀 再 行降旨 恭 贈太 贊 欽獻 例 泣 衷 終 猶 方 賜 去 綸 耄 扣. 傅 冀 年 崇 由 卹 扉 賞 大人局 復 翰 京 凞 皇 封 給 師 命 林 全 總 倡 太 錐 陀 等 定 率 視 照 侯 經 特 直 准 例

.察上 燭子が 擎並致厚 二十九 意索此次蓋 十里至鄭州未至五六里間有一車迎面而來漸近視之則奭召南觀察也 一年任 日仍 日辰刻自榮陽啓鑿行三十里至趙村尖予於宮門侍班後即前 內奏事處為之左右當晚間駕至鄭州 湖北荆宜施道于抵鄂中屢以書邀予前赴荆州設宴款待異常殷 由京 駐蹕鄭州召見 正在席間暢飲忽得急報乃為鄂撫于中丞參劾罷職令人為之 來此迎鑾者爽爲榮相門人此來實受榮意藉圖開復榮井 · 奭良先是駕至犯水升中丞迎駕後即乘馬 有旨駐蹕二日 驅 四

松

毒隨時據實參辦不得因

此案稍涉瞻徇

云

云此案當時各報紙紛紛議

應得那彦

圖並未查明實情率行具奏迹近報

亦有不

合

1升允着

交部祭議

此後

如

有官弁太監人等恃強滋事仍着

復該撫尚未查訊明白即

大都右升而惡

那謂不

應 加

升

以處

分但

那

被議

在先海

又

被責受虧

na sultante de la companya de la com

卖辯上派禮王查覆本日奉論侍衞海鳴不應乘車奔馳又不聲明宗職咎

王以前怪乃奏參升允擅行鞭責宗室侍衞蓋

忽有大車並軌奔馳直衝前道當令拿住

訊姓名堅不肯說即責以四十

此人固宗室侍衞

名海鳴

升

亦

鞭

那

亦藉此以平之也

窩魚翅蓮子大棗藕粉等食物 往江蘇遇缺即補合浦珠還予為之忻賀不置是日奉旨蒙當予袍掛料並燕 三十日仍駐蹕鄭州奉上論降調荆宣施道奭良著開復降調處分以道員發

駐蹕 十月一日辰刻自鄭州啓鑾行三十呈至圃田尖更行四十里申刻至中牟縣

論奉懿旨皇太后萬壽典禮概行停止 悉良久始退出見予即呼至朝房匆匆慰勞數語予見其忙冗亦即告退本日一周儼然有內廷氣象矣是日慶邸自京師來此當即召見垂詢都中情狀甚 申正抵開封省城駐驛闔省文武均於城外迎駕行宮陳設極壯麗入內瞻伊 初二日辰刻自中年縣啓鑾行三十里至韓莊尖已入祥符縣境更行四十里

途共歷八天 由河南府洛陽縣周南驛至現在開封府祥符縣大梁驛計程四百五十里沿

三日駐開封召見慶王慶以李相遺疏遞上上論奉懿旨略謂上年京師之

庚子百符叢談 卷四

經邁着以 失此柱石重臣曷勝焓慟前已加思云云着再賞銀五千兩治喪立功省分建 問該大學士力疾從公忠靖之忧老而彌篤乃驟患咯血遠爾不起艱危之交 要該大學士忠誠堅忍力任其難宗社復安朝廷攸賴近日因病选經降旨息 即中即補李國熊李國的着以員外即分部行走李國熊李國燾着賞給舉 立專祠政功戰績宣付史館伊子李經述着賞給四品京堂承襲一等侯爵 禮會試云云忠勛遣蔭澤被一門文忠之功固偉朝廷之報亦隆疊祉稠恩 四五品京堂用李經方服閱後以道員遇缺簡放伊孫李國杰着以

初五日仍駐開封召見慶王上論奉懿旨奕劻着加思在紫禁城內乘坐二人 眉與普通皆用上論惟文忠及慶邸恩命均稱懿旨殆以**舊**勛宗**望特示優崇** 初四日仍駐開封召見慶王是日奉諭刑部尚書着張百熙調補葛寶華補 有加無已嗚呼可以勸矣 工部尚書又論戶部古侍郎着陳邦瑞調補刑部右侍郎着沈家本補 授

六日仍駐開封連日均召見慶邸是日乃請訓同京午後予往謁送談及彼

至以 去年在懷來養病予照料如何周至極示感謝並稱予對於兩宮之忠誠盡 疾風 知勁草板蕩識忠臣之語相獎轉令子為之赧赧也初七初入初九 職

CONTRACTOR OF THE PROPERTY OF

Carried Constitution of the State of

刻司房太監首領域初十日仍駐開封自 **想擊極為得力今王君已納粟入官得有差事李孫二君亦同** 城防籌辦 前任交代 辨皇差總局派 是日李浩 即蒙補實疋頭二件子由司房代為領出李監並當面慰勞之 機處譯電寒夜服務手僵指凍甚為辛苦乃此 橄欖魚翅燕窩桂 大臣始得沾溉予亦與及可為逾格異數慕韓觀察時與王 十日仍駐開封皇太后萬壽百官皆蟒袍補服詣宮門外排班行朝賀 均駐蹕 及後來交代事宜 嗣就他聘乃舉孫鶴巢明經自代予去年倉猝隨尾後任未至 齊丙吉自京師來新援例入官以直隸州分發直隸此次由直隸 開 對 在宮門伺應李君係予懷 圍藕粉蜜棗糕等食物多品衣料尚為例賞餘物 傳旨領賞予蒙賞給大緞二正江網袍掛料一卷並蒙 均 由 孫君代任其事會計友王君濟卿佐之忠 來任. 內延訂幕友履 次竟未之及予偶言之於李監 一稚變京 來大梁却後重 任時為予接 卿同在 向 惟 禮 加 親 承 貴 軍 切

允可為之快慰 逢悲喜交集連日沽酒暢談常至子夜予仍延訂孫君入幕同赴廣東承欣然

十一十二十三十四日均駐開封

學之濫觴不可謂非學界中一重掌故亦數典者所當及也 督原奏井單開章程通行各省立即仿照舉辦云云此一道上論實為吾國興 當今急務查袁世凯所奏山東學堂事宜及試辦章程其教規程課參酌中西 十五日內閣奉上論略謂政務處奏請筋各省速辦學堂等語建學儲才實為 而諄諄於明倫理循理法尤得成德達材本末兼賅之道著政務處即將該署

十六十七十八十九日均駐開封

且 加思賞給入八分公街俸毋庸當差云云此事予前在西安面奏太后曾有爾 突從背後舉拳擊之德宗至 十月二十日仍駐開封是日上諭奉懿旨溥雋着撤去大阿哥名號立即出宫 撒廢足見太后 勿說到開封即有辦法之論予以為一時權應之語事過即忘至此果先自 處事之注意聞溥雋性甚頑劣在宮時一 仆地 不能起以後哭訴太后乃以家法貴二十根 日德宗立廊下彼

CHARLES TO THE SECOND STATE OF THE PARTY OF

庚子西特叢談 卷四

見當時視

取

士之典尚為鄭重猶有汲汲求賢之遺意也

后給銀 在旁拍手以為快事 媼出宮時涕淚 對諸宮監 此 徑 三千兩由豫撫松壽派 何能 亦無體統衆皆狎玩 滂沱由樂中堂扶之出門一路慰藉情狀頗覺凄切宮監等均 承宗社之重如 也. 佐雜三員前往伺 而 廢立早行此次 厭惡之奉論後即 更 不 應隨身照料者祇 日出宮移處 知開成 何 等 八旗會館、 世界也 有一 老 乳

兵丁獎賞二十二日仍駐開 二十三日仍駐開 日仍駐開封是日奉論派慶邸等會同前步軍統領看視紫禁城值 封是日奉上論安徽巡撫着聶緝樂調補恩書補 封 江蘇 巡 班

南貢 陳爽龍署漕運總督 入月間暫借 十四 院辨 日仍 理 ·駐開封是日奉論明年會試着展至癸卯舉行順天鄉試於明 河南 如此 **貢院舉行河南本省鄉試着於** 倉皇播越之中而對於下年之鄉會試尚復兢兢注意足 十月舉行次年會試仍就 河

仍駐開封是日奉上 一論核定學堂選舉獎勵章程學校畢業之有學

進士各目即始於此

一十六日仍駐開封召見升允益升帥預備恭送啓鑾後即自開封囘任也

仍駐開封

賜祭 坤一加太子太保街湖廣總督張之洞直隸總督袁世凱均加太子少保衛餘士榮禄賞戴雙眼花翎並加太子太保街王文韶賞戴雙眼花翎兩江總督劉 如聯芳那桐張翼周馥等均升賞有差 壇伊子李經邁 仍駐開封是日論奉懿旨以同鑾在即班賞有功人員李鴻章着再的馬月主

二十九日仍駐開封三十日仍駐開封召見醇王賜膳

十月初 日 仍駐開封是日奉上論盛宣懷赫德均賞加太子少保街外人加

宮保街 於此為妝典矣.

悉為之負責執事官監亦不敢十分批剔在地方既省無數煩費而差事轉易 地方承應官吏無不爲之格 日 仍駐 開 封 召見醇王升允自西安以至開封予奉命辦理前站對於所 外斡旋因皆浼予提點一切凡遇為難之處

庚子 西符 叢談 卷四

心固聊覺安帖無賠累至數萬金戶 景熱官冷心 小夏觀 道 礙.隨 就緒因皆咸啟 尾諸親 駕 於計 為 致 毫 不能 自 快 不 開 內外合謀 祭 亦 奉命之下始知 敢 有所 做難 有所 封 由 貴内監於予 必 相相 輝 啓蹕之前 生發樞 無愧耳 反 爲君 中 沾 煌 不置予若 攪成 文 解 庶 顯 送貢 似 赫 迎 做 受彼 夫役馬匹 到 數 前 滿 臣 驻 無 從 身債 品品 中 勉 人 日 在 如 仿岑郭法 等排 太原 此 夫 忽自 不 強 來 亦皆嫌予木強 對 負處膏不潤在旁人成笑為大愚不 無聲 蹺 役均刻意檢 此 光景不 擠 付. 乃 內庭傳旨吳 見即握 無臭 但 尚 到 與內監 無惡 念 處 解散結束經手事件 真合 旣 找 知 無所 感然總覺事 手曰君 迁 問 如 束 聯 (永着 何 我 不敢稍招學氣 絡 腐 竟 似若 圖 擺 不 五體投地矣然予竟 一氣本 善逢迎 利亦 迅赴 充偌 布 有若 竟 無所 廣 入 事 大 미 、彼輩 仰體 東新任 預備 夾 差 以 無 瞻 在 使 至 不 大 總得 其間 卽 戀 彀 甚 頂 陝 有 過反之 跳 毋庸 中 由開 括 州 知 生 道 一發而 離開 時晤 出 矣 為 以 括 是 此 的 的 非

甚感 筆福 資彌補不知廣 此事出於 心中當 帕頻頻拭淚復言古人君臣知遇輒稱感激涕零今始知並非處話想汝此 具有端 見太后 不過 叠令人不能 累矣啓元 俞 《堪耳稍停又曰吳永汝忠勤 夢丹 字各 緒此 亦 萬一千金高 汝亦 **沙殊倦倦** 啓 軍機主張 未能釋然此真夠到資格矣但予亦不得不放汝去言 一方銀各千兩子又蒙皇 以 去京 元 不 且令毋 東道 生感激太后意謂粵中著名繁富一經到任 可 亦 論 料理引見到省此是正經事予兩張者繼又日汝且先到任亦好吾 師 同 為途 謂 論 缺 廉 在毋庸 自張 庸 爾 俟 惠潮等缺僅 兩 隨扈藉可稍資休息惟是相處 已 大駕啓蹕 文襄裁 近途中亦無甚事可辨徒累爾等重滋勞費予 隨 人患難相從 扈之 可嘉汝今遠去予實非常惦念言次以緋色 七八千耳. 列彼係以道員分發江蘇同 撤 太后特賞 再 行 規費後 跋涉數千里異常勞苦今 卽 ·太夫 癯 情 瘠已甚雷瓊道每歲所入 人 知 人 御 均 筆 日 PP 年以來汝亦儘 切差務亦 節 福 頭 字 謝旋 可滿載 旦遺去殊 日 下之意似 囘 方思意 奉恩賞 於 鎏各 便 可以 夠 殿 便

接洽 者.隨 公私交迫忙碌殆不可言狀是時六家宰為壽州孫公家鼐少宰為浙江 扛 扈 置 抬 有素仍事 大臣宮監部署司員 勿顧 者傳夫者索馬 方自飭行 事向予曉聒而自己又須趁此趕辦赴任手續領文憑謁 者紛紛擾擾喧败不絕地方辦差 事 均 須旋 方又領兼顧宮門 也 束行李全城紛擾 此兩 日 如 中上自兩宮王 在 、員無法應給以 西安啓變時 陳

勢將 歲 特扈送人員諸感因 赴 邦瑞司員則丁君衡甫蔣君稚鶴 匆 衝 2榮相 風 促 不能 一月初三日天氣忽變風霰交作予念明日為啓鑾之期萬 出 冒 無法安置在事 里從 雪往 · 属邸一行辭别蓋榮相待予頗 見詞意甚 不一 申臨歧 此 來奔走幾 瞻天 殷 難且 之意也榮相 人員 **渥謂君** 無項刻 慮黃河張湧鑾舟 大率同抱此 既定南 停 亦 趾至竟夜不得休息視 嚮 Ĭ 厚彼北 備 履新偕們異 杞憂但又不得不 啓程 這 不得安渡則千乘萬 轍 乘輿已駕門內外均 何 而予南轅自茲 日須 此 天色 照舊預 在都中 道 向 風 曙始 備 騎 循 把 别動 鵠 頓 晤 是 撥 日 滯 立伺 中 冗 經

與立即飛馳出城至黃河岸口勘視輦道船渡適瞿大軍機隨後至於黃幄外 **属中來日榮相何言予日匆匆並無他語瞿日總有數語予即以所言者具述** 之屢相阻厄其幾即始於此少年粗率自招其咎真俗所謂冒失者也 隱諱不意瞿固疑予厚樂相而薄於彼以此探予予頃所言適觸其忌後來 喜大喜今年內定可同京相見也蓋予彼時全不識官場機械直心爽口 之瞿即含笑點首日好好旣是榮相說過旦晚許可陛見那是準靠得住的 相值舉曰漁川何來予謂來此照看河渡瞿又問曾見榮相否予曰適從榮相 容易麽早則年底遲則明春准可在都相見暫時小別勿惓惓也予伺送之升 俸滿始可送部引見法合所定安能自由日爾儘放心前去要同京都這還不 無

庚子西狩叢談卷之五

月 初 四日已刻兩宮聖駕目河南開封行宮啓鑾恩送儀節略 **達觀** 居士筆 如

巃 隨升中丞跪伏道左仰見太后面有喜色兩宮上御舟後隨扈官員宮監兵役 以次登舟旋於 各省大員多半趟 楊衣冠肅穆但聞馬蹄車齒平沙雜 可喜者天氣忽而開霽旭日當空融 行望舟傍北岸 飛絕似元 | 舟文武官員紳民父老一體於河岸俯伏跪送予與糧台諸員共為一 上同入黃握少憩旋出握設香菜炷香奠爵先祭河神祭畢撒寒即 城千軍茶火防佛如萬樹桃花照春齊發午正大駕行抵柳園河岸皇 夜鰲 舟 方始 山 集或則派員祗候 次傳進御膳時 一團簇錦徐徐移動離岸北向夾道 一同散隊分途遄返予前時被 與雲飛依依戀戀之心殊發於 則天宇澄清波平如 故 沓聲互相應和出城後遙望河干則 風四扇六 、數益 飛在 一多羽 御 林儀仗益竟整 命 鏡俄而千撓並舉萬疑 一塵不驚沿途 赴任 軍民謹呼 不自覺 並不感 ·踴躍 人情 齊鮮耀 旌蓋 何 步行 太

五三

庚

子

西

狩

並 談

卷五

遠目

书固確有此種情景並非文人緣飾之詞也 朋久處之後一時分決猶且黯然不釋況於君父方知古人江湖魏闕無君則 Maria and Maria Santa

從此而終渡河以後一路行程予皆望塵弗及不復與聞矣 端而合無端而離人海摶沙分皆前定遇合之緣殆從此而止扈從之責亦即 周歲餘三月有一 自往歲七月二十四日在懷來榆林堡迎駕始獲仰見兩宮至於現在已閱 至於本日為止凡歷七十日計程一千三百餘里殆無一日不在屬車之列 旬中多奉命奔走近依行幄者先後不滿五月自西安啓蹕 無

印將及無意得此若有意玉成吾書者簽可喜也譬園 首尾並檢他書記載考其時日分别附入一二事實以資點綴仍仿日記 在之宮門抄自開封至京一段行程頗為完具因亟節抄附錄於此俾完 河以後均未述及不免使閱者稍感缺憾適得殘書十餘頁似係同變 一裁視前後較低二格用以别於正文予序中已聲明不能銜接之故掛 一月初四日 己刻皇上奉皇太后由河南開封 漁川隨扈同鑾僅至此處焉止故自渡 一
附
識 府行宮啓蹕午刻

elected de la compact de la co

于 西 符叢 談 卷五

進膳申初舟抵北岸申正至新店行宮駐蹕 駕至柳園祭河神畢登舟河南官員不隨扈者均於河岸跪送旋在舟中

初五 府古酸棗郡也 日 由新店啓鑾申正二刻至延津縣行宮駐單按延津屬河南衞輝

初六 日 駐蹕延津.

初七日 歌地是日召見總兵朱南穆道員袁鴻祐問豫中營伍 由延津啓鑾申正二刻行七十里抵衞輝府駐蹕按衞輝 丘地方情形甚悉好羅按衛輝即古知 朝

日

初八

初九日 自淇縣行宮啓鑾申刻抵宜溝驛駐蹕按宜溝驛屬淇縣境離縣由衞輝啓鑾行五十里至洋縣馬盟

以答神庥着禮部具擬云云又論河干供差各員着松壽查明保獎水手 天氣清明波平如鏡御舟穩渡萬姓臚散質賴河神效靈自應崇加封 城五十里召見陳夔龍是日上論奉懿旨略開本月初四日由柳園渡

人等着賞銀二千五百兩

初十日 由宜溝驛啓鑾申正抵彰德府駐蹕傍晚傳旨十一日駐一日定

陳夔龍補授漕運總督 於十二日併站前進至豐樂鎮午尖磁州駐蹕召見陳夔龍是日奉論着

十一日 駐蹕彰德府

十二日 自彰德啓鑾駐蹕磁州召見效曾陳夔龍

事祠一摺京師建立專祠漢大臣皆無此曠<u>典惟該大學士功德邁常自</u> 春秋致祭等語 宜逾格加恩以示優異李鴻章着於京師建立專祠列入祀典由地方官 龐鴻書是日上論奉懿旨略開弈助等奏據大學士功德在民懇思建立 由磁州啓鑾至邯鄲縣駐蹕召見大名鎮總兵方國俊大順廣道

無聊六有末路其准之概後雖持節每中在朝廷亦不過敷行舊助恩 空街實際乃同閱散撫幹生肉羅雀當門前聞 文忠平髮平捻於清室實有再造功乃晚年屏居賢良寺中雖掛首輔 不輕投漢人惟文忠以資深躋首輔今又得此可謂兩邀曠典矣 按漢臣於京師向無專祠足見前時旗漢界限之分明文華殿向來亦 漁川所述可謂侘祭

五六

庚宁 医野盐 敲 卷五

予生平未見文忠然無意中却有

面至今印象盾

在腦際前

同

^惓恩綸 成 滯京邸必為端剛所戕 中流失船雖覺徬徨 結遜淸之殘局者迄 亦 廷 則賢哲受其艱危古今一概此 局. 眷已薄假 方挾憤氣 乃雨皆實驗其死也哀可謂 甚 循以公爭持不力貴難備 從 非公莫屬遂汲汲徵 一時佳話矣 茲結 可傷然循迹 卹 命 無義 以 束矣乃無端 至再 相凌公又處於無可抵抗之勢磋 和 觀 至 團 之生極 两 倚 即 和約租就公亦 三項城安車 幸而 忽簸此 段 召還 先期 朝 龍榮沒隆報 史 至忍氣從 適當其時矣但有人言公當議 一時朝 行以 掀天 固 此 違 極 再 時 全權 出 巨 召之言與公鞠躬盡瘁之誓至 士亦多作此感想故對公不勝 騎其清廷以 (世不平之事然公當時若尙 事變抑過甚 天岩 疏 **浪清廷環** 享君 承平則庸佞 쏨 預為道 終 臣一德思禮 磨條件極費唇舌 諭 大局尚未十分安 顧 乃至咯 優 左 地故愁遺一老 冷却-石始 擅 其威福急 功臣 覺斡旋 加 和 傳 則 時 難 以

推翻几案者迨繙譯述過華官又彼此愕顧多時纔發一言首座者即 滔汨汨大放厥詞似向我方詰難者忽起忽坐矯首頓足餘兩人 截断指駁其勢益洶洶首末兩座更端往復似不容華官有置喙餘 眉努目以助其勢態度極為凌厲說畢由繙譯傳述華官危坐祇聽 司官繙譯皆翎頂輝煌氣象肅穆正議一重大交涉首座一洋人方 事門外報王爺到旋聞足音雜沓王爺服團龍掛隨從官弁十數皆行 子當日見此情狀血管幾欲沸裂此時忽聞外間傳呼聲俄一人至 具有發縱能 惟中座一洋人意態稍為沉靜然偶發一言則上下座皆注目凝視若 末座洋人復蹶然起立詞語稍簡而神氣尤悍戾頻頻以手攫拏如 面相覷支吾許久始由首座者答一語聲細如蠅殆不可閱繙譯未 即設在總署予一日偶從館中偕兩教習同過總署訪友經一客 廊聞人聲囂囂即從窗際窺之見座中有三洋人華官六七輩尚 力而華官之覆答始終乃只有一二語面賴顏汗局促殆 ()更軒

前 裝冠帶 色向之噪話王爺含笑以聽意態殊極恭順 無親雖勉強起立意殊不相屬了中仍念念有詞王爺先趨至三客座 下則從者悉分列兩旁島然而入華官皆庸立致敬顧三洋人竟視若 一一握手俯首幾至膝上而洋人傲岸如故王爺尚未就座即已厲 一擁而入氣勢殊烜赫予念此公一來當可稍張吾軍既至

堂在座否子曰吾不識誰為中堂日李中堂也中堂在此當不至是予 乃約其同至故處友逐一指認告姓名曰中堂尚未至也然今日必來 子至此已不能復耐即扯二人共去覓所識友人告以所見吾友日中 盍再覘之予亟盼中堂到俄頃復聞呼報予以為中堂至矣乃另為 仍趨與洋人敬謹握手即逡巡就坐予乃大失望

甚謹飭中堂若為不經意者舉手一 日此必中堂旣而中堂果入門左右從者只二人纔入廳數步即止 正於此際續聞呼報一從者挾衣包先盆息趨入置於門外旁几吾友 此時三洋人之態度不知何故立時收斂一一趨就身畔鞠躬握手 揮似請其還座隨即放言高論手

公此時雖在總署已無實權而自外人目中則獨尊公為中朝領袖 公得盡其設施急來佛牌抱之已遲然庚子一役若無公在更有何人 勛名威望得之有素非可以襲取者音人謂國家不可無重臣文富所 望方稱得起折衝二字自公以外衮衮羣賢止可謂之仗馬而已 為之大快如酷暑內熱突投一服清凉散胸間鬱火立刻消降旋以促 成鶴立雞厚之象再觀列坐諸公則皆開頭喜笑重負都釋予亦不覺 爾不贊一詞喧主奪賓頓時兩方聲勢為之一變公又長身玉立宛然 逐件穿上公一面更衣一面數說時復以手作勢若為比喻狀從人 講指畫兩從人為其卸珠髮扣逐件解脫似從裏面換一夏衣又從容 吾友因爲言中堂一 以鎮外夷汾陽所以退突厥亦皆賴此作用惜清廷不能利用此點使 飯引去始終不知所議何事所言何詞但念外交界中必須有如此 袖良久公猶不即伸臂神態殊嚴重而三洋人仰面注視如聆訓示竟 足以當此重任耶 到即更衣我已見過兩次或者是外交 THE TRANSPORT OF THE PROPERTY 種作用 引

e en de propies de particular de la comparció de entració de entración de entración de entración de estación d

六〇

庚子 匹符叢談 卷五

事為證果如所料予於文忠亦庶幾可謂之窺見一斑者矣 庚子難作時子聞公被召入都即向人慶慰謂决有斡旋之望當學此 雖近護而推想亦不無致理漠高踞洗而見壓生亦先有以懾其氣也 亦未可知同人皆大笑之謂如此則公真吃飯穿衣渾身皆經濟矣語

十六日 十四日 員柯鴻年等 日駐蹕一天 由邯鄲啓鑾申刻抵臨洛關駐蹕召見陸寶忠岑春煊等奉旨明 駐順德府召見直隸總督袁世凱因垂詢鐵路事宜召見鐵路局

十七日 十八日 局情形一案據周馥代奏已革侍讀學士黃思永請將京師義倉收養游 侍郎張蔭桓着加恩開復原官以昭睦誼又論徐會灃陳璧奏察看工藝 匪徒傷及教士案內疏防各官先行革職勒限緝獲並飭各屬教堂教士入日 由內邱縣啓鑾申正抵柏鄉縣城駐蹕是日奉上論甘肅平羅縣 認真保護又論弈劻等奏美國使臣請將張蔭桓開復等語已故戶部左 自順德府啓鑾未刻駕抵內邱縣駐蹕見袁世凱松壽張翼.

民創立工藝局招股創辦等情着於京師內外城各設工藝局 **籌辦由順天府督率黃思永所請招股設局着不准行** 區招紳

字之疏漏中國之官何以由美使奏請即使徇美使之請上論中亦 因其與外人相識而復之復又復得無根據吁嗟張公何不幸而與外 有 必敍明結尾以敦睦誼四字尤為多贅開復本國處分人員於睦誼 相識抑又何幸而與外人相識耶 何關係耶從前因其與外人相識而殺之殺固殺得無理由此時 張蔭桓並示革職開復二字實無根據但此猶不過前此上論中文

此 合據此言之則吉凶生死某時某地早有前定冤在夙業亦無事為公 角亭名之後來即於此亭行刑說者謂角字為刀下用識兆無端而適 處地勢稍高足資登覽亭成請名一時思索不得因適在牆角遂 川述公遺事尚有一事未及謂公在成所時忽於門前構造一亭以 낈

漁川又言公臨刑之前數時已自知之忽告其從予謂爾常索我作畫

鎮定蓋公之得於道者深矣 範水異常縝密盎然有靜穆之氣畫畢就刑卽此便爲絕筆此真可謂 終以他冗不果今日當了此夙願即出扇面二頁畫之從容樂翰模

若此耶 至民國以來國內談實業者亦從不聞道及幸不幸之相去何其懸絕 蹈不測之誅同鑾以後風氣已轉凡稍習新法者皆展暖柄用而殿撰 此立大名成大業躋大位羣奉為全國實業泰斗而黃公先以此故幾 國工商界中開一生面張公淑辦於南方黃公淑辨於北方顧南通 張黃兩公皆以殿撰而辦實業又皆同時先後措手提倡頗早實為吾 蹶之後竟不復振觀於此論若尚含有餘憤者用其策不用其人直

十九日 二十日 自趙州啓鑾申刻抵欒城縣駐蹕是日奉上論桂春着開去右翼 自柏鄉啓鑾申正抵趙州駐蹕召見正定鎮總兵董履高.

按桂春當是旗員中漂亮人物袁忠節疏稿中頗推重之則其人可知

二十一日 等奏事處傳旨明後日駐蹕二天是日奉上論二十八日同宫後即恭詣 究賴慶榮兩人爲之疏解所以僅開去總兵而止當時報紙上載有彼 沾染着通匪色彩彼一時此一時大官真不易爲也 當係實在然足見當日之風聲襲暖前此怕沾染通洋嫌疑此刻又怕 品大員非請旨不能派不見論旨之小頭目則於彼不相當云云所言 致謝慶榮一信極力辨白以帶團論旨中並無其名為根據謂彼係一 後來有人謂莊王府中查出册子帶團諸人中列有其名因此頗將追 自樂城啓鑾申刻至正定府城駐蹕召見恭親王溥偉孝春煊

頭見禮節歷來不知曾廢幾許爭論此番和議亦列為重要條件**反**

大意係誠筋臣工以安不忘危痛除粉飾君臣上下同心共濟等語又論

奉懿旨同宫後皇帝於乾清宮擇日覲見公使太后於坤寧宮覲見公使

各祖先殿謁告並遣官分謁各壇廟及東西陵又論奉懿旨東西陵理應

謁着於來春部沿率皇帝祗謁務應破除常格減節供億又論奉懿旨

庚 7 西 狩 叢 該 卷五

覆磋磨頗滋唇舌此等節目本無矜持之必要乃前此看得十分鄭重 如何不肯將就此刻乃終於惟命是聽更格外要好添出夫人一 A STATE OF THE PROPERTY OF THE

道禮數受罰不受敬真不值矣

一十三日 一十二日 駐正定召見岑春煊等是日奉上諭將甘肅教案兇犯四人正 駐正定召見夏毓秀吕本元等.

法仍嚴拿餘犯又論浙江學政着張亨嘉去

二十四日 刻駛抵定州在鐵路公司傳備御膳申刻抵保定府駐蹕 已刻自正定府啓鑾改由鐵路北上兩宮分乘花車於午正

十五日 封迎駕復還京師現又至保定迎駕並報告和議進行情形及都中情狀 駐保定召見慶親王梅東益鄭沅唐紹儀等按慶王前曾至開

一十六日 也 書徐用儀吏部侍郎許景澄內閣學士聯元太常寺卿袁昶該故員等子 嗣幾人有無官職着吏部迅即咨查聲覆 駐保定召見周浩等是日奉上諭原任戶部尚書立山兵部尚

拳開肆之大害而其位分又足以建言者殆將百倍於此顧皆隱情惜 者也誤殺忠良亦國家常有之事既已是非大著則發忠旌直分當破 此論聞係根於外人之公論慶王新從京中帶來之消息而汲汲發表 少矣可知疾風勁草固自不易諸公先已有旨昭雪開復至現在復 己自安緘默其能批鱗抗議發抒正論者乃止有此數公抑未免於 按論旨所 格優如用以懲前失而勸將來乃反待外人之置詞枝枝節節若有不 實非本心秉筆者揣摩其意對於此種上論皆若吞若吐使人讀之不 定外力消長即為帝后權力消長之關鍵故疑當時主張剿拳不戰之 快然以孝欽當日之權力如此不願而終不能不出於昭雪且至於 得己而爲之者蔫萃欽心病所在祇因當日外交輿論多右德宗乃認 人皆黨於德宗而為彼之政敵以此始終耿耿雖迫於衆議勉強湔雪 而再則又以見斯民直道之公本乾坤正氣之所宣洩其潛力又違 列皆拳案冤殺之大臣何其多也但當時盈廷濟濟深知縱 主之上也 見

庚子西狩叢談 卷五

十八日 御用其餘各宮嬪及親王大臣福晉命婦内監分乘各車花車中均以黃 迎迓車停一刻鐘於十一點四十分開行十二點正抵馬家堡 貂絨黃緞鋪飾所有御用磁器碗盞均由盛宣懷預備呈貢上皆有臣盛 駕處所繪圖貼說呈經慶邸閱定由內閣留京辦事處進呈御覽計分畫 由步軍統領衙門順天府五城御史擬定迎鑾王公百官紳民營隊等接 槍奏樂十 宣懷恭進字樣車站兩旁紮有絲棚三十座前兩棚為直隸督憲監司 送休息之處餘皆以印委官一人主之備送迎官員憩候開駛時軍隊整 十二輛計上等花車四輛皇上皇太后各用二輛又上等客車 十點二十五分自保定行宮啓鑾鐵路局特備火車 駐保定召見紹昌張蓮芬楊士驤馬金敍等 點二 十五分駕抵豐台接駕各京官暨鐵路洋員均於站 車站先期 輛皇后

《新班拉拉拉》中,"阿拉西西西班拉斯","一","西

黄幄 迤 接自豐台至正陽門由步軍五營兵隊分段跪接 西 自蘆溝橋至豐台馬家堡由馬提督姜提督兵隊接連沿途

黄幄迤東 黄幄南向 永定門內東至天橋 臚寺 務府 **吏禮刑三部** 欽天監 三院 全權王大臣 自馬家堡至永定門外由左右營弁兵五城練勇分段跪接 鑾儀衞 理藩院 八旗都統 王 通政司 侍衞處 軍機處 具勒 各衙門 具 子 翰林院 留京辦事大臣 蹕路大臣 順天府 公爵 THE RESERVE OF THE PARTY OF THE 詹事府 五城街道 宗人府 太僕寺 中書科 各衙 門 內

永定門內西至天橋 部 八旗都統 倉場 各衙門 都察院科道 王 与 勒 大理寺 月子 太常寺 公爵 光禄寺 内閣 外戶兵工 國子監 四

護軍營 八旗十二固山珍佐領 以上各官弁均排列石路東西跪接 護軍統領 火器營 使 鋭 營 圓明置

紳士排列石橋拖北一帶 大知欄鮮魚口打磨廠正湯屬各地 西珠市口迤南一带 者民排列東西迤北一帶 候補官排列 天橋迤北 帶 五城練勇分列 廢員排列

何感想

綠轎一 軍 火草抵 手馬步兵皇太后黄 緞轎舁轎 囘 樂工 仗極 門 人西安啓鑾前數日四軍機 在城上 **鑾儀飾**之 以次散隊 大駕一直 但聞馬蹄 玉崑擁護殿 馬 頂馬車六輛末後車馬甚多大抵皆隨尾官員內有穿黃馬 為嚴整沿途文武 夫均穿紫紅色緞繡花衣四圍由侍衛內監擁護轎前排列 家堡稍停旋見軍士擎槍奏樂兩宮先後 觀 次為 **需既入永定門遵新修御道緩緩** 進大清門未初 經年播越劫後歸來城郭依然人民 看有脫帽揮拂 人跡絡繹 御用之 以皇 一后同 儀 不 衣箱 絕約 仗均與皇上 官弁駕班鷺 御黄緞轎儀仗隨從視兩宮稍減宮嬪 入乾清宫却先詣關帝廟 以示敬禮者太后 馬 均賞黃褂在開封又特賞數 未 匹駝 正 五十分始抵 轎次為 相同又次則為各親王宫嬪由 序東西街 騎馬從人次弓箭手長 在與中仰視 而行日映灣旂 接皆鞠 如舊兩宮此際不 正陽門尚 下車皇上御八抬 行禮從官儀 躬俯 有留 似 人大約 以含笑 風吹 伏 京洋 肅 褂 則 羽 均

聞先生歷任繁劇悉皆如 **縵齡駢社遐福固未艾也** 不置予到南陽正以捕盗下鄉次日同署始獲晤談極為欣愜聞又 日行事粗飭乃以是月十五由開封挈誊南行取道尉氏襄城許州葉縣 送 三日抵南陽府時沿途各 ·厚而緝捕獨勤故南陽人 、蓋平時布置周密民樂為用來即破獲故以後羣盜相戒不敢入南陽 惟南陽境 北上子乃壹意南行自柳園送駕同省即打疊赴粤之事部署 內較為安靜今鄉揆之太命以泉先生時方任南陽令聞 此當時河南 地頗多盜警承襄陽道余觀察派馬隊八人 民異常受戴途中所過村落市肆均嘖嘖稱 全省州縣稱治行第 一宜其積善慶門 捕得劇 前 힗

各當道談讌

極

歡

旋

改從水道行由

襄

陽

僱

舟直至漢

口

過武昌小住

遂

即

浮

盖予上年續

級本由

觀

察作伐也在襄陽住

日

獲

晤

東下竟

在輪舟中度歲以壬寅

元

旦始泊椗

上海抵上海未幾即

感病

愈直至是年五月初始稍稍痊

內眷入署晉謁太夫

南

啓程過新野襄陽入

湖北境余觀察先遣人邀寓道署予謝不往

蓋積勞經年至是并發故淹纏不得速

せ〇

庚二、万行叢談 卷五

勤調 是時尊督為陶 又 滬 奉旨 元斤極 補雷 輪抵省中途延滯已將半載 調 為難治子在任三年 瓊道子即補其遺缺隨即奉 授 惠潮嘉道 文勤公模巡撫為靜 子初 未 有絲毫活 幸無隕越 山 文 (到任高) 已 動 壽子謁見督撫後 無端 而 調署售 改授 廉道 瓊旋 一駐高 **示**知 卸補 何 州 和知高 故殆 與 實 廣 未 廉欽 上意以 西接 及 一 泉 年.寇

等尙 與為 謂 潮州膏腴 予久任邊缺地偏 如有意某等 得有此 助 不 如雷 本 因 之地籍 得 循 以 知之 瓊 公根柢 恩眷若稍盡 延誤 圖 包 厚 均 心静. 或且 示調 但子守此瘠區 息以子為希望 可爲力蓋當時 如 一終成 劑不 此較之他人定當 亦頗安之若素屬僚朋舊中有知予事者均極力怨 人事封疆旌節操券可得否則主眷雖厚而 畫餅豈 知 潮州 | 自給| 最 各 菲辜 府乃為著名優缺至道缺所入僅與高 地票號皆殷實喜 大之主顧若挪移 不暇何處得金 負 事 半功倍. 現 在 朝局 小 已成 往 作此等營幹擇人 而 二十萬立可允許 輂 而 大來倍 互市 則 日此 無價 稱 之物終 左右 甚易 之 息 恿 何

.

富貴今雖一麾久滯然較之廣文苜蓿為幸已多但盼能安常守順盡吾職事 不生意外波折則於吾願已足窮達有命聽之可也 有相兜攬者子皆委婉謝却之日諸君盛意良厚但予家世儒素不敢圖非 The second of the second second beautiful to the second se

其時瞿相已當國 獨置雖輕輕夾帶而專精營注實挾有必得而甘之積慣吁可畏 調雷瓊果以白簡相節通摺參劾十一 為迴護從輕發落者一則以後列名諸員既處分重罪必皆有確切事實不能 亡何而意外魔劫忽爾飛集子在高廉甫一年有餘岑春煊忽自川督 列之於首而故輕其處分一似予必有狼藉不堪之情狀而彼特仰體上意曲 疆者蓋彼用意殊甚深刻知太后對予尚有恩眷乃以予與重咎諸員并劾且 缺送部引見餘十人則皆情節重大有華職有永不敍用甚至有查抄遣 冤家路窄竟爾相逢此真夢想所不到者顧又無法規避祇得坐以聽之迨余 用事與岑煩通聲氣 人列予於首而處分乃甚輕微僅請 也 調 兩

理瞿已窺見太后詞態有猶豫意即正

色陳奏日

國家二百餘年制度凡疆吏

太后得摺後即交軍機閱

看詢

如 何

庾 子 狩 叢 談 卷五

岑在粤督任内凡參罷文武 情真罪當此摺我總主張留中言畢以手微拍作聲譽復挺奏數語持之甚力 永這樣人举春煊都要參他天下可參之官多矣苓春煊向喜參人未必一定 象全力以博兔而竟得免膏牙爪太后於予保護之思遇不得謂為 情戊申入都始聞悉底蘊蓋慶邸以告陶杏南轉以語余者岑瞿兩公乃用 太后乃勃然變 煊所擬吳永處 合太后意微 良心想彼做 的話並 準壞即以手用力連叠拍案日留中決計留中我決計留中定了程乃不 語遂將全摺一井留中不發而其餘十人亦竟以無事予當時夢夢並不 八情節: 不十 , 殆無有不允所請者當然應照例辦理太后婉語曰吳永這 愠 官必不至於十分過壞此摺我且主張留中如何瞿復奏日岑春 大似未便因吳永一人 色日難道苓春煊說他壞的人便準定是壞了麼我知道苓春 分可靠我知道吳永是不壞的我因吳永推想餘人亦未必 分本甚輕送部以後太后如欲加恩仍可酌量起用摺中尚 日我只知道吳承這人很有良心他做官 大小 官員至 而將全摺一起留中於國家體制 千四百餘 因 一定不能錯的像 而獲罪者亦 不深 恐有

岑以此摺留中知太后於予思眷未替遂不敢復有舉動予不久亦即以丁憂 論者謂彼對予方先以此嘗試如得允開缺勢必尚有下文蓋彼毒子至深必 去職竟得安然出險方佘在雷瓊時中間兩遇臬司出缺太后皆提及予名悉 資談助較看上海劇場扮演之假戲當稍為值得也 前塵恍如夢寐僅留此區區殘影縈同腦海絕不願向人曉聒今日與諸君 烈有此一番遭際却又枝枝節節受了無數折磨結果祇是冲銷完帳未沾 生之蹉跎乃即由苓作頑我為彼福是而彼乃為我惡宿彼蒼冥冥位置若 為瞿善化所阻以兩宮之恩眷如此而一官偃蹇終至與國同休始厄於岑終 **欲擠之死地而後快乃始終不能相厄由今思之真可謂絕大僥倖也** 同事至交重承問訊偶一傾吐不覺盡情宣洩權當是村詞盲鼓茶餘酒後 互相顛倒以成其巧殊可異也子本安居下僚僻地毫無營幹無端而轟轟 厄於瞿此一段錦片前程遂爾蹉跎過去岑一生之顯官實皆由予作成子 毫赢息造化弄人作此惡劇此所不可解者迄今山河改色思怨雨空同 ,非但睚眥必報即素所受恩庇者亦皆以怨報之很心辣手絕是不留餘地

庚子 戸符 散散 卷三

然而忠惠數年之間由縣而府而這晉柏府歷薇垣數歷數省遂擁持旄節總

語矣 擲孤注於不必得償之地此稍有計較之士所不肯為者而且棄親戚離骨肉 殊眷兩人者同為吳姓同有德於孝欽同受知於患難之中又同在知縣任遙 則坐困嚴城之中懸命虎狼之口空名守職自救不暇徒以激於區區忠義之 道路區區數百金直九牛一毛之比又以無心而誤投之其事蓋已微矣漁川 顧忠息方治濱江大縣南北綰轂水陸膏腴之地錦車華節供張饋贐不絕於 以單字而藏合五行論者至有水木清華之目抑巧之巧矣 **遙數十載後先輝映若合符節吁何其巧也忠惠名棠從木漁川名永從水皆** 雙園居士曰昔盱眙吳忠惠公以無心轉贈而得厚酬漁川以倉卒迎駕而被 倉皇被命接浙就途子身從難蹈禍福不測之危地跋涉逾數千里櫛沐彌 主之節上不忍負國下不忍累民至罄其半生宦業辛勤銖寸之積以供饘橐 氣徑行其志一往不顧冒鑿門之險效負曝之愚忘力竭無繼之難盡危身奉 五月賠累至數萬金夷險之勢既殊難易之情迥絕絜勞比續殆不可同年

THE PROPERTY OF THE PROPERTY O

曹濟三仕三己終孝欽之世同環往復竟不能更進一階施百於前賢而報斬 以眷則隆而極其所遇簡授一道而止矣始而高廉繼而雷瓊而惠潮而充沂 侍輦轂畫日三接頒賜稠叠與王公貴胄相埒以資則深以勞則著以地則近 制方面麥德贈諡垂蔭子孫駸駸乎與雲臺麟閣比烈何獲報之隆也漁川 and the state of the

滅 與委蛇遷就以示之親昵則順風送扇開藩建節直唾手間事有行之者捷足 但當時以漁川得主之盛才氣之英發柄臣權監推襟送抱爭欲相結納使稍 敢動聲息迄於拳焰大熾姦民悍匪百計圖報復卒以紳民愛護之力安處虎 夫漁川以盛年膺特薦治懷兩載聲譽鼎鼎拳民壇宇遍畿輔而懷境肅然不 於萬一嗟夫豈非命耶 不得其助而反受其擠是以機會屢集而不獲一當雖曰天命抑亦人謀之不 而先得成效固彰彰也願狃於書生結習倔強自遂不肯稍貶損以求合卒至 司連帥之位亦自可計日而操其券然則對於孝欽直謂之未嘗得報焉可也 穴不損毛髮奇才異政亦大略可覩矣向使無此一段遭際依階平進區區監

THE PERSON OF TH

猶得隨時俯仰斧沈中秩以全生而養命然則昔之所失者轉為今之所得亦 門伏匿籍乞貸以延旦夕者比比相屬也官高則難於位置名著則易受無排 然吾觀遜國鉅僚富極貴溢聲勢赫赫改步以後窮因失職至不克膽衣食杜 五石之瓠乃落而無所容而漁川因身受迭次沮抑官不高名不著十餘年來

未可知也 槐省風清同消白萱區區一 造微論其事實真偽要於朝章國制類茫然一無所覺得此一夕話親聞親見 罕有能言其本末者坊肆小册如清宮秘記等等殆亡慮數十種率多架空應 可復得今日偶然敍述要不過如孔云亭桃花扇中末折漁樵晚罷閒話與土 名爵里漸不掛於人口即漁川躬與其役殆亦似黃梁覺後追尋夢境彷彿 迹當日之翊衞元勛和戎上相在事主要人物今皆如太空俘雲掃蕩幾盡姓. 嗟乎此事往矣故宮禾黍舊刼滄桑覺羅氏一代歷史瞥如曇花過眼已成原 聊足燒一時悠認之妄談雖言之不文而網羅散軼掇拾舊聞亦庶幾乎古人 家帝后出走震天動地之大刼迄今歲星不過兩周而當時情狀漁川以外 人之升沈枯菀曾何足復加注較獨念此亡國破

之義閱者略其詞而諒其意焉可也

遠吾知其難者也 懸軍深入冒百忌以賭一日之得失以兵法論實處於必敗之勢所謂越國 雖然漁川之言予旣備聞之而述之而論之矣顧擱筆以後反覆循繹尙 習各殊之衆猜嫌互異之情雖勉強推定冠軍號令決難一致區 不能釋然於懷者庚子一役鲜由我起衡之公律固為背理然既 而至於宣戰則又不論 理而論勢彼聯軍以絕海難繼之兵臨 時烏合之 區三萬餘 已不幸決 艦 風

傾國 議輔者為數當在十萬以上以衆禦寡以主敵客以逸待勞賺之登陸而 當時我國除禁軍不計外所號北洋六軍聶馬梅何各提鎮所部軍隊環 後八面犄角一鼓而覆之固非甚難事也否則 而使之自屈斯仁之至義之盡矣更不然念子產壞垣之情執晉文退舍之 其從容馳聘長驅突進如入無人之境遂夷我堡壘據我城郭躪我京邑遷 地防堵以限其馬足一面肅清內亂然後重整敦盤相與折衝於樽俎彼 而至亦決無壓我城下之理乃既不能戰并不能守京津三百餘里 圍 而 錮之勿加殺害杜絕接 斷 列 卽 が 誼 濟

庚于西符叢談 卷五

異也 我朝野上下痛定思痛宜如何并心壹志力圖振厲臥薪嘗膽以共脫 之矢言漢武輪臺之悔艾地方官沿途供應競求華侈確容玉步宛然如灣輅 牛馬之街勒乃和局甫定兩宮播越經年僅得復還故處絕不聞有盤 迫務欲踐吾國於朝鮮印度之列在清室為宗社將墟之痛在國民有國命垂 有其事者以苟延為再造以半主為中興散笑漏舟之中恬嬉危幕之上是可 行春鏡歌返闕之景象於昔日之瘡夷塗炭皆已消弭淨盡不留餘迹一若未 絕之虞此實我全國之奇恥大辱惠切於剝膚而禍深於萬劫者 勒賠款賠款不已更須請罪請罪不已更停考試停試不已更懲罪魁種種壓 我重器屠戮我官吏凌虐我人民宫殿化為穢墟衙署廢為馬廐如是不已 THE PARTY OF THE PARTY OF THE PARTY OF THE PARTY OF THE PARTY. 也 一 庚 額 此 奴隸

糾臨事不見設施誰秉國成階此大厲卽誅責未及亦當引罪投劾自謝 乃委蛇固位方幸以前此未有建白為得計而晉宮街而當黃褂受不愧 不疑猶復忌賢疾才爭權競寵沾沾於語言酬應之末節因以樹門戶而分淵 一時柄國元僚封疆大吏多半皆事前顯職有列於朝有守於位先事不 聞 國

膝視國家之淪胥人民之飢溺毫不慨於其心大臣如此小者可知清社之屋

於此已見此尤可慨也

共脫之法而惟是角觝歸嚙忿爭芻秣互相凌踐以自促其生命此真可痛哭 識界中雖同抱消極悲觀而聽天委命耍莫肯稍出其精神心血以勉為宗國 信之間除當日私人局部開見偶有著錄外從無一完善縝密之載籍多數 始末已不甚有人記注偶爾道及亦第如先朝野乘略資談助恍惚在傳聞 其尤所不解者自遭此次鉅厄逼訂片面和約層層束縛我四萬萬人民之自 血以苟圖 相視一如越人肥齊蕭然絕無所與如此極大痛史相去不過二十餘年事 由生命不啻已置於他人站组之上擇肥分鮮聽其宰割全國民衆顧乃淡 有所盡力其當局有力者則汲汲於據地盤攫政柄操戈鬩牆日腐我同胞膏 一夕之快意幸專羊以就屠肆伐毛刳腹次第將及猶不急謀斷繁

和拳之亂所以釀成此大戾者原因固甚複雜而根本癥結實不外於二端 則民智之過陋也北方人民簡單僕質向乏普通教育耳目濡染祇有小說

流涕而長太息者也

蓋亡慮數十百種深根固蒂滋蔓已遍於大河南北名目雖異實皆與拳教 中之有勢力者無過於兩大派一為封神西遊侈仙道鬼神之魔法一為水滸 維持其旦夕之命浸徑已久而冒險樂禍恣睢暴戾之心生焉明知誅責桎梏 等教皆不出於直魯晉豫各境據前淸嘉慶年間那彥成疏中所述教匪源流 之在其後而 藉儻來之機會以苟圖衣食羣聚益衆則機會益難非至於作奸宄法不足以 謹往往不能自振以至於失業因惰而游因游而貧而困則廣集於都會之地 與戲劇之兩種觀感戲劇仍本於小說括而言之即謂之小說教育可也小說 而僥倖於萬 質故各種教術之統系於北方為獨盛自義和團而上溯之若白蓮天方八卦 俠義狀英雄草澤之強梁由此兩派思想獨合製造乃適為構成義和拳之 印版被之者普而入之者深雖以前清之歷次剷刈而根本固不能拔也 則生計之窳薄也北方人民生活省嗇而性多始情謀生之途太仄精 一游而暴適有民教互閱之問題以作之導線真點大猾乃利用鉤燭飲 爽 **K**. 有勢可乘不問是非利害姑且吶喊附和恣意焚掠以蛋其所愁 Ħ 一之漏網因多數民衆平時皆為此兩種結習之所淪狹因愚 特 THE EXPLICATION AND ADDRESS OF THE PROPERTY OF THE PARTY. 鼓談 雪五 同

狂藥奸民倡之愚民和之游民暴民益乘勢而助長之如硝磺样炭一旦拿合 遂矗然爆發而不可復遏

皆可以隨時利用而構煽之割導線而尚留硝藥危險之性永存防於彼而失 計詔書憲令丁等剴切至再至三而不已不知就本案論則民教固為其激觸 之始點亂之所擊而非其所以為亂也衡以全局猶本中之標也此愚民游民 之兩種社會若不嚴底改革廓清滌淳去其所以為亂之原質任遇何事奸人

勢與人類生存之正理勿修言學校普及炫難得之這功而忽可能之近效 事半而功自倍一則注重於普通生業爲人民廣闢謀生之途徑敎以手工技 社會與中上級逐漸接近以相當之知識遞相輸權俾多數民衆略明世界大 普通教育改良小說改良戲劇組織鄉約里社實行宣講以種種方法使下級 今欲為拔本之計必先深求其本中之本從改革民衆社會着手一則注重於 於此亂源終不可以塞也. 使多數無產階級皆得憑自力以謀生活殖其原料開其銷路便其轉運 則

Contraction of the state of

庚子 西符 叢談 卷五

夫良醫治病必深究於其病之所由起吾國受病之源亦固匪朝伊夕自鴉片 之戰而外邪已入自洪楊之亂而元氣大傷然猶是膚膜寒熱之外感一轉而 雖纏縢鳥篋必有一日而同盡所謂支之不存毛將焉附者也 毋寧乘一旦權位姑自厚封殖以貽子孫不知羅珍聚寶厝火而置積薪之上 注意者夫固非見有不及而明有不燭也徒以體大事難國家非一人之專責 顧庚子以後忽忽又數十年矣而當軸鉅公海內賢達終尠克於此二事加之 法以驅其後既有恆產必有恆心無賴之徒自無由而聚集雖有豪猾亦無法 浮浪惡少不得安足光導以可循之路而後乃懲之於不率之人恩以勸其前 入腠理遽成絕大危症則實自庚子一役始今試問吾國工何以臨商何以做 剖縷析其理致益顯然可見也 其交易更於城市都會整頓警察制度廣設慈善機關使失業之人得資救濟 十世紀以後欲競生存於世界舍此亦更無他術由義和團之事而證明之條 頑不游則不暴硝藥既去雖有導線亦將何所復施非特一時之現勢如此一 以相煽誘無愚民則人心不可以妄動無游民則亂象不至於猝成不愚則不 A THE PARTY OF THE PROPERTY OF estanda en properiora de moderna de estanda en estanda en estanda en estanda en estanda en estanda en estanda e 子一約實吾國無期徒刑之宣告判决書執吾手而強之署押者也危症一現 是何以故一言以蔽之曰以經濟窘迫故經濟何以窘迫曰以賠款故因賠款 **教育何以不振自治何以不與乃至軍隊不能具鉤需官吏不得領薪給全國** 綠槍會之所在滋蔓實皆猶是義和之遺種蓋不出於吾前所述二義其所以 價張直接間接舉皆於庚子一役有莫大之影響即最近赤化之流毒紅槍 百雨交乘由此而外感日以滋深內腑益難清理屈指二十餘年來內憂外患 款而發生即庚子以後凡交步上所受之種種損失亦大半以此約為萬失庚 以內無貧無富無貴無賤無少長男女皆憧擾憔悴處處然似不得安其生者 靡有尋包清室之所以遠亡民國之所以多難軍隊之所以不戰民氣之所 國際地立送一落而千丈賠款持條約中之一款而牽連以及者實多因此 施悉受宰制如為受穿如吭受扼致呼吸運動皆不克自由舒展何以有賠款 而有借款因賠款借款而鹽關兩稅皆握於外人之手因兩稅關係而百凡設 構成之原素同也 日以庚子義和團之故因義和團而有條約因條約而受壓抑受剝奪受限制 ન મામાજી કે કે કે કે કે મામાજી કે મામાજી તેમાં જે કે કે મામાજી કે મામાજી કરાય છે. મામાજી કે મામાજી કે કે મામાજી 李 以茶餘之清話作飯後之鐘聲願吾國憂時志士愛國青年同首前塵毋忘檇 昔吳之敗於越也夫差使人立於門中出入必呼之因是以申做國 於心目者然則茲編所述固藉以存一時軼事亦庶幾自託於夫差門者之 人之恥庚子之役於吾國創已鉅矣痛已深矣固吾國人所當念茲在茲懸懸 人終雪先 役.

年之所記時 以懷來令隨駕西狩耳聞目見與當時外間所傳聞異辭吳公口述劉公華授 妄語而已羌無事實劉治襄同年雄于文下筆娓娓不倦同值樞垣朋輩三四 之日狂曾以意編庚子禍國記申報載之而頗為時流所誦也其實不過童言 持力謀所以傾當局者但不欲與黨人伍以文雜投各報自署為庸生人皆目 清光緒庚子之役余方在滬讀書震旦學院年少血氣不定痛朝局為 天下事一蹴可幾不料為權相所忌卒老于監司不得與世所艷稱之吳忠惠 隨 人嘈雜其左右而能作文治事如平時此孟子所謂不動心者也吳公漁川曾 方殷天下可驚可怪之事恐尙不止于庚子之續悍也吾將拭目以俟劉公他 公並顯豈非命耶今垂垂老矣眉間尚放白光誠不愧曾惠敏之門楣也世變 土俗吳公意有所盡劉公則間以己意參錯其間也吳公當年意氣之豪以為 聞題記積久而成帙今所刊庚子西狩叢譚是也閱世次敍廢興驗物情懷

中華民國十有七年四月日南昌饒孟任跋